

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



FROM A BOOK FUND COMMEMORATING RUTH GERALDINE ASHEN CLASS OF 1931

It's a sad thing
when a man is to be so soon forgotten
And the shining in his soul
gone from the earth
With no thing remaining;

And it's a sad thing
when a man shall die
And forget love
which is the shiningness of life;

But it's a sadder thing that a man shall forget love And he not dead but walking in the field of a May morning And listening to the voice of the thrush.

> -R.G.A., in A Yearbook of Stanford Writing, 1931

STANFORD UNIVERSITY LIBRARIES

GIVEN BY EDWIN EVERITT WILLIAMS '32



 By the same Author, crown 8vo, Cloth, 5s.,

ROUGH CASTINGS,

OR

POEMS AND SONGS.

LONDON: SIMPKIN, MARSHALL, & Co.

The SHEET MUSIC for Songs with Melodies in this Volume may be had complete, with Accompaniments.

Dinna Gang to Sea.

London: E. C. BOOSEY & Co.

BE KIND TO THE AULD FOLK.

MEET ME, LOVE.

THE SAILOR'S FAREWELL.

FILL UP! FILL UP! THE SOCIAL CUP.

LONDON: NOVELLO & Co. GLASGOW; R. DONALDSON.

HAME-SPUN LILTS

J. F. 13 lack

from

MeMMM

EMMM

Temm

Te

SUNDERLAND
PRINTED BY WILLIAM HENRY HILLS.

HAME-SPUN LILTS

OR

POEMS AND SONGS

Chiefly Scottish

By WILLIAM ALLAN

AUTHOR OF " ROUGH CASTINGS," ETC.

O Book—
What the in Home-spun garb I launch thee forth?
Still thou mayst cheer a heart or bring a smile;
If so, be thou a record that on earth
I lived to revel in such dulcet toil.

LONDON
SIMPKIN, MARSHALL, & CO.
GLASGOW: KERR & RICHARDSON
1874

.

These

"HAME-SPUN LILTS,"

Are inscribed

to

WILLIAM HUNTER, Eso.,

Moor Lodge, Newcastle-on-Tyne.

I pour no saponaceous, fulsome strains, I make no servile mercenary bow, My irate soul such mockery disdains, Yea, feels no lofty impulse in such show: If Friendship's Gratitude e'er ruled supreme, Or gave to Honest Worth its primal claim, This simple tribute, as my heart's esteem, Belongs, unsullied, to loved Hunter's name.

PREFACE.

WHEN my primal flights of fancy, under the title of "Rough Castings," were given to the public, I laboured under a feeling, which I suppose is the peculiar privilege of all those who become authors -viz., nervous doubt as to whether their efforts would stand the test of the critic. However indifferent I may have assumed myself to be to all criticism, still I was not insensible to, nor did I undervalue, the opinions of those whose literary acquirements are a guarantee of their sound judgment on such works. I was pleased to note the favourable reviews accorded to "Rough Castings," and I now freely admit, that on again mounting my fireside Pegasus, the poor beast (though willing enough at times) received some severe lacerations in her towsie hide from these rowel reviews.

These continued prickings have resulted in the

present volume, which I have called "Hame-spun Lilts," as the semi-professional title of "Rough Castings" was, from its whimsical nature, apt to be misunderstood, although it did not, I am happy to say, militate against its sale. The major portion of this collection I have written in our "auld vernacular," which to me is ever dear. The only apology I can offer for so doing is, that it is "my mither tongue," and also that it possesses a sort of peculiar "clinkin" affinity to the whims of a rhyming son who has drunk deeply of his national lore, and who is not altogether free from his national characteristic prejudices, which with him are principally confined to an intense feeling of the amor patriæ. I trust, however, that the geniality of pure criticism accorded to "Rough Castings" will be extended to these hame-spun, ingleside efforts of my evening's amusement.

WILLIAM ALLAN.

SUNDERLAND, June 1874.

CONTENTS.

POEMS.

THE BLIND FLUTE-PLAYER (in three	ee Cantos			PAGE I
MODERN KIRK FOUK (in four Jotts	in's) .		•	55
CULLODEN			•	79
GLENCOE			•	91
PATIE THE PLEADER .		•		102
NEW YEAR'S ADDRESS TO POESY				116
VICTORIOUS				123
ONE MIDNIGHT		•	•	131
PARNASSIAN REFLECTIONS.				139
BUSINESS PHILOSOPHY .				144
THE BROON BAWBEE				148
THE MODERN STAGE (in twa Acts)				153
TRUTH IS PAINFU'				166
THE WRECK				172
GLORY				175
TO KEEP A MEMORY GREEN				179
THE WOODEN M.P				184
LIVING MEMORIES				189

			PAGE
DINNA GREET	•	•	193
TO A DEW-DRAP	•		197
ODE TO THE ROBIN	•		200
BUSINESS PIRATES		•	203
INGRATITUDE		•	206
THE MAN			209
GATHER, MEN! GATHER			212
POVERTY'S HAME			216
THE GUID THIEF			220
EXTRACTS FROM "THE WAND'RIN' SCOT"		•	222
A DRUNKARD'S SATURDAY NIGHT .			260
SONGS.			
BAIRNIE IS NAE MAIR			275
JEAN AN' THE WEANS	.•		278
'TWAS JEAN'S CURLY POW AN' BLACK E'E			281
BE KIND TO THE AULD FOLK (with Music)			284
I COULDNA LO'E ANITHER, JEAN			287
FEGS! LOVE IS A DREICH THING.			289
MEET ME, LOVE (with Music)			292
I'LL SHIELD HER! AYE GUARD HER MYSEI	r ' .		294
I LEAVE THEE, LOVE! BUT LOVE THEE MA	AIR .		297
DARKNESS AROUN' ME IS STEALIN' .			299
DARK, DARK GROWS THE NICHT; OR, JEAN	NIE'S A	WA'.	302

•				
				PAGE
FAITHER O' LOVE! GUIDE THE BOAT	•	•	•	305
"GUESS WHAT HE SAID"	•	•	•	309
THE SAILOR'S FAREWELL (with Music)	•	•		312
THE HAME-SPUN FOR EVER GIE ME	•	•	•	315
HAME JOYS		•	•	319
HAME ISNA HAME				322
HAMELESS IS HAME	•			326
SOMEBODY'S WAITIN' FOR JEAN .	•			329
TRUE TO LOVE				332
SUNRISE				337
FRIENDSHIP	•			339
KEEP A STOUT HEART TO A STEY BRA	E.			341
FILL UP! FILL UP! THE SOCIAL CUP (2	vith Mt	ısic) j		344
FECHT YOUR AIN FECHT		•	•	347
"HARK! HARK! LOUD THE SOUND	OF THE	BUGL	E IS	
HEARD"	•	•		350
THE AULD YEAR, 1873				354
TRAMPIN' THE BLANKETS		•		357
AINCE MAIR	•	•		361
THE MOSSTROOPERS' SONG .		•		364
LOVE'S FOREBODIN'; OR, THE WIN' BL	AWS H	Œ.		366
ABOON A'	•			369
GRANNIE'S ADVICE TO A SUMPH .				372
EVICTED	•			376
SONNET	•			379
SONNET				380
WE A' HAE JOYS				381
LOCH LOMOND'S LAMENT				384

CONTENTS.

xiii '

									PAGE
away!	то	OUR M	OUNTA	N LANI)		•		387
I SIGH	FOR	THEE,	SCOTL	AND				•	390
TUNST	AL G	LOAMIN	ı'	•					393
THE A	ULD	HIELA	nman's	LAMEN'	r		•		396
THE F	ERY	CROSS	•	•	•	•			400
MY AIN	ни	ELAN' F	IAME!	MY AIN	HEATH	HER LA	ND!		404
ALANE,	вч	FRENC	HLAN'	TOWER		•			408
WE DA	UR A	λ'		`•					41 I
DINNA	GAN	G TO S	ea (wii	h Music	r)			•	414
HAE W	E NO	т?	•		•				417
WHEN	THE	SUN G	i'es its	LAST (glow'r	•	•	•	420
CONVA	LESCI	ENT		•					423
OOR PA	ST	•		•	•				426
LEA'	THE	E, AUL	D SCOT	LAND		•			429
AULD I	effie	; OR,	oor so	HULEM	ISTRESS				432
SLEEP	on!	SLEEP	on!	•					436
JEANIE	! DI	NNA FA	SH ME		•				439
FEENIE	.—а	FIRESI	DE SKE	TCH					441

POEMS.

HAME-SPUN LILTS

THE BLIND FLUTE PLAYER

IN THREE CANTOS

CANTO I

Amang a crood o' country swains,
An' raggit, gapin', wond'rin' weans,
Wha sat on divots or on stanes,
I marked a chiel,
Rapt, list'nin' to some music strains,
He liked fu' weel.

His unco movements took my e'e, An' wond'rin' what on earth could gie Sic public eccentricity

To ony ane,

I watched gin music's charms could be
The cause alane.

Dressed in a suit o' garments seedy,
Wi' unkempt hair, grey, rank, an' weedy,
That 'neath a croonless hat waved reedy,
Atour his shouthers,
His visage stamped him unco needy,
Or begged frae ithers;

His coat, nae fashion could assail,
Close-buttoned hung without a tail,
Aince it could boast o' twa, the wale
O' courtly batches,
Sae higher up they noo bewail
Their fate in patches.

His breeklegs seemed o' length gey scant,
In claith that suffered sair frae want;
Aiblins the tailor's cabbage grant
Had been fair halves,
For frae their ends, gey thin an' gaunt,
Hung time worn calves.

Ae leg a fitless stockin' bore,

That crumpled hung the heel atour;

The ither bare, seemed to deplore

Its brither's fate,

An' gloried that it naething wore

O' worstit state.

Auld shoon upon his feet were seen,
That showed his taes some rents atween,
Yet feent a sole they had, I ween,
For sure I saw
This new style glarin' 'fore my e'en,
Mere uppers a'.

E'en tho' he wore odd threadbare claes,
As evidence o' poortith's waes,
He had a kind o' polished phase
That fouk aye bear,
Wha hae seen better, ither days,
An' riches' share.

Thus was he rigged, an' sae he stood,
Wi' music-witchery imbued,
That made him chief o' a' the crood
O' list'nin' bodies,
Wha gigglin', louped their han'-borne brood,
Till up flew duddies.

As soon 's they had a tune begun,

He clasped his han's, looked to the grun',

Syne slowly he wad to the sun

Direct his gaze,

Wi' mair o' earnestness than fun

O' daft-like craze.

Whan marchin' notes wad loodly swell,

He clenched his neives an' hotched himsel',

An' tight-drawn lips did plainly tell,

That were a foe

Afore him noo, he wad him fell

Wi' thund'rin' blow.

As whan dark cloods the fair sky fill,
An' smokin' hug ilk distant hill,
Whan licht'nin's, thunders, a' instil,
The unco dread,
Sae owre his face, Daur's mighty will,
A' fiercely spread.

Wi' fire an' energy he reamed,
An' Hector-like his dark face gleamed,
Wi' something that uncanny seemed,
His soul a-coilin',
But noo the notes low, wailin' streamed,
An' laid his boilin'.

Then poured they forth a mournfu' sound,
Frae oot the clar'net's wame profound,
An' ettled he to lea' the ground
An' upward gang,
Some impulse new did him surround,
Upliftin', strang;—

The "Flowers o' the Forest" rose;
In sorrow's sympathetic throes,
Auld Scotland's wail o' Border woes,
True sadness cast;
An' dowie tears frae heart-repose
Fell het an' fast.

'Mang Scotia's sweet melodious ware,
That fires the blude, or strangles care,
O' love, or hame, this tune will bear,
Th' unchallenged gree;
As Earth's last dirge, 't will e'en peal there,
Whan Time shall dee.

I said he seemed amaist to fly,
But na, he quiv'rin' gazed on high;
Heavin' a melancholious sigh,
Doon fell his heid,
An' on his breast did noddin' lie,
Wi' wae indeed.

Like a' thing else, the famous tune
Cam to an en', an' whan 'twas dune,
Ae chield, wi' bannet then gaed roun'
To gather in
The bawbees that gey opportune
Pay wastit win'.

He touched his pow to big an' little,
By way o' gi'en their hearts a kittle,
Or gar their pouches show their metal
For him to keep,
The feck, bereft o' giftie fettle,
Snooled aff like sheep.

'Mang a' the list'nin' croods I've met,
The contrair I hae ne'er seen yet,
That music-hunger aye they'll whet,
Fu' to the weason;
The bannet comes! awa they set
Aff by the dizzen.

Owre to the uncouth chiel he stapt,
Wha as a statue still stood rapt,
An' 'neath his nose the bannet clapt,
Jinglin' it slight:
Whan it he heard, quick in he drapt
His generous mite.

For sic a deed a' unprepared,
Wi' admiration great I stared,
To see hoo readily he shared
His poortith's penny;
For ithers' wants he felt and cared,
Unlike the many.

Here stood a man wi' nae prood notion,
A beggar waif on life's rough ocean,
Free frae a' Sunday kirk-devotion,
Or vain conceit;
An' yet a heart for real emotion
Did in him beat.

Ye sons o' poverty wha feel '
A kindred glow for ithers' weal,
Hoo aft your little acts reveal
The noble part,
Go, rich man, learn! 'tis manhood's seal,
The feelin' heart.

Gin aught is pleasin' to the eyes!

Gin aught can show love's gowden ties!

Gin aught' o' earth to Heaven will rise!

It is to see

A humble beggar sympathise

An' freely gie.

The coppers in an' countit owre,

Ilk face gae ae lang circlin' glour,

At seein' the haud o' music's pow'r

On tight-drawn purses,

An' mang the crood they flung a shower

O' muttered curses.

Their lips wi' trumpet-mou'-piece traces,
Gae the long wistfu'-like grimaces,
O' ill-fed, thin-cheeked, clappit faces,
Wha hunger taste:
Syne aff they set to ither places,
Mair win' to waste.

Sune ilka ane their hames regained,
An' lood opinion-hum had waned,
Aince mair the street its silence gained,
Whan strange to tell,
Maist motionless my waif remained
Standin' himsel'.

Frae side to side his heid he swayed,
Wi' sidlin' movement that betrayed
A mind o' undecided grade,
Unmanly, weak,
He seemed he kentna whaur he stayed,
Or hame to seek.

His givin' heart, his figure queer,
Garr'd tickled fancy in me steer,
Thocht I, I've fand a worthy here
To music wed;
Sae, kindly for his health to speir
Awa I gaed.

Ah! little, little I divined,

That he uncouth an' rag confined,

An' wha betrayed the swith'rin' mind

Lived a' in nicht:

I started! stared! Oh Heavens! he's blind!

Bereft o' sicht.

My pity's tears maist upward welled,
As I his sightless orbs beheld,
That rolled beseechingly an' telled,
The tale o' wae.
Yet, in his face content excelled
Wi' beamin' sway.

Gin aught can be affliction's king!

Gin aught can frae us sorrow wring!

Gin aught can pierce wi' pity's sting!

It is a face

For ever blind, where beauties cling

Wi' calmness' grace.

O! beggar blind, tho' rags ye wear,
Ye aiblins are to Him maist dear.
Your face seems but the index clear
O' soul-at-rest.
Who knows! ye yet may lie fu' near

His lovin' breast.

Quo' I, "Gude e'en," an' took his han,'
"What gars ye linger here an' stan'
Whan gane awa's the strollin' ban',
An' a' the lave?

I trow ye're under music's wan'
A willin' slave."

Noo a' his face sae sweetly smiled,
Maist lovely as a sleepin' child,
That angel soothin's hae beguiled
Wi' heavenly licht.
Quo' he, in accents softly mild,
"Weel, freen, ye're richt.

"I think I hear far up abune
The echoes o' yon waefu' tune
Despairin' like, as wearin' dune,
They soughin' dee,
An' sae I wond'rin', stan' an' croon
Its notes awee.

"But fegs your grip is unco kind,
Ye're no mistaen? Hoots, never mind,
Fouk tak sma' int'rest in the blind.
But troth I think
Your heart to feelin' is inclined,
Wi' sterlin' clink.

"It's seldom noo-a-days I meet
A speakin' freen upon the street.
Fouk for puir fouk hae tint conceit,
An' canna thole
To see a blin' man wantin' meat,
Wi' beggin' soul.

"Thae sma'-souled fouk in wealth secure,
Think that nae bodie should be puir,
An' that like them a' should procure
A fouth o' gear,
A hungry wame can ill endure
The gowden sneer.

"But ye're no ane o' thae, I wot,
Else hoo comes it ye did me note?
A chield wi scarce a breek or coat,
An' blin', stane blin',
Doomed to haud life wi' beggin' o't
Frae native kin."

At seein' him fu' o' siccan crack,
It set my mind upon the rack,
To get him a bit seat to tak'
Afore nicht fell,
For weel I kent he wadna lack
Ferlies to tell.

His shroudit e'en sae nervous glidin',
His couthie, honest smile abidin',
His open unassumed confidin'
Me closer drew;
Thae gowden points rags weel can hide in
Whan hearts are true.

Quo' I, "I'm Scotch, an' sae I hate
To gar fouk think I'm speirin' blate,
An' whan I saw your lanely state,
I'll ne'er conceal,
Tho' no in philanthropy great
I sometimes feel.

"But come, lat's oot o' this, for sure
The gossips noo begin to glour,
I'll chat wi ye a hauf an 'oor,
Sae come alang,
We're brithers baith to music's pow'r
Be 't tune or sang."

End of Canto I.

CANTO II

HE took my arm wi' freenly grace,
An' wi' a lichtsome, jaunty pace,
We aff, an' fand a cosy place,
Adorned by Nature,
Retired, awa frae lugs or face
O' ony creature.

An infant river toddlin', sprawlin',
An' owre its pebbly path gaed brawlin'
Wi' cheery voice, that in its fallin'
Was heard a' roun',
Like murmurs o' some seraph callin'
Frae up abune.

В

7

Yon mountains, capped wi' misty clouds,
Gae't birth, an' on thro' banks an' woods,
An' stretchin' haughs, wi' frisky moods
It warsled free,
An' poured its sma' infantile floods
On to the sea.

Beneath an aik, whase branches cast
Saft shadows owre the stream that passed
Close by our feet, free, unharassed,
Adoun we sat,
Like pairtit freens wha meet at last,

An' keen for chat.

Quo' he, an' smilin' as he spake,
"What garred ye in me int'rest take,
It's sae uncommon noo to make
A sudden freen,
Gin't be for doonright music sake,
'Tis strange I ween."

Quo' I, "Whan I hear Scottish strains,
It sen's the life-blude thro' my veins,
An' will do sae while it remains
To course alang,
'Twill vanquish a' death's grippin' pains—
An auld Scots sang.

"Your deep enthralment was revealin'
Ane wha possest a kindred feelin',
An' quick the thocht gaed thro' me stealin'
Freenship to mak',
The honest purpose to be sealin',
I to ye spak'."

Slowly the auld hat frae his pow
He took, an' bared a noble brow,
Massive an' bald, tho' furrowed now
Wi' Time's age-brand;
'Twas intellectual I trow,
An' simply grand.

His face upturnin' to the skies,

He heaved twa gentle, fa'in' sighs,

Like that frae the depths arise

O' virgin heart,

Whan Love's wing dips, syne upward flies

Joy to impart.

Quo' he, "Weel, 'tis a glorious phase,
That fouk aft in their darkest days
Meet wi' a freen their hearts to raise
An' spirits cheer;
A true freen thou whan Scottish lays
Are to ye dear.

"Sae, by oor laurelled Scottish lyre,
An' by the lays that we admire,
An' by an honest heart's desire,
Gin ye will listen,
I'll tell ye hoo cam' Music's fire
Wi' me to glisten.

"The weight o' years that I hae bore
Is just twa less than lang fourscore,
An' yet ye see I'm to the fore,
An' leevin' like;
I doot, I fear, I've little more
To gar me fyke.

"My faither lived in auncient ha',
My mither was a leddy braw,
An' I their only heir to a'
O' muckle worth;
But, but their face I never saw—
Blin' at my birth.

"Their cup was fu' o' sorrow deep,

Nae happiness in me to reap,

An' ootraged love to hate did creep

Atour them baith;

They loathed their wean, tho' aft they'd weep,

An' wished his death.

"Hell's whisp'rin's made their hearts grow cauld,
Hell's resolutions made them bauld,
Hell's darkest thochts did them enfauld,
An' filled them a';
An' I, whan scarcely four weeks auld,
Was stown awa.

"Heav'n's wrath upon them sair descended,
Heav'n's curses on them ne'er were ended;
Till noo their name an' lan's are blended
Wi' hist'ry's past;
While I, unkent, unnamed, untended,
Am here, the last.

"I learnt, unloved, to ca' anither
That name, that sweetest name, "my mither,"
A vagrant she, wi' mair thegither,
Roamed unconstrained
'Mang woods, an' glens, an' hills o' heather;
They toons disdained.

"I ne'er did pu' a mither's breast,
I ne'er hae been wi' love caressed,
I ne'er hae felt the heavenly zest
O' parent's joy;
But 'mang hard strangers a' unblest,
Grew up a boy.

"Untaught to lisp an infant's prayers,
Rowed up in sin an' a' its snares,
Wi' nane to bear the blin' boy's cares,
Or gie regard;
In ignorance' dark sloughs an' lairs
I warsled hard.

"For years stravaigin' Scotland o'er,
Frae Inverness to Solway shore,
A cuddie's pannier oft me bore,
Happ't wi' meal bags;
An unnursed wean in misery's core,
An' filth an' rags.

"A wee bit lassie dwelt amang
That trampin', godless, thievin' thrang,
The only ane, wha Pity's twang
Loved to record.
For me she'd kindly lead alang
Wi' couthie word.

"She'd tell me tales, an' sangs she'd sing,
Wi' voice that made the welkin ring;
Aft roun' my neck her arms she'd fling,
An' kiss my broo;
Ay, for me she'd dune onything,
The angel doo.

"Whan frae the lave we were apart,
She sang auld sangs to roose my heart,
An' sterlin' joy she wad impart
In thae young days;
I was a wean aneath her art
O' liltin' lays.

"Unsullied happiness was ours,
As blithe amang our heather bowers
We spent the mellow gloamin' hours
Wi' joy indeed;
She weavin' garlands o' the flowers
To croon my heid.

"Drapt she unkent oor music's seed,
That slowly grew, but grew indeed,
My only thocht, my only creed,
My sole pursuit,
Its ootcome first wi' rustic reed,
A sma' bit flute.

"For months I tried, wi' native will,
To emulate my goddess' skill,
She sang, an' I wad play until
I tint the air,
Wi' cheerin' words she'd hope instil,
Wi' 'Try't aince mair.'

"Thus we grew up, an' sang an' played,
Cheerin' the gang wi' whom we gaed,
But oh, ae day she low was laid
Wi' cruel fever;
For days I sat beside her bed,
I'd lea' her never.

"Whan gey far thro', an' unco weak,
Whan death was drawin' up the steek,
Aft in her ravin's she wad speak,
An' sing sae sweet;
Then, then I'd kiss her clammy cheek,
An' sairly greet.

"Oh then I wished my curtained een
Wad burst their strainin'—fated screen!—
That I micht gaze on her, my freen!
My only hope!
For ever darkened then I'd been
Content to grope.

"Death cam', she sighed 'I'm gaun! I'm gaun!
Willie! Willie! Your han'! your han'!
Forget me na! It's gran'! it's gran'!
It's a' delicht!'
Ae sough—wheesht! to the better lan'—
Her soul took flicht.

"I felt her face, her broo, her hair,
I gripp't her han', nae life was there,
Nae smilin' noo, my tears fell sair
Owre her cauld form.
Then rose my grief, boun' wi' despair,
In shiverin' storm.

"Whaur saft win's moan, an' blue bells wave,
Or tempests wild careerin' rave,
There dug they her lane moorlan' grave
By torches glare;
Then laid my angel in, an' gave
Ae sinner's prayer.

"I needna sigh, I needna tell,
I needna on thae sorrows dwell.
Thus I grew on maist a' mysel,
Until a man,
Whan He wha guards a' orphans well,
New thochts began.

"Ay! He whase name we a' should fear,
Drapt on me ae sma' pity's tear,
An' tho' bereft o' her sae dear,
I learned, I saw,
That He gae me a music's ear,
True, graspin' a'.

"Whan torrents poured their wild refrain,
Whan winds wad sigh, an' tempests grane,
Whan lichtnin's made the heavens their ain,
An' Nature stirred,
Whan thunders burst, an' roared amain,
I music heard.

"The whisp'rin's o' oor gloom-wrapt hills,
The murmurin's o' creepin' rills,
The nicht-birds' eerie fitfu' trills
Wad piercin' fa';
An' thro' my soul shot rapt'rous thrills
O' music a'.

"In ilka shower amang the trees,
In deein' soughin's o' ilk breeze,
E'en wavin' leaflets gae a heeze
O' Nature's rhyme,
That on my heart wad powerfu' seize,
An' fa'in' chime.

"E'en tho' my grief I'd aye conceal,
I felt some power a' owre me steal,
An' as I played my flute, I'd feel,
Her presence near;
The auld tunes that she lo'ed sae weel
Seemed yet to cheer.

"I thocht she whispered, 'Play! oh play!
Auld Scotland's tunes o' mournfu' wae,
Oh hoo they soun', they please us sae
Here up abune!
Oh, dinna frae "oor ain" e'er stray,
Whate'er the tune.'

"I vowed, I swore an awfu' aith,
That while my flute gae soun' to breath,
Nocht but gude Scots I'd thrum, till death
Wad gar me quiver.
In hoose or street, for bread or claith,
Scots! Scots! for ever!

"Thus a' resolved, an' gey doon-heartit,
Soon frae the vagrants I departit,
Wha tried in vain to get me thwartit
Wi' tales o' dread;
My wants were sma', an' sae I startit
To earn my bread.

"For threescore years, tho' blin' I 've trod
Maist ilka mile o' ilka road;
Tho' owrecome aft wi' hunger's load
I ne'er repined;
'Mid frosts an' snaws, unhoused, unshod,
My vow I'd mind.

"Wi' feent a penny aft to wair,
Wi' hunger's gnawin' visage bare,
Ettlin' to feed on bluidy fare,
An' stap my heart,
E'en then her whisp'rin's in the air
Wad strength impart.

"Thae grips I 've felt, yet Truth maun prove,
That then, my countrymen did love
The tunes that hae the laurels wove
Roun' noble broos;
Then hearts an' pouches soon wad move
An' gie profuse.

"My income sma', my wants were less,
I had nae fyke wi' meat or dress,
Sae to a brither in distress,
I aft could spare,
That they micht taste, o' happiness,
A beggar's share."

End of Canto II.

CANTO III

Quo' I, "Weel, but the tale I've heard
Has struck Affection's keenest chord;
Deep sympathy ye've in me stirred,
That burnin' sears.

Your life has been maist truly hard
Thro' a' thae years.

"Wha tell't ye o' your richtfu' name
Or that to lan's ye had a claim?
Hoo comes it that your auncient hame
Was frae ye torn?
Fouk leevin' surely wad proclaim
An heir was born!"

His sleeve atour his broo he passed,

Syne turned his face straucht to the wast,

Whaur sunset's gowden tinges cast

A bonnie halo.

Quo' he, "Your questions come gey fast,

Ye speirin' fellow.

"By her abune I never lee,
I'll tell ye what was tell't to me,
By some auld carlin gaun to dee,
Wha heard me playin';
I 'neath the same roof chanced to be
Twa, three nichts stayin'.

"'Tis five year syne, in this same toon,
A' day I had been playin' roun',
An' had come in an' sat me doun
A kin' o' drearie.
Till parritch time, I thrummed a tune
To keep me cheerie.

"I scarce had got the hauf o't thro'
Whan ope'd the door, an' e'er I knew,
A voice says, 'Hey, come ben the noo,
I'm for ye sent.
My deein' grannie thinks that you
Are to her kent.

"'Gie me your han', noo come awa,
Come, come, I hear her on ye ca'.'
Hauf doitet an' dumfoonert a',
Awa' I gaed,
An' fan' my feet stir up some straw
That on she laid.

"Then rose a voice sae cracked an' shrill—
'Ma conscience winna dee until

I lift its weight o' livin' ill

An' sinkin' sin.

Play ye the flute? Are ye ca'd Will?

An' are ye blin'?'

"Quo' I, 'Ye're richt.' 'Weel, weel,' she said,
'Ah, man, for mony a year I 've prayed
To meet wi' ye ere I was laid
Doon in the grun'.
I'll tell ye, ere my breath shall fade,
O' wrang I've dune.

"'Your faither's gowd my mither bocht,
For ye were blin', an' sae he thocht
That in the warl ye wad dae nocht
His name to flourish,
An' sae wi' us he sleely thocht
That ye should perish.

"'My mither stole ye whan a wean,
The name ye hae is no your ain,
You're heir to ae gran' auld domain,
Baith hill an' dale,
Nae kith nor kin but ye remain,
To claim the haill.

"'Ugh! oh! my heart the grippin's got,
Your name is Char—oh! oh! my throat!
Char—lie!' Nae mair she gae me o't,
Death did her tak',
Sae ne'er unravelled was the knot
She helped to mak'.

"Ye'll see noo I've nae chance ava'
O' provin' wha I am at a',
Sic evidence is unco sma',
An' I am auld;
An' beggars ne'er should gang to law
Richts to unfauld.

"Whae'er I am is noo nae maitter,
I'm truly happy in my natur'
O' a flute-playin,' beggin' creatur',
Wi' peacefu' mind.
E'en riches couldna change the feature
O' ane stane-blind.

"Ae thocht an' wish encircles me,
Ae aim, ae hope, I live to pree,
That is, while here, I try to be
Gude! gude! tho' puir,
Sae wi' her, yonder, whan I dee,
I'll joy secure."

My int'rest in him got excited,
As he this tale to me recited;
I saw he was aye maist delighted
Whan on the theme
O' her, wha youthfu' days had lighted
Wi' joy supreme.

Quo' I, "Ay! ay! is that the gate
Ye tint your name an' auld estate?

Man! yours has been a waefu' fate,
An' felt by few;
Your story in me doth create

Wonder anew.

"Your reas'nin' tho' is unco sage:
Puir fouk should ne'er wi' law engage,
Toom pouches ill can law wars wage,
Or haud their ain;
Rich fouk aft throw a-gley the gage,
Their en's to gain.

"Tho' life-fechtins ye lang hae borne,
I'm prood to see you no forlorn;
Excellin' a' thae fouk that mourn
For wealth-increase—
Far happier puir, than rich, but shorn
O' real peace.

"Gin wrang conclusions I've no drawn,
Ye say Scots music sair has fa'n.
An' your experience has shawn
Its deein' oot.
Hoo judge ye? dae I understan'
It's by your flute?"

Quo' he, "I canna see yon settin' sun,
Altho' I feel the day's near done,
Aweel, as sure's its course is run,
Sae is oor lyre,
Hair-mooldit noo, low in the grun',
Bereft o' fire.

"Thae were the days, ca'd auld lang syne,
Oor poets sang o' sae divine.

Days, like my e'en, nae mair to shine,
Are gane! gane!

Fouk noo gang gropin' on an' tine
Life's sweet keystane.

"No lang sin' syne, I mind the day,
I hadna weel begun to play
Some hameowre lilt, or wail o' wae,
In ony street,
Fouk then wad ne'er in hooses stay,
But oot, an' greet.

"Aye! aft in croods I've stood the centre,
An' struck up Scotch by way o' ventur';
Quick then the dart wad in them enter
An' joy wad fetch.
Had I ha'en sicht, an' me a painter,
I'd made the sketch.

"Then fractious weans in mither's arms

Nae mair wad yell wi' dreich alarms,

Their pained wames wad at music's charms

Clean loup awa,

An' oot they 'd come in peacefu' swarms

An' lauchin' a'.

"Then lasses left the spinnin'-wheel,
An' frae the hoose wad quickly steal,
An' roun' me come, that fegs I'd feel
Their balmy breath:
To Heugh! whan I struck up a reel,
They ne'er were laith.

"Their bashfu' joes to be na beat,
Wad snap their thooms, an' lift their feet,
A' wad the meanin' soun' repeat
Till fired their blude,
Then clean owrecome wi' music's heat
They danced like wud.

"Thae days, o' siller fouk had less,
But yet they had mair happiness,
An' real enjoyment a' did bless,
An' pure content.
Then wad my siller-pouch doon press
Wi' something in't.

"But noo, I'm looked on as a ferlie,
Some antiquated fossil carlie,
Wha plays a flute, deservin' barely
A bit o' bread.
Man, Scotch worth sinks, an' unco sairly,
Whan music's dead.

"At markets, hirin's, an' at fairs,
In streets an' lanes, or village squares,
I thrum awa at Natur's airs,
To mak' a leevin',
Noo, I hae cause, wi blin' fouk's cares,
For muckle grievin'.

"I'm free to tak an' aith, I dow,
Fouk haena hearts for music now,
Scots tunes hae tint their grip, I trow,
Upon the breists.
Wersh, wat'ry trash-tunes wildly grow,
An' suit a' tastes.

"Ay! tho' oor melodies remain,

Few claim them as their native ain,

To sing them noo, gies nocht but pain,

At least few do't:

Oor Scottish pride is on the wane,

An' music to't.

"E'en weans noo, ere they scarce can crawl,
Gie vent to tunes, wi' tiny bawl,
New come frae some laigh music-hall,
Or penny gaff;
An' parents, pleased at wondrous drawl,
Approvin' laugh.

"The ploughman noo, gaun to the toon,
To buy his sax-month-pair o' shoon,
Brings hame the fag end o' a tune
Bred in some hole,
An' thrums at it frae morn till noon,
Wi' greedy soul.

"Oor dochters noo! forgie the name,
To lilt guid Scots but gies them shame,
I hear them aft whan they're at hame,
Like scriechin' kaes,
Scrieve aff some sangs, new-fangled, tame,
That wad ye daze.

"Ay! ay! we live in fast, fast times,
Owre fast indeed for tunes or rhymes
To tak a haud on hearts, whase chimes
Ring, Cash! aloud.
Ilk owre his neebor rides or climbs,
To gather gowd.

"Scots love o' country a' is fause,
Whan Scottish music vainly fa's
On Scotsmen's lugs, whase deafened wa's
Are just sel' thickened;
To foreign skreighs, they'll shout applause,
Till Natur's sickened.

"Ah, man! oor hameowre's tint its grip,
'Whan short-lived trash can gie a nip,
An' be retailed on every lip,
Baith high an' low,
Wow! but Scot judgment's ta'en the slip,
Whan times are so.

"Puir Scotland noo has tint the strains,
That used to roose her hardy weans,
An' aft on bluidy battle plains,
Made up for men.
The ling'rin' echo that remains,
Nane fash to ken.

"Weel may she widowed grane an' gape,
An' bin' her auld mutch roun' wi' crape,
An' blin' wi' greetin' lanely graip
Aboot her ingle.

Few cheer her noo wi' sang or scrape
O' hamely jingle.

"Puir bodie! noo sair does she grieve,
An' mony an angry sigh she'll heave;
At wayward sons, whase sangs but deave
Her honoured age,
She'll clutch her staff, an' shak' her nieve,
Wi' bitter rage.

"The past an' my auld flute bein' linked,
This 'fa'n awa' I've felt distinct;
Scots music-love is maist extinct,
'Deein' awa.'
Fouk noo are born reft o' instinct
For ocht that's braw.

"Whatever lofty should abide
The beacon o' a nation's pride,
Whase licht refulgent nane should hide,
But stan' their boast,
It is the sangs that on will glide
Till time is lost.

"Scots music! soother of the soul
An' captivator o' my whole!
Thy potent spell wha can control?
Man, it's divine;
Thochts frae this warl it aft has stole,
'Tis sae wi' mine!

"Fouk no are guid, nor are they great,
Whan moral poisons doth create
A feelin', morbid, insensate
To real guid.
Debasin' sangs are Satan's bait
To catch his food.

"I've gien ye noo my views an' fears,
I've bared the markin's o' my years,
Judge ye gin richt or wrang appears,
Wi' your ain notes.

Gin candour sway your een an' ears,
Truth, blushin', floats.

"Fegs! but the day is wearin' dune,
I feel the gloamin' up abune,
I doot the sun has sunk gey sune
In wastlan' airt;
Sae, gin ye like, I'll play ae tune
Afore we pairt!"

Quo' I, "You're richt in a' ye say,
I aft hae made in my sma' way,
Wee observations that pourtray
The fated truth,
That fouk their noblest points betray,
Wi' low-sang drouth.

"But by a' thae I've ever kent!

By a' the happy oors I've spent!

By freenship's pure concrete cement!

I here declare,

This day an' you are kings anent

A' comers mair.

"Maist happy I to hear ye play,
Afore we rise an' hameward gae,
The sun's awa, but gloamin' grey
Is mair akin
To music's captivatin' sway,
Sae noo, begin."

Quo' he, "By her I aye revere!

An' by the freenship we've made here!

I'll play the tune a' Scots loe dear,

Ye heard the day;

I think my notes your heart will steer,

Or mak ye wae."

Aince mair his face a' glowin' beamed,
Aince mair he a' uncanny seemed,
The flute was up, syne slowly streamed,
Low, tremblin' notes,
Like heav'nly chant o' the redeemed
Wi' angel throats.

Noo higher, sweeter, up they'd swell,
Then they to sadd'nin' cadence fell;
Ilk note was pained, an' seemed to tell
Some sorrow's wrong.
My tears burst forth, I wi' the spell
Maist tint my tongue.

I stared wi' wonder-streamin' eyes!
I felt some chokin' feelin' rise!
I heard some voices in the skies!
Sabbin' reply,
Saft as an echo whan it dies
Far yont the sky.

Then feelin' burst the tightenin' band,

I rose, an' seized him by the hand,

"Haud! haud! gie owre! I canna stand

Thae notes divine.

Forgie me; but ye play sae grand,

That sense I tine.

"Scots tunes like that I canna bear,
Sic notes my heart-strings dinna spare,
They howk far in, an' gnaw an' tear
My soul away;
Ah, man! I noo will ever swear
That ye can play."

He ceased, an' smilin', slowly placed
The auld flute aince mair in his breast,
Quo' he, "I think you've got a taste
O' real Scots now;
The auld flute ne'er has yet disgraced
My youthfu' yow.

"But troth it's time noo to be gaun,

I feel the gloamin' roun' me fa'in,

An' its cool breath is saftly blawin'

Wi' soothin' pow'rs;

An' fegs, for hame we maun be drawin'

In decent hours."

Sae owre the brig, an' to the toon,
We arm in arm were quickly boun',
Wi' cheerie crack to freenship's soun'
We trudged alang,
Prood that we spent the afternoon,
Sae unco thrang.

I led him to a cottage door,
An' gripp't his han', but maist forebore
To say gude-nicht, for at my core
Pity was roused,
To see this blin' Scot o' fourscore
'Mang strangers housed.

Quo' he, "I'm glad, indeed, we've met,
We're pairtin' noo, but never let
Ocht but oor tunes your natur' whet,
As you're a Scot;
My tale an' me, oh ne'er forget,
Whate'er your lot.

"May Heaven's favours ever bless ye!

May joyous bairns ever kiss ye!

An' bairns' bairns lang caress ye!

Wi' hearts that feel,

May Sawtan thwartit ever miss ye,

Gude-nicht! Farewee!!"

The incidents of the foregoing poem are strictly true. I met the "auld blin' man" at a small town in the south of Scotland, while spending a holiday. His eccentricities attracted my attention, and we got into "crack.", Retiring to the outskirts of the town, we spent the afternoon together, during which time he told me the tale of his being descended from some "guid auld stock," and he also, with considerable humour, deplored the "downfa'" of our Scottish

tunes. Whether this conclusion was derived from "wastin' mair win'" than formerly, to bring in the siller, I know not, but he was in every respect an enthusiast on our Scotch airs. Of all the flute players I have heard, he, to my fancy, was second to none. May he long live to "waste mair win'."

MODERN KIRK FOUK

Faith scorched by men, who are not what they seem, Is but a mockery, and maist supreme.

PROLOGUE

AE Sabbath morn fand me in dootfu' mood,
As to the kirk I hied to gather food—
Food for my e'e, food for my jottin' pen,
Food unco cheap—the errant ways o' men.
'Twas my intention no to gang within,
But, od! I thocht 'twad be an awfu' sin
To danner up and doon, like some lowse stirk,
Whan a' gude fouk were trudgin' to the kirk—
It didna look for me, wha's kent sae weel,
To be an anti-kirk-gaun ootlan' chiel;
Appearances, in this enlightened age,
Stan' wi' the public as the plumb-line gauge

O' moral worth, o' mankind's noblest parts— The judge-by-standard o' a' human hearts. (Sunday's sleek morals seem the saul's saft paint— Just daub yoursel', an', presto! you're a saunt.) Aweel, I changed my mind as soon's I saw Sae mony kent fouk dressed sae michty braw; An' deemed it wad my conscience better pay To gang inside an' calmly them survey, An' note their Sunday gait an' Sunday grace, An' hoo they smother sin wi' lengthened face; An' hoo, wi' some gleg twist o' Christian skill, Gar ae day's gudeness whitewash sax o' ill. I marked some chiels like martyrs stalk alang, Wha to this earth seemed nae mair to belang, In sham humility's low, stoopin' state— The ootward token o' some inward weight-Scarce lookin' straucht, sae penitent they gaed; In e'e-impressin' black maist a' arrayed; A weel-gilt Bible did ae han' adorn-In use the day—deil tak' it come the morn.

Ay, ay! 'tis necessary to complete The sinner's Sunday suit whan on the street; O' Sunday's acts it is their guide and base— He maun be gude whan he the beuk displays! Sae fouk aft think; but, ah! 'tis gross deceit; Sic actions aft but hide the hypocrite. Gilt Christianity's a weel-used shield To Sawtan's servin' scamps erst unconcealed; Beneath its cloke their hatefu' deeds are done-E'en deils are masked whan they the garb put on. Sae whan I saw sic ootward sauntly pride, I wondered what their modes wad be inside. They're kent on week-days as sin-sodden sheep, Feeding on pastures that they ne'er did reap, Unblushin' rogues, extortionate, an' vile, Staunch sax-day sinners steeped in Mammon's wile; But on the seventh, wi' grace, gey ill at ease, They seek the kirk their conscience to appease. To note their flimsy Brummagem display Was the wee job I ga'e mysel' that day.

JOTTIN' I.

Into the door I gaed, an', at the plate,
An elder bodie stan's wi' lyart pate,
Sae hoary-lookin', reverend-like, an' douce,
But yet the keeper o' a public-hoose;
Indeed, 'twas past my comprehension's range
T'accoont for sic a captivatin' change—
A wizard change; for, od! his visage bore
A look far different frae the nicht before.
I thocht my optics were a wee at fault,
Sae made a sma' involuntary halt;
But they were richt (they ne'er hae me deceived):

He was the same, an' sae I felt relieved.

I kent that he, delightin', ne'er did shrink

Frae sellin' drunk fouk aye his cursèd drink;

Then he, bereft o' pity, fondly gazed On stoit'rin', stagg'rin' mortals, whisky-dazed, Whase sweat-won earnin's graced his hellish till, An' did his soul-lined coffers amply fill. An' here he stan's—an elder! free frae ill. Whase week-day motto is, "Anither gill"-A man wha sax days is o' soul exempt, Wha worthy claims a' honest fouk's contempt; A man devoid o' manhood's meanest merits, A soul-destroyer wi' his poisonous spirits; A man whase warks are cursed, whase faith is such That gude but withers 'neath his blastin' touch; An' yet, wi' this black way o' makin' siller, See! here he stan's—an elder an' kirk pillar. Can sic wi' truth or honour deck the cause? Can sic fulfil oor grand Christ-given laws? Can sic be Christians in ocht but name? Can sic be real in the faith they claim? He lib'rally will gi'e a gude donation O' siller stamped wi' seal o' saul-damnation.

But can his siller real gude be doin'?

Can gude e'er come whase pith is ithers' ruin?

Oh, hideous mockery! that sin surpasses—

Faith blushin', propped wi' godly whisky glasses.

Sae here he stan's, great heritor o' hate,

A whisky sentry ower a kirk-door plate.

Awa', earth-devil! sin disseminator!

No Sunday acts can gloss thy craven nature;

Thy pestilential prayer but gude obscures,

And e'en contaminates hell's darkest sewers.

Outrage nae mair man's noblest attributes—

Go! poisoner, go! and blush before the brutes.

There let your grey hairs, clammy-hangin', nod—

Be each a whip from thine insulted God.

JOTTIN' II.

I SLIDDERED in, an' sat abreist the door, An' watched rank sinners as they in did pour; While at the plate, od! noo there stood anither, Supportin' gravely his loved whisky brither— A lang, ill-spliced, deceivin' grocer chiel, Ane up to skilled adulteratin' weel, In fashioned choker white, wi' serious air, An' smileless visage stamped wi' Sunday care— A kind o' foggy, philosophic look, That sax-day sinners' faces ill can brook, An' shows their efforts, centered in the licht. O' keepin' facial cuticle ave ticht. Hech me! a grocer, chief o' licht-weight art-Ane wha for six days smores his cheatin' heart, An' sells puir customers his goods, bocht cheap, That he, adulteratin', mair may reap,

Or riches mak'. He nae compunction feels To sell his trash, that, gey weel mixed, conceals Its real worth frae honest toilin' anes. Whase siller gangs to swell his ill-got gains. A Christian grocer—pardon me the lee— A counter rogue, frae prison ave scot-free, Whase counter eloquence for sax days tends To further aye his siller-makin' ends. As strugglin' flies to treacle ave doth stick, Sae he his customers secures wi' "tic": Ance in his grip, they scarce can gang awa-The charm o' credit is the rascal's law; Sel' satisfied his goods will dae nae ill-Should they no fatten, why, they toom wames fill. An' here he stan's ! in sanctimony great-A Sunday saunt, a warder at the gate. Whase Sunday saip has washed his heart gey clean, That sax-day roguery nae mair is seen. Noo Sunday righteousness supreme prevails, An' balances his trash an' licht-weight scales;

An' sae he feels that he nae sinner is, But that his soul wi' real gude doth bizz, An' that his fellow-men should be gey prood O' ane like him, sae favoured, sae endowed— Whase licht has no been set in darksome places, But spreads its halo 'fore their shroudit faces, That a' should follow in his holy path, An' save themsel's frae future burnin' wrath. Thus, thus he feels, this pumpkin o' conceit— This plate-supportin' grocer o' deceit! Look hoo he stan's !-- Oh, what a transformation !--A Sunday saunt! prone to adulteration. Justice an' honesty, love's kindred twins, He ne'er has known. Behold him! free frae sins! Can sic as he teach Christian reliance. Whase only principle's the cheatin' science? Can sic as he, in a' his Sunday graith, Convince his victims o' his Christian faith? Or can his siller, got in roguish ways, E'er in his conscience gowden calmness raiseOr can it e'er do gude, or virtue spread, Whan he that gies it is to virtue dead? Siller frae him may help to pay the steepen'— Its ither gude, preserve us frae the reapin'! Awa', sly sax-day rogue! an' dinna doot That a' your counter sins will find you oot— Not a' your sel'-profession e'er shall swerve The direst punishment ye weel deserve. Thinkna that Sawtan is a greedy chiel-He'll ne'er adulterate the pains ye'll feel; But wi' a freenly hug, will draw ye closer, An' stir up hell to welcome such a grocer! Thinkna that ye, by going to the church, Are nearer heaven, tho' standing in its porch; Or that, wi' your lang Sunday face and gait, Ye'll e'er relieve your soul o' its foul weight. Ah! mair than fule art thou, wi' livin' creed, O' losin' soul for sake o' siller greed. Maist worthy plate-pair ve to represent The Christianity that weel is kent

As the vile mask for hidin' modern evils— Sauntly in face, at heart far waur than deevils. I loathe ye baith, an' wi' contempt, declare, Weel matched in a', ye are a bonnie pair!

JOTTIN' III.

I TURNED my een and viewed a gaudy throng
O' baith the sexes, a' in fashion strong;
Predominant, the ladies bore the gree
O' modern fashion's comicality.
Here heids had humps ahint that, tow'rin', seemed

A hairy helmet that wi' hair-oil gleamed,

Its crest a wee bit bannet lichtly bore,
That, angled, lay the dainty broos atour,
While it belyve was decked wi' bogus lace,
That, curvin', fell and hid maist half the face;
An' some bore feathers or dead birds' half wings,

An' countless yards o' mony-coloured strings,
An heids o' preens, that held the hair an' frills,
Shot oot a' roun' like porcupinal quills.
Thus was ilk heid decked oot in modern braws—
The base a toom scaup, wi' its mak'-up fause;
Here costly silks an' velvets glintin' shone;
While some, mair warm, had owre their shouthers
thrown

A shawl o' lace maist delicately thin,

That showed aneath a tawny, pouthered skin;

An', hingin' roun' the necks o' not a few,

Were chains wi' lockets o' a dubious hue;

An' frae ilk ane arose a foosty scent,

That roun' the biggin' its vague perfume sent.

Thus a' enrobed in gee-gaw Sabbath beauty, Here sat oor ladies doing Christian duty-A' sleely squintin' at their neebor's claes, While envy or disdain ilk e'e betravs. An' gev uneasily they fidged an' hirsled Wi' prickin' pride that their vain hearts had birsled. Aweel, the men-fouk tae were nae ways blate To tak' a sidlin' sklent at them wha sate On either side: they took their mental notes Gin shirts were white, or wha wore bran' new coats. An' whan a stranger showed his anxious face, They, unconcerned, ne'er made for him a place, But let him danner, wi' bewildered look An' blushin' cheek, into some empty nook, Weel pleased that he beside them didna ventur'— They and their seat bein' pure religion's centre— It wadna dune for him to mingle wi' Us! weel-dressed sons o' Christianity! Whase swellin' righteousness, this faith imbued-Strangers are sinners a', but we are gude—

We are the sheep, a' ither fouk are goats— We holy are whan in oor Sunday coats! Noo comes the beadle, wha benignly bore The Glorious Volume, wi' its Sunday store O' food condensed on parson-written pages, That, flaffin', peeped oot frae the volume's edges. Sae it he placed, as was his use and wont. Upon a cushion on the poopit front; Then doon he gaed, as saintly like as ony, To show the parson ben wi' ceremony; In comes the minister wi' martyr air, An' strode fu' stately up the poopit stair, Close followed by "his man," e'en mair demure, Whase duty was to mak' the door secure. This little bodie was a tailor creature, Cabbage an' drink to wham were second nature, Wha for sax days wad boose an' fuddle deep, But on the seventh Good Templarism did keep-Appreciated as a monument, An' muckle thocht o' whaur he was unkent.

A' noo was hushed, an' slow the parson rase,
An', wi' a saft voice, said, "Let us gi'e praise."
Then some sweet verses to a sweeter tune
Rose clear an' loud, an' rolled the roof abune;
Oh, but 'twas gran'! an', had ilk heart been richt,
There's nocht on earth could equal sic a sicht.
The singin' dune, then poured he forth a prayer
That hearts should thankfu' be for a' the care
That had been ta'en o' them, an' the week's
health

They had enjoyed while rinnin' after wealth;
An' that ilk ane should aye the richt pursue,
That earthly blessings may be theirs anew.
Wi' this resistless, honest-gien appeal,
I saw the women fouk gey gently steal
Their lace-boun' handkerchiefs frae oot their pouches,

An' gi'e their een some gently tellin' touches— The linen owre their e'en absorbed the wat, An' sae I kenna whether ony gratBein' modern noo the handkerchief to show
Whane'er the parson hits a tellin' blow;
But weel he kens that each wha feign to greet
Is at the heart a sterlin' hypocrite.
Thus they a' stood, owrecome wi' weight o'
sins;

"Weel dune!" says I; "repentance noo begins!"
The prayer was dune; anither psalm was sung;
Syne owre the sermon a' the hearers hung.
This was his theme—maist personal, I'm sure—
"Sell a' ye hae, an' gie't unto the puir."
In college jargon-oratory's parts,
He poured his ebullition owre their hearts,
An' railed against the sin o' riches' flow,
That sealed their souls to an eternal woe—
That brocht nae peace on earth, nor purchased heav'n—

That frae possessors' hearts a' gude had driven; Ance in their grip, it was their only care Hoo to mak' wee into a little mair; Gin they were sinners born, they noo were worse; For wealth was nocht but just a bitter curse— A glaum'rin' shade that aft owre fouks' hearts fell, Wha, wand'rin' blindly, stoitered into hell! Sae a' ye gowd-boun' hearts, wha live to save! Ken ye, ye puirest are whan yout the grave? There will ye stan' condemned, in hideous raws— Then, a' owre late, ye'll find your life was fause— Then will ye, shriekin', view, wi' terror's look, The fizzin' lake in which ye hae to dook-Then by the necks, auld Sawtan will ye take, An' hing ye up like herrin' on a hake, That ye may, wrigglin', scan the awfu' scene. An' feel the pains o' what ye micht hae been. Your retribution just, tho' unco ample, Whan a' doon there ye'll be a gran' example. Sae, wi' this brilliant peroration dose, He brocht his scoutherin' sermon to a close.

JOTTIN' IV.

THE sermon dune, anither prayer he gae,
Syne read some papers that beside him lay;
But whan he cam to ane that was the last,
A look o' sudden sorrow owre him passed,
An' wi' a falterin' voice an' upturned e'e,
He tell't a tale o' pairtin' sune to be—
That, efter mony tears, an' prayers, an' a',
He had decided to accept the ca'
Gien to him by a distant congregation,
Wha yearned, indeed, for his soul-ministration.
Dreich was the fecht afore he cam' to yield;
But yet he thocht 'twad be anither field
Whaur he could gather sinners to the fauld,
An' wi' sin-shunnin' robes wad them enfauld.

Loth, loth was he frae his auld freens to pairt—
The thocht, like lead, was hingin' to his heart;
But this consoled him—that they truly kent
That ca's to parsons are divinely meant.
He hoped that a' wad gie him pairtin' strength,
In secret prayers o' mair than ord'nar length;
He hoped that they his presence wadna miss—
Whaure'er he was he aye them a' wad bless.
Sae endit he, syne gae anither tune;
An', owrecomelike, he to his seat sat doon.
The hymn bein' thro', wi' utterance maist choked,
He on them a' a blessin' sweet invoked.
Then cam' relief, an' wad-be-oot-like bustlin';
Then rose some whisp'rin's owre the silken rustlin'—

A' doorwards turned, an' oot they slowly streamed—While ocht but penitence on faces beamed.

Ance oot, 'twas seen that they were nae ways stirred

Wi' a' the gude that they this day had heard:

Baith auld an' young by hameward ways retire. Wi' hearts still wallowin' in sinfu' mire. A' self-inflated wi' this bastard fact— That kirk-gaun keeps their holiness intact. I, like the lave, cam' oot, an' met a chiel Wha kent the workin's o' the kirk gey weel-Ane wha had listened sair for mony a year, Ane whaur the man took lang, lang to appear, Ane wha on Sundays doffed his sax-day face, An' seemed intent on gainin' savin' grace— A Sabbatarian strict, in every sense, But yet his hollow heart was a' pretence; He was sae gude, judged by his sel'-made scale, He'd dine that day on Saturday-made kail; Yet a' his show could ne'er remove the stamp O' bein' a siller-howkin' sax-day scamp. I spak' to him wi' freenly mornin' word, An' roosed the sermon that I lately heard, An' praised the minister's deep erudition— His handlin' o' his theme wi' sic precision;

An', wi' mock sympathy, I said, "'Twas grievin'
To think that sic a gude man was them leavin'."
I spiered the reason, but he shook his head,
Syne, lookin' roun', he, earwise, whisp'rin', said—
"Hets, man! you're blin'; oor parson's like the lave—

Wi' a' his gude he feels the siller-crave;
His steepen's sma' wi' us, an' disna sair
His modern wants, an' sae he's efter mair.
He'll sell his labour whaur he's highest paid—
For siller maistly rules the preachin' trade—
He's ane wha lives just for his life-subsistence,
An', deein', leaves nae mark o' his existence;
He hides his object 'neath a poopit craw,
An' vows, wi' tears, it is a heavenly ca'.
Man, but you 're blin'! sae mind, whaure'er ye gang,
Whan parsons seek a change 'tis Mammon's
twang;

Ye maunna think that they care nocht for siller, Ye micht as weel expect a sooty miller." Wi' this he aff, an', as hame-gaun, I pondered
On this sage sinner's modern parson standard.
I owned that he was richt; for noo I kent
That preachin' had a great commercial bent;
Proof 'gainst a higher steepen' few there be—
Vile is the preachin' based on L.S.D.
(But what could ye expect, his members stood,
A mean, hard, siller-grippin', selfish brood,
Wha liked the preachin' but disliked to give,
An' sae the minister could barely live.
I blame him na, for they were cash-blin' slaves,
Great, bulbous,! pinchbeck-Christian sax-day
knaves,

Luxuriatin' in the wealth they reapit,
But frae their teacher kent fu' weel to keep it.
Disgusted wi' their Christian warks sae strange,
He, like a man, resolved on ha'en a change,
Sae wha reads this, his act may freely pardon,
He preached to fouk wi' souls no worth a
farden.)

Nae wonder that the love o' show and dress Is carried noo to sic a rank excess— Whase evil influence a' else surpasses. An' is the only thocht o' chiels an' lassies. Nae wonder that puir fouk gae far astray, An' ne'er look near a kirk on Sabbath-day— The gross anomalies they hear an' see Wither the seed that else wad blossoms gi'e, An' gars them stamp baith high an' low alike As a' belangin' to ae fause-made byke, An' in the race for gowd are strivin' hard-Parsons an' hearers a' wi' ae brush tarred. 'Tis this that rends oor dearest social ties, 'Tis this that gars the waves o' discord rise; 'Tis thus that few glad tidings e'er disclose To them wha in oor back slums aye repose; 'Tis thus that Ignorance its hydra-head Ungrappled rears, an' roams free, undismayed; 'Tis thus oor sin-wild waifs are a' uncaught, An' tamin' influences deftly taught;

Thus, thus oor civilisin' is a sham—
We've mair sin noo, than whan afore it cam';
Oor nation may be great in siller store,
But ah! 'tis weak without the Christian core!

CULLODEN

Chant ye the deeds of Scotland's mountaineers!

WAN, wan shone the moon owre the moor o' Culloden,

An' fitfu' the gleams o' its ominous licht;

Thro' dark clouds low drivin', dool-charged an' forebodin',

Its pale streaks o' sorrow illumined the nicht.

A' tentless an' wearie, Half-starvin' an' drearie,

The flower o' the clans lay the heather aroun';

Nae voice ringin' cheerie,

...

A' owrecome an' eerie,

An' chantin' their fate in a wraith-stricken croon.

- They lay, but they slept not, a' hushed in fell sorrow, While o'er them the ghaists o' their forefathers strode,
- To weep for the sons wha wad wake not to-morrow, Enwrapt in the fauld o' their loved Hielan' sod. Welcome they'd gie them then,

Souls o' brave Hielan'men,

Triumphant for ever in life's course, tho' brief;

Nae mair the lanely glen Echoes their shouts again—

Nae mair will they muster to follow their chief!

- Why roun' their Prince Charlie are pale chieftains groupin'?
 - Why whisperin' they?—an' why peerin' the gloom?
- Wheesht! see thro' the rent lifts the death-omens loupin',
 - While weird moans the nicht-breeze a wailin' o' doom,

Banishin' sleep away, Pointin' to comin' day,

Ilk silently drees the death-throes o' their love;

Yet, yet tried valour may

Omens an' vict'ry sway,

Come, mornin'! then clansmen an' claymore shall prove.

Strange whispers they hear as the midnicht departit,

Ilk claymore was grasped, an' ilk bold heart beat high;

Mair ling'rin' an' caulder the moonbeams a' dartit,

An' lichtit strange forms that careered in the sky,

Foretellin' o' ruin,

Red-handit pursuin'

Their Charlie—the last o' a fate-shivered race—

Their Hielan's undoin',

Death's poverty strewin',

But crownin' the laurels time ne'er will efface.

Start not! haggard chiefs, 'tis the will o' the greywraith;

Clasp! clasp not your hands as its coronach raves;

The voice that bodes dool, or a loved hero's death, Rejoicin', shall welcome your glorious braves.

Arouse frae your bodin', To-day is your Flodden;

Ochone! Caledonians shall strike their last blow.

For ever doontrodden,

In bluidy Culloden;

List, Prince! chieftains list! to the wailin's o' woe.

Wae! wae! wae! Drummossie!—
Wae! wae! chieftains hoary,
Wae! wae! clansmen gory.
Long years of tartaned might,
Soon, soon shall sink in night;
Armies of mighty shades
Weep o'er your tartan plaids;

Tears of compassion true

Fall in the silent dew;

Wae! wae! Drummossie!

Wae! wae! wae! Drummossie!
Back, back, thou rising sun!
See not this day begun,
See not this victory won,
Hear not the murd'rous gun;
Swift as the lightning flash,
Southron on Gael will dash,
Mountains shall tremble then,
Sorrow shall fill each glen;
Stricken the sapling young,
That from our soil hath sprung,
Hopelessly rent and shorn,
Ever from Scotland borne;
Charlie! Charlie! ochone!
Blood crowns thy phantom throne;

Chieftains! chieftains! ochone!
Weep, for your might is gone;
Clansmen! clansmen! ochone!
Wail, for your home is lone;
Wae! wae! Drummossie!

Wae! wae! wae! Drummossie!
Hush, 'tis the mighty calls,
Deep from their sounding halls,
List as their echoes roll,
Breathing their grief of soul,
Welcome your glorious doom,
Welcome Drummossie tomb,
Bear valour for ever.
On! on! like a river,
Ay, welcome Culloden,
For ever red-sodden,
Time ever shall know then
Ye shunned not the foemen;

Fighting, fall for your cause!
We will sound your applause,
Sons of the mountain mist,
In our halls ever blest;
Wae! wae! wae! Drummossie!

Wae's me! owre Drummossie the cauld sleet was blawin'.

An' soundin' the sea on the wave-riven coast,
An' nearer an' nearer the foemen were drawin'
An' weepin' the sun for the clan-gathered host.

Up! up! banish fears, see the Southrons advancin', Up! chieftains an' clansmen, to battle array,

See! see o'er the heath their proud bayonets glancin';

Fall in, Caledonians! come, welcome the fray;

Heed not the cannon's roar, On! wi' the braid claymore. Tho' wraiths bode our doom, or tho' none shall be spared,

With our wild rush o' yore,

That oft victory bore,

Our slogans shall tell we are ne'er unprepared.

Far stretchin' the lines o' the redcoats unbroken,

Hae pity, O Heaven! still nearer they come;

Hark, pealin' afar sounds their fight-signal token,

The heart-raisin' fife an' the grasp-nervin' drum.

Wild, wild sounds the pipe for the onset replyin',

Then terror-fraught slogans resounded afar,

The flash o' the fire-streams o' death a' defyin',

On! on rushed the clansmen in madness o'

war;

Dire rose their dyin' yell, Mingled wi' boom o' hell, Red stainin' the heather wi' bluid o' the brave,
Ringin' a fun'ral knell,
Whaur they sae glorious fell,
Their last chart "For Charlie". Description the

Their last shout "For Charlie"—Drummossie their grave.

Fate-doomed, heaven-blastit, an' vanquished wi' numbers,

Few ran frae the field but in grief o' dismay;

On stark stalwart heroes, in death's silent slumbers,

The settin' sun cuist a lang sorrowfu' ray.

Awa' to the mountains, their Charlie was flyin',

Like native deer dartin' frae foam-lippit hound,

Lang rung red Drummossie, an' shouts o' the dyin',

In ears o' the wand'rer wha rest never found,

But like a spectre roved

'Mid the dark glens he loved,

Wi' freens tried an' leal, wha would never betray.

Purest devotion proved Hearts all by gowd unmoved:

The Hielan'man's honour e'en death couldna sway.

Drummossie saw desolate maidens an' mithers,
Wi' tear-streamin' een walein' a' 'mang the slain,
An' cries o' love's anguish for faithers or brithers
Were heard as love's een wildly gazed on their
ain;

- Love's wail a' unanswerin', love's tears a' unheedin', They lay in their tartans wi' claymores still grasped;
- The het tears o' life noo, frae hearts broken, bleedin',
 - Fell on the cauld face they sae fondly enclasped.

 O'twas a nicht o' wae,

 Cuddlin' the ghastly clay,

Nae coronach streamin' a dirge for their braves;

An' by the dawn o' day

Love socht its lanely way,

But sang this fareweel owre their lane heather

graves—

Fareweel, Drummossie!

What say the win's in their sighin'?
What tells the howl o' the blast?
What say the clouds in their flyin'?
What tells the wraith that has passed?
A' tell nae mair they will waken,
A' tell that life noo is gane,
A' tell oor hame is forsaken,
A' tell oor licht soon shall wane!
Ochone, ye lie cauld an' gory,
Death noo imprints its dark seal:
Fareweel, but live ye in story,
Fareweel, Drummossie, fareweel!

Could ye come back to your shielin',
Could we but clasp ye again,
Could ye your love be revealin',
Could ye your valour retain,
Still we wad gie ye, tho' sairly,
Freely death's sorrow we'd bear;
Hame! life! ay a', for oor Charlie,
Gin but his croon he could wear.
Ochone, ye lie cauld an' gory,
Time ne'er will life-hopes reveal:
Fareweel, but live ye in story,
Fareweel, Drummossie, fareweel!

GLENCOE

"Murder most foul."

-SHAKESPEARE.

HASTE thee awa' to Fort-William, MacIan,
Haste! haste thee awa' ere the grace-day is past;
Ken ye that sleuth-hounds your clansmen are
seekin'?

Ken ye your coronach soun's on the blast?

Aff! to avert the wrath
O' your malignant foe;*
Aff! owre the mountain path,
Heed na the mountain snow.

MacIan! MacIan! dire is your fate! Alaster! Alaster! tarry nor wait!

* Dalrymple of Stair.

Tighten your tartan plaids!

Buckle your trusty blades!

Gie, gie your submission an' baffle your foe,

An' save ye the clansmen o' rugged Glencoe.

Up the wild valley, an' owre the bleak mountain, Fast sped they thro' dreary glens covered wi'snaw, Tartan-wrapped clansmen a' dangers surmountin'—Macdonalds aye follow their chieftain thro' a'.

Bent on no plunderin' raid Or nicht-drivin' foray, Loyalty's in their tread, Peace! peace is their story.

Be in time! Be in time! chieftain greyhaired, MacIan! Alaster! a' shall be spared.

Matrons an' maidens sweet

Proudly shall run to greet

The clansmen devoted who baffled the foe,

An' welcomes shall ring ower the peaks o'

Glencoe.

Had ye nae dreams owre your slumbers presidin'? Or had ye nae visions forbodin' o' doom? Had ye nae second-sight tale to confide in? Saw ye na the ghaists o' your forefathers loom,

Warnin' wi' whisp'rin' forms, Low hoverin' aroun' ye, Telling in fiercest storms, Foe-dangers surroun' ye?

Time is yours! Time is yours! MacIan speed On to Fort-William an' sign ye the deed;

"Open the guarded gate,
Mountaineers loyal wait;
We come, the Macdonalds, and fealty show,
True vassals to William, as King o' Glencoe."

"Chief of the mountain braves! clansmen most daring,

Tho' tempests are raving, oh linger nor tarry; Winged be thy footsteps, if loyalty swearing, Fruitless thy message here, seek Inveraray. There shall your oath be ta'en, Chief of the stalwart mien, Grace-time doth swiftly wane, Weep, weep not, MacIan.

On thro' the forest path, heed not the blast, Rest not till Cruachan far ye have passed;

Speed ye by night and day,

Kings brook of no delay,

On! dauntless Macdonalds, and baffle your foe,
Else sickles in winter shall reap in Glencoe."

Unwearied an' sleepless thro' pitiless storms,
Afar by Loch Etive, Glenorchy, Glenstrae,
Bravin' the wreathed snaws wi' shelterless forms,
Glencoe in each heart, an' hope lichtin' the
way,

Silently led their chief, Tho' watchfu' an' wary, Burnin' wi' bodin' grief, Come! come, Inveraray. Onward, men! yonder its snaw-happit towers,
Onward! tho' hope-time no longer is ours,
Happy they give the oath,
Banishin' royal wroth.
Blaw, blaw, ye snaw tempests, let Scotia know,
MacIan Macdonald brings joy to Glencoe.

Sons of the mountain mist, hameward returnin', Ben Cruachan's torrent-clouds rave noo in vain; Gleamin' eyes, dauntless hearts, native blasts scornin',

For chieftain an' clansmen are welcomed again

Back to their mountain hame,

Back to the lovin' breast.

Sound! sound Macdonald's fame,

Deck ye his honoured crest.

Sing! sing! ye bards, in a swellin' refrain,

Cona! sweet Cona! join ye in their strain.

Snowy peak, lonely glen,

Welcome your sons again.

Youths! aff to the corrie, bring doon the young doe.

Let revels o' peace cheer the vale o' Glencoe.

Peace reigned in the valley, but flew from the seer, Hill-whispers were soundin', weird forms crossed his sicht.

Why starts the MacIan? what visions appear?

What spirits are starting from slumber the nicht?

Like fa' o' the snawflake,

Or Cona's song sighin',

Saftly the voices break-

"Beware o' Glenlyon!"

Macdonald! Macdonald! Beware! Beware!

Thro' white mask o' friendship red danger doth glare.

The hills are replyin'-

Sleep not! watch Glenlyon!

Up! up from your couch, see, in wintry sun's glow, Glenlyon defiles thro' the pass o' Glencoe.

Glenlyon! Come ye as a friend or a foe?

Why seek ye Macdonald? Why bring ye your men?

"Brave chief, by this hand that I freely bestow, As friends to MacIan we come to thy glen.

> Campbells are leal men here, Macdonald's friends ever; Alaster, doubt nor fear; Fause-hearted! oh, never."

Welcome, Glenlyon, let feuds be forgot, Right welcome thy men to each clansman's cot.

Purest of Cona's cream *

Pour out in friendship's stream;

Give Highland cheer freedom! Glenlyon must know

E'en Campbells are welcome to gloomy Glencoe.

'Twas night, and the tempest blew furious an' fast, An' deep fell the snaw in the slumberin' vale;

Usquebaugh, *

Ghosts quivering shrieked, an' afar owre the blast, Roun' ilka hushed cot, rose their lang trailing wail—

"MacIan! oh, waken!

Comes the wolf to thy door,

Thy grey locks forsaken

Lie red stained in thy gore;

For false lips of night that spoke flatt'ry's breath,

Shall smile on MacIan when cold in death."

Hark! from the chieftain's cot
Rings out the murd'rous shot;
The vile mask is rent, an' MacIan lies low,
An' murder is rampant in sleepin' Glencoe.

Wake! Alaster, wake! quick, arouse from thy sleep,

Away to the mountains, death's blood-hounds are nigh,

Hell's fiends incarnate high carnival keep, Red, red is the snaw where MacIan doth lie. Hear death-cries ascendin'
Of wives, daughters, an' sons,
A' hopelessly blendin'
Wi' fause Glenlyon's guns.
Away to the hills thro' the mornin' gloom,

Escape, fleet o' foot, thro' the horror, thy doom;
On to the distant cave,
Women an' children save,
The flames o' your homesteads are blazin' below—

Macdonald is homeless in lurid Glencoe.

Our loved hame is harried, our chieftain is slain, Our clansmen lie cauld 'mid the snaw on the lea, An' blushin' win's blaw out this soundin' refrain, Glenlyon! for murder! time-brandit shall be!

> Back, back sorrow laden, Nae heart noo rejoices, Sings out ilka maiden In saddest o' voices.

"Cona! sweet Cona! sing ye to our grief?

Cona! sweet Cona! bewail ye our chief?

Pour out ye thy sorrow-song,

As wildly ye dash along;

No more shall his voice be heard,

No more shall our hearts be stirred,

No more shall his daring hand

Lead on with resistless brand.

Cona! sweet Cona! deep, deep is our woe;

Cona! sweet Cona! is this our Glencoe?

"Mountains! loved mountains! death o'er ye careers;

Mountains! lone mountains! your snows melt in tears.

No more in the moonlight raid They lightly shall o'er ye tread, No more shall their slogan seek Its echoes from peak to peak; Rush no more on the foemen
Shall MacIan's Glencoemen.
Cona! sweet Cona! our might is laid low;
Cona! sweet Cona! can this be Glencoe?"

Shades of the mighty still linger in sorrow,

Bowed is each head in the dawn of each morrow;

Over their silent graves

Vengeance no hand e'er craves;

Our glen and dark ruins, time-stamped, with the blow,

Shall tell that Macdonald's name lives with Glencoe.

PATIE THE PLEADER

OR, THE LAWYER'S CONVERSION

MAIST fouk hae some events boun' wi' their lives,
That they look on wi' pleasure or wi' pain,
Their birth, their youthfu' days, their takin'
wives,

Their ups and doons, their luck in scrapin' gain. The keen life-prickin' points, maist felt by a',
That gar fouk think, that bring the mental vow,
That mark a risin', or that seal a fa',
That gie to thochtless scaups a wisdom's pow,
Are meant for gude, an' frae them aft fouk trace
A turnin' point in life, whase red-ink date,
Stan's aye thro' years afore the conscious face,
An', ghost-like, points to ither former state.

Be mine to tell a tale, whase glorious truth Did ae puir drucken mortal change indeed. That haunts him yet, an' slokens ave the drouth. That risin' to desire gets noo nae heed. E'en yet his thochts will afttimes backward flee To that dreich 'oor which oped his brief o' life, An' made the doited coof his ainsel' see, An' did far mair than years o' flytin' strife; Sae noo, 'mang a', he is gey weel respeckit, For, fegs, they sae he's makin' siller fast. To judge by weans an' wives sae lang negleckit, Ye wadna think he had a' mis'ry's past. Sae anxious clients, wi' mair anxious faces, Gang to him noo in verdict-hope secure, An' tell the ins an' oots o' a' their cases. An' ne'er begrudge his classic three an' four. Weel, to begin, this little local pleader, O' seedy aspect, crooned wi' gizzened mou', Bleth'rin' an' gabbie as an interceder, Was strong in weakness aye o' gettin' fu'.

A day-court mousie, pickin' up stray nibbles
In that arena o' sma' legal cram,
A puir definer o' law's quirks and quibbles,
But, solus, great in judgin' o' a dram.
Twas gran' to see his acumen and actions,
His pseudo-solemn, awe-inspirin' air,
Wi' which he hacked some mystic blue-book sections,

To mak' his ravelled rend'rin' unco bare.

Frae oot o' lees or nonsense truth he'd wrench,

The kind o' truth that suits a lawyer's weason;

Syne, smirkin' blandly, he'd address the bench,

Wha' unconvinced, wad send his freens to

prison.

'Twas a' the same to him, whate'er their fate, He did his windy best, an' that was wee, Forgettin' na to nail his sax an' eight, Wi' which, come nicht, he'd hae anither spree. Aweel, ae nicht, forgath'rin' at the "Queen's" Wi' twa three guzzlin' bodies like himsel',

To melt a fee, an' on some big-wig scenes
Or het forensic eloquence to dwell.
Sae in their weel-worn nook the tipplers sate,
Whase sparklin' een an' smackin' lips reveal,
Tho' lawyers sma', yet they were judges great
O' pure Glenlivet, kept by sonsy Shiel.
Thou great Glenlivet! drawn frae heath'ry
bowers,

Thou freen to wise men, but to fools a foe,

Thou maun be gude, when lawyers own thy
powers,

An' to thy conquerin' micht do slavish bow.

'Deed it was gude, to judge by waggin' tongues,
An' redd'nin' chafts, and ever thick'nin' speech.
Sae drank the three, till fu' maist to the bungs,
Sae blin', that nane their glasses mair could reach.
Noo cam that 'oor whan they maun to their feet,
An' hameward boun', maun heavy-headit thread
Their devious way, thro' mony a silent street,
An' crave support frae lamp-posts in their tread;

Or stoit'rin', stagg'rin', prove that streets, tho' wide, Are owre contractit whan Scotch whisky steers The heid, the han's, the trailin', fickle stride: The reekin' hiccup, an' the vacant leers, Are but the vict'ries o' the king within, Are but the symbols o' an owre fu' cup, The keekin' glass, that shows owre much is sin, That soul-charged man sat doon, but beast gat up. Fareweel, noo, whisky freenship! ilk maun stan' Or in the gutter fa', wi nane to help. The charm is gane, get hame as weel's ye can, Ilk for himsel', to ward a blow or skelp. Sae pairtet they, an' oor wee Patie then Felt maist dumfoonert as he graiped alang, He thocht it strange, that noo he didna ken The guidin' lan'marks, that to him seemed wrang; Sune deein' recollection's dreamy goad, Thro' whiskied mist gae reason ae last glint, An' showed the sot was wrang for his abode, An' that his weel-kent hoose he'd fairly tint.

Still stoit'rin' on wi' innate, true instinct. He neared that hoose where he his laurels bore. Thro' streets an' lanes, wi' notions half distinct That he, at last, was richt for his ain door. But ah! to best o' men, e'en lawyers too, Unseemly things will come against the choice, An' sae puir Patie, started, hiccupped, blew, A' conscious o' a grip, an' freenly voice-"Hey! (hic) gie owre! are ve a freen! your name! Grip na sae hard! man, but your freenship's rough, I'm but a lawyer! (hic) just tak' me hame, I'se gie a bob, gin saxpence's nae enough!" "Ye drucken scoon'rel! fegs I'se tak' ye hame, But keep your siller, troth ye'll need it a', I'se tak' ye whaur ye hae a worthy claim To be aye in, ye howkin' imp o' law." Rejoicin', an' resistless, on he gaed, The wafflin' creatur' feelin' unco crouse An' prood o' hae'n a freen wha noo him led Straucht to the bliss an' comfort o' his house.

Oh horror! what is this strange gaslicht gleam, That ope's his een, that brings his reason's vells? It is a hoax, or else a whisky dream, It is! It is! the entrance to the cells!— His freen, an' mony mae that roun' him cling. Are smileless giant men enrobed in blue. "Oh, dinna do't, 'twad me dishonour bring, I (hic) a lawyer, sae a help to you, Hae pity on me! Lat me see your chief, He kens me weel! I'll mak' it richt the morn." 'Twas vain, the strong-baned chiels to a' were deaf, Sae to a cell the girnin' soul was borne. "Oh, dinna do't! My standin' ye'll efface, Think on my wife an' weans a' waitin' me. Just lat me oot! I am a special case, Oh, dinna, dinna turn that dreadit key!" 'Twas dune, an' a' alane he then did think Upon his plicht; an' what kent fouk wad say, But startit reason, sae owrecome wi' drink, Reposed again, an' slept its foe away.

Sae, minus hat, doon on the cauld cell floor,
He tumbled in a strange, illegal heap,
His sudden starts, his looks, the verbal snore
Showed that strange dreams careered thro' realms
o' sleep.

Noo a' afore him rose his past career,

An' in his ears rang some deep-soundin' bell,

Whase chidin' tollin' marked each glass o' beer

An' whisky het, he took to make his hell.

There loomed queer forms wi' demoniac skill,

Transformed to clients ettlin' hard to choke him,

A' gowlin' at him frae their dreich treadmill,
Or vowin' vengeance as they picked their oakum.
Some fatt'nin' on grey gossameric gruel,
Their teeth wad clench, an' threat'nin'ly wad
raise

A baney fist, whase impact wad be cruel, Gin gi'en to pay for unjust sixty days.

Some thro' the prison bars wad raise their hands, Wi' claught that proved their soul-devouring rage. They'd gowl an' girn, an' roar their fierce demands, That nocht but Patie's bluid could e'er assuage. An' some puir mithers reft frae weans and hame, Wad thro' the peepholes glare their drink-shot een. An' pour oot curses frae their tongues o' flame. An' spit their anger on their legal freen. An' owre this prisoned thrang a towsie chiel, Wi' aspect fierce, did keep the hale in awe, Whase cuttin' whip, fu' aft their backs did feel, Whene'er the wark frae lazy han's wad fa'. A watchfu' warder he, an' ne'er did lack The looks which constitute a villain's guard; Sax feet and inches sax, and wholly black, Shinin' like ebony o'er-rubbed wi' lard. As up an' doon he strode, he afttimes passed The inert, legal lump, that weel he scorned, Till hate uprisin', dubious glances cast On the vile worm his ebon soul sae spurned,

Till sheer contempt engarbed in knavish suit,
Could ne'er resist the charm to show itself.
Sae slower, nearer, higher, raised ae foot,
An' wi' a shout he kicked the dreamin' elf,
Wha only woke to hear a horrid yell,
That a' unstrung his nerves, and boun' his ears,

Reverberatin' thro' the gloomy cell,
An' deein' awa in faintly muttered leers.
He rose! he rubbed his een! he gazed aroun',
An' by a prison share o' dawnin' licht,
He shiv'rin', peered, an' listened for a soun',
Syne turnin', speechless stood! an' gaped wi'
fricht:

There stood a being in whase midnight head
Twa moonlike een in tempest anger rolled;
A space-like mou' that owre his face half spread,
Wi' curves projectin' in a hideous fold;
Nocht on his head but some close fittin' cowl,
That threw his features mair in bas-relief.

Wi' brawny arms upraised, he gae ae growl,
An' showed some teeth that could eat mair than
beef:

Doon on his knees the quiv'rin' Patie sunk,
Wi' han's enclasped, wi' startin' e'en he stared,
An' gasped he oot, "O Sawtan! I was drunk.
This aince forgie me, let my life be spared;
Oh, dinna tak' me yet, ye ken that I
The chiefest am amang your chosen weans;
Hae mercy on me! dinna at me fly,
An' I'll do ocht your majesty ordains:
Just let me live!—I'll cheat! I'll sin! I'll
lee!

Oh! oh! haud aff! great chief o' ilka evil,

I swear, I vow, that whisky I'll ne'er pree,

Gin ye forgie me! Gude paternal deevil!

I'll stick to business! real, legitimate!

Just fix for me your wish! but grant me life.

I pray to you, hae pity on my state—

Hae pity! oh, my wife! my weans! my wife!

Collapsed wi' fear, an' dread o' bein' mangled,
Cauld sweat draps fell frae ilka openin' pore,
While frae his scaup the fear-struck hair richtangled,

Movin', proclaimed the agony he bore;—
Owrecome, he moved na' frae his pendin' doom,
He watched, oh joy! His Highness glide awa',
An' mutt'rin', as he vanished in the gloom,
A curious nicher, an' a Yah! Yah! Yah!—
Slow dawned the daylicht, an' still slower filled

The frowsy cell wi' beams o' joy unblest, As cam' the licht, sae risin' Hope instilled A safety's feelin' in puir Patie's breast, Wha shiverin', slowly rose, an' felt that he Was still a being o' the homo kind; Wi' han' on forehead, thinkin' wistfully, He sair reca'd the awfu' scene to mind, That vivid loomed upon his mental disc, An' hung tenaciously to mem'ry's fringe,

Noo thankfu' that he had escaped the risk
O' tastin' Sawtan's horrid primal singe;—
He rubbed his han's, an' bauldly tried to reason
The strange phenomena on legal views.
That Sawtan an' his clients should be in prison,
Was but a phantasy, a whisky ruse,—
Tremblin', an' slow, he gazed aroun' the cell,
An' startin', saw an uncouth, winkin' figure,—
He's there! He's there! The Deil! The King
o' H-ll!
Confound it! No! 'Twas but a half-drunk
nigger.

POSTSCRIPT.

Majestic S—y cam, an' freenship gae. What justice wadna dune at twal' that day; Wi' sair repentin' vows, wi' mony a blessin' Saft Patie swore, he'd ne'er forget the lesson.

Sae was the end, but yet 'twas his beginnin', O' a new life devoid o' whisky sinnin'. Sae guzzlin' bodies mind, whan drinkin' deep, Some deil, or nigger, may disturb your sleep!

NEW YEAR'S ADDRESS TO POESY

Thou Poesy, sweet lass o' lasses,
Whase 'lurin' charm a' charms surpasses,
Thou temptin', luscious hizzie dear,
Accept my wish—A Guid New Year.
Thou kens I'm but an antrin' chiel,
An' scarce hae shown thee 'prentice zeal;
But, o'd, thou's been sae sweetly kind,
An' tae my towsie trifles blind,
That maist I blush tae think I've never
Acknowledged yet the bonnie giver
O' a' the moments I've enjoyed,
Bliss-burstin', joyous, unalloyed.
A short twa years we've kenned ilk ither,
An' aft ha'en stolen trysts thegither;

We've ne'er cuist oot, nor had we quarrels. Nor ha'e we tarnished oor love laurels: But we ha'e wooed, like fouk o' sense, Whaur love's hues shine thro' virtue's lens. Aweel, this year is maist awa, Its last chap seems a startin' ca', That wakes me to the wishin' duty.— First then—My Jean! next—Thou! my beauty! (You're baith aboot a twin-like pair, In a' that mak's a lassie rare, In love, affection, sense, an' worth, You're ill to match! Gang search the earth). Noo kiss I Jean,—to thee, I vow To loe ye aye as weel as now. Come then, this is the festive season, Ocht but guid freenship wad be treason. Gie me that tap'rin' han' o' thine! I swear I'm yours! say, are ye mine? Nae blushin' noo! haud up thy heid! Thy swith'rin' gi'es me pain indeed.

Weel dune, coy dame! noo, noo shall I Gar lyric shuttles swiftly fly,
An' wi' a hamespun Doric thread
I'll weave a dedication screed:

Wi' bannet aff, an' bowin' low,
Wi' cheeks red-het wi' blushin's glow,
I, like a timid lover, come
Wi' flow'rets culled frae fireside home.
Accept, oh sweet, my rude-strung posie,
An' lat them deck thy virgin bosie;
Rough beauties they in modest hues,
Nae spreadin' essence they diffuse.
Yet, spurn them not, they've been my care,
My heart wi' them is also there.
I am denied the breathin' woods,
The mur'm'rin' rills, the dashin' floods,
The tow'rin' mountains capped wi' snaw,
The madden'd tempest's hoarse-sung blaw,

The beetlin' crags, the heath'ry fells, The lonely glens, the fairy dells, The ruin-mould'rin' piles o' yore, The hoary haunts o' spirit lore, The varied garbs o' Nature's dress, The gems that stud its loveliness. These, these, I lo'e, but weel thou know'st, Mine they are nae: I canna boast O' wooin' Nature as her child. An' thrummin' wood notes, artless, wild. Thou know'st, thou know'st my Fancy's base, The drumlie well-spring o' my lays. Thou know'st I toil frae morn to nicht, Whaur Science swarfs poetic flicht, Whaur I hae varied steam-made clamors. An' melodies o' rivet hammers. An' roarin' blasts o' Titan pow'rs, An' furnace coruscatin' showers. An' thuds o' force subdued to will, An' fleein' wheel-made music shrill.

An' a' the sangs that Science gives, On which my second nature lives, An' gar my soul loup wi' delicht To see the emblems o' man's micht Raise up their iron crowns which tell That Labor's triumphs a' excel!-Oh, I exult! the man to mark. Wi' naething clad but breeks an' sark, Wi' grimy face, an' han's o' skill, Fash'nin' the monsters to his will: His smilin' face wi' vict'ry glows, While diamond sweat-draps deck his brows. A man he stands in ilka part, A nobleman in Labor's art. Kings may be kings in wealth an' pride, Plebeians they whan sic beside: He is the Poetry o' life, An' toils for what? his weans an' wife! Whase comfort gilds his honest cash, An' gars him nobly bear life's fash,

An' gi'es his soul the stamp divine, That gowd-born coofs ne'er had to tine, Whase unearned wealth, by toil unstamped, Maks sma' soul natures mair be-cramped; Wha live, but ah, they never ken The toil-won bliss o' toilin' men. (Fouk may hae wealth-bocht comforts plenty, But what o' that, gin they are scant aye O' real soul, the glorious source, That decks the ootcome o' the purse?) Thae are my scenes, frae sic I draw Nae gowden inspiration's blaw; Nae saft, Parnassic cantrip tricks Dwell in my vista o' broon bricks. Bricks to the north! Bricks to the south! Bricks to the west! but east forsooth I hae the sea, an' mark its roll, Bethankit! aft it 'lumes my soul. Nocht gilds Imagination's spires, Nocht feeds the life o' my desires;

My off'rin's, then, are but dream-paintin', I fear they're hardly worth presentin'.

Pray tak ye them, an' ne'er reprove

The simple index o' my love.

For were the regal rural mine,

The ootcome then wad e'en be thine;

Sae wi' love's e'e, an' conscience clear,

Thou joy! I say, "A Guid New Year."

VICTORIOUS*

To her a stranger would, with Friendship's tongue, Pour out his sorrow for a Child of Song.

- WHAN puir fouk, a' forgotten, crouched within the fireless ha'—
- Whan richer fellow-mortals, snug, defied ilk wintry blaw—
- Whan nakit trees, a' widowed, heard the robin's sorrow-sang—
- Whan dowie Natur' closed her e'e, an' bore the bitter pang—
- Written on reading the account of Janet Hamilton's funeral in the Glasgow Herald.

- I in a kirkyard wandered, at the time o' gloamin' grey,
- An' marked the silent snaw-clad mounds that happed the silent clay.
- Some wee anes tell't o' lammies sweet, cauld cradled in the ground,
- Wi' winter's robe o' innocence their little hames around;
- They brocht the sicht o' mither's tears, and some bit fireside lane,
- An' twa fond hearts enshroudit noo, wi' sorrow for their wean.
- While ithers shadowed forth the tale o' life's maturer years—.
- That goaded Fancy's dreamin's as they pierced their silent spheres.
- I pondered on the loves an' joys an' sorrows that they bore—
- For they on earth had lived, an' sailed the chartered voyage o'er—

- I thocht upon their burnin' hopes, their strugglin's, an' their fears,
- Their fecht for gowd, their downcast hearts, an' baulked Ambition's tears;
- I thocht upon the glories that they dreamt were roun' them shed,
- An' maist I saw their stricken looks whan Death his dart had sped.
- Noo here they lay oblivious a' to ilka changin' scene,
- Their names an' mem'ries swept awa', as gin they ne'er had been:
- Their worth or virtues, whaur are they? alas! hoo few can tell's!
- I feared their guid dune in the flesh lay buried wi' themsel's.
- I wondered tae, gin a' their souls were noo enslaved or free—
- Gin doon in Sawtan's grimy cells, or up to purity—

- There surely, surely wad be ane o' a' this mould'rin' thrang
- Enjoyin' noo eternal bliss the angel host amang.
- Sae, as I scanned ilk snawy spot, I heard some clinkin' tones,
- That struck me a' wi' terror as the crumblin' o' their bones.
- I, shiv'rin', gazed aroun', an' crouched ahint the nearest stane,
- An' saw a female figure stalk atour thae mounds alane;
- Enrobed in black frae heid to foot, fu' nervously she trod,
- An', stooping laigh, she groaned aloud aboon ae last abode.
- I marked her weel as thus she stood, an' saw a matron douce,
- Stately an' dignified in mien, wi' flowing garment loose;

- Aroun' her broo a circlet shone, an' boun' her silv'ry hair,
- That ower her shouthers streamin' fell in wavin' masses rare;
- Wild sorrow lichtit up her e'e, an' as she gazed fu' low,
- I saw a bonnie, sonsy face illumed wi' mair than woe.
- 'Twas grief's fell madness frae a heart maist burstin' wi' despair,
- As gin Love's bonds were rudely snapt an' plunged in anguish sair;
- An' as she raised her heid to Heaven, I saw she bore a name,
- Graven in characters that loomed ilk wi' a lurid flame;
- Upon the lowin' circlet these, cut wi' nae mortal hand,
- My strainin' e'en deciphered then that sacred word—"SCOTLAND."

- Doon on her knees she gaed, an' clasped her han's in mute despair:
- Then, madly scatt'rin' wide the snaw, until the grass was bare,
- She kissed the earth; then burst a cry, that gae my heart a twang,
- Syne, in a wildly wailin' strain, she poured this eerie sang—

"SHE'S AWA'."

"She's awa'! she's awa'! she is doon in the grun',

An' this cauld, clammy earth is her bed; She's awa'! she's awa'! yet tae her I am boun', Tho' her warblin's for ever are fled.

For ever! Na, na! they will live while the win' Soughs ower thae wee heaps a' in pain;

Noo, noo will she ken o' my sorrow within For the lassie I claim as my ain. Mune awa'! mune awa'! shine wi' grief on this spot,

Noo nae mair your saft rays she will love;

Stars awa'! stars awa'! a' your joys are forgot— Ye may greet as ye wander above:

Birdies sing! birdies sing! your wee chants ower her grave

Hoo she loved ye wi' Liberty's fire;

Flow'rets grow! flow'rets grow! greet your wae like the lave,

A' your smiles she but lived to admire.

"Bairnies a'! bairnies a'! she is singin' to ye Aye her soul-gems that garnish my shrine;

Ever yours! ever yours! still in melody's glee— Ne'er forget her gin ye wad be mine.

Why greet I! why greet I! she is liltin' above— Wheesht! I hear noo her sweet ringin' ca'.

Mither's joy! mither's joy! gowden dochter o' love!

Sing thou on! ne'er thy laurels shall fa'!"

- Sae endit she this threnody; then suddenly she fell,
- An' motionless lay on the grun,' as gin boun' wi' grief's spell.
- I hurried ower to raise her heid, but nocht I saw ava'
- But sundry lowin' footprints bricht that sunk na in the snaw;
- The mune peered oot atour a cloud, like some calm, mockin' e'e,
- The low win', 'mang the tombstanes, soughed a weirdlike melody.
- Dumfoonert wi' the unco sicht, I socht my hameward way,
- O'erjoyed that ane still lives in words that knoweth no decay—
- O'erjoyed that noo she sings abune, whaur angels hae abode—
- O'erjoyed that Scotland's tears bedew her everhallowed sod.

ONE MIDNIGHT

I SAW a blackened, smoky, cloudy plain,
Boundless and vast, a lurid seething main
Of flaming space, therein, with bronze-like lustre
Weird demon forms careered, a goodly muster;
I saw that each, with fierce and eager zest,
Untiringly obeyed their chief's behest,
Who from his burnished throne with pleasure
viewed

His own inheritors, that circling stood
In abject terror of their earnéd doom,—
The dark eternity of hell's vile womb;
Ay, stood they there, in countless, serried rows,
For ever lost, to earth-thought death-repose;

Their flesh-done deeds rehearsed, their guilt pronounced,

Swift, swift, a demon on the victim pounced,
And bore him off, thro' clouds, whose fiery glow
Obscured the cells of everlasting woe.
I many saw, who once had titled names,
Borne, yelling, off to where rose hottest flames,
And many that I knew whose life on earth
Was but the fœtus of this second birth;
Now knew they that a life of self-deceit
Sure earns, in hell, its punishment most meet;
I saw them borne away, and fast enchained,
Till but a few of what was vast remained;
My eager eyes them scanned and searched for one

Most dear to me, and dearer still, tho' gone
From earth; her life was hope and life to come,
She is not here! Where is her hope-lit home?
Tell me, tormentors? if aught else ye know,
Where is that land to which the blesséd go?

Where is that cloudless realm, that tranquil shore In which the stainless revel evermore? Ye answer not, ah, no; too well ye feel As others lost to an eternal weal :— Why haunt my gloomy soul ye mocking deils? Why goad the earth-pain that it truly feels? Far o'er my brain's dark cloudy atmosphere In horrid moods and forms ye all appear And hideous revels hold: come ye to mock A riven spirit wrecked on sorrow's rock And face to face with death? Oh, such a death! Her life was love, and love was her last breath; Lone, lovely, cold, her angel form is dead. 'Tis better far, with angels she doth tread, And I must live alone, and living bear A heart with her loved image graven there. Away, ye lurid fiends! ye smiling tell, No hope in life makes life an earthly hell-That love is hope; life's blessed two in one. And cursed is life when both from life are gone,- Say are these truths, your hell-clad piercing darts,
Forged by your demon chief for mankind's hearts?
Ye wield them well, they in the fated centre,
Unerring, quivering hang, hope ne'er can enter,
Where once, forsooth, her light resplendent shone,
And bade me live, and live for her alone;
Far, ringing deep, lo! in my 'stonied ears,
Your joy-shouts peal, I mark your hellish leers,
As ye defile in shadowy array
O'er the bleak vista's misty trackless way;
(That shrouded desert where thought's keen eyes
roll,

That reflex something, corporate with soul)—
Speak! speak! oh, speak, say whither do ye
go?

Life-blighting host, ye feast on human woe;
Those fingers luminous, but faint respond,
And point thro' darkness to some dread beyond;
I scan that scene of scenes, where, rolling red,
Clouds interlocked with clouds are densely spread;

No dawn tinge there, no hope-renewing light, Tenebrious gloom of life's eternal night Sublime and terrible; is this the home Thro' which those devils ever ranging roam?— Be closed, O eyes! lo, what a blinding stream Of shivering lightning shoots with vivid gleam; Again, again, see, lightning rivers run In majesty of speed; now are begun Thunders, co-mingled with each rending flash, Out-thundering thunder in each dreadful crash; What conflict dire! e'en devils crouching bow Their vile forms, crawling, humbled, abject, low; Nor flout they now, nor mock with vap'ry breath My surcharged life, o'ersorrowed with her death;— Rage, elemental war! your anger pour, Rend ye those cloudy barriers which obscure The blest antithesis to fiends, that be In scowling terror of the mighty He; Flash on! roll on! let darkness ever melt And vanish, ere the lash of light is felt.

Back, fiends, to your grimy, thermal cells,

There grin enchained, and raise your demon
yells!

Fainter each flash, each roll low sounds afar.

Lo; thro' cloud remnants shone one single star,

One quivering gem of hope, deep set in blue,

That o'er the brightening vista pale rays threw.

Rise, golden star! the gloom of night dispel!

Shine, mighty star! that great Beyond foretell;

On! on! expanding, widening as it sped,

In gorgeous calm, it nearer, clearer, spread;

Space-filling, sudden, one great wave of light

Came rushing on, and burst the pall of night.

Then fiends vanished with an eldrich wail,

As light divine obscured their slimy trail;

All lay in purity, and, radiant, shone,

While far on high loomed forth a dazzling throne,

Engirt with forms celestial; seated there A Being of Light, most wonderfully fair,

Seraphic calm, sweet, brooding o'er his face,
Enrobed his smile in Majesty of grace;
There nearer stood, in midst of myriad host,
She that was dead, my love, my hope, my boast,
Thrice lovelier she seemed; what bliss! what
gain!

As kindred beings welcomed her again,
In circling symphonies of melting song,
That countless thousands ever on prolong,
From peak to peak of burnished sunlit hills,
The angel-echoes leapt in murmuring trills;
Then angel hands a crown laid on her brow.
Excess of beauty! angelic ever thou!
She still is mine, as she has ever been,
I'll speak to her again, "O Jean! my Jean!
Come once again to my impassioned grasp,
Thy encrowned angel-form let me enclasp!"
Good heavens! I start, my beating heart be
still!

Her voice is heard, "What are you doing, Will?"

I wake! I rub my eyes! I scratch my head!

Most strange! my Jean and I are snug in bed,
I ne'er had been to regions lower nor upper,

But had a nightmare thro' a salmon supper!

PARNASSIAN REFLECTIONS

I CLAIM nae heavenly edict for my Muse,
I hae nae special gift to paint in hues
Celestial, earth's fairest traceries
In delicate poetic imageries.
Na, na, she didna row me in her plaid,
An' up amang the gods hae me conveyed,
That I micht warble forth like chosen weans,
An' masterpieces hew frae streams or stanes;
Or sing some cobwebbed mythologic story
To croon my country's fame wi' lowin' glory;
Or daub some kings wi' mair than regal worth,
Or pour laudations whaur rank weeds hae birth:
I wield nae giant pen wi' eagle flicht,
Whase markin's deep will stan' till Time's last nicht,

An' on whose catafaloue will shine as chief O' mankind's strokes, in brilliant bas-relief. Thae no are mine, nor yet are sic my aim, A fireside lilt is a' that I can claim. My fireside pleasure, efter daily toil, Is—Mak a sang an' gie life's pivots oil. I strike nae gowden lyre wi' dreamy twang, I'm prood whan I thrum aff a hameowre sang, Clad in braid Scots, that same I ne'er hae tint, But feel that still there's sterlin' music in't. Sic music that kept ringin' in my ears Thro' a' the varied scenes o' changin' years, Auld Scotland's tales, her hills, her glens, her braes, Seared the impression time will ne'er erase. At hame, afar, 'mid wand'rin's not a few, Her auld vernacular still dearer grew, Wat'rin' the seed, that tim'rous upward sprung, Burst its wee buds, an' soil-like blossoms flung, O' sang geometry, an' classic tools, I'm ignorant, e'en kenna yet the rules;

Spondees, dactyls, an' ither famous gaugin' For measurin' rhyme, are but what coofs engage in; I'm boun' wi' nae hard-spun, unvieldin' tether. Sae mine untrammelled loup as rough's oor heather; I hae nae patrons for my purse or pen, Sae gang wi' head erect 'mang ither men, In toil-won independence, free to think, An' treatin' wi' contempt smooth Flatt'ry's ink: I fearna then the scoutherin' critic's scan, The blightin' e'e, the with'rin' red-ink ban: I winna fret like some puir sang-blin' minions, Because a neebor hauds diverse opinions. Na. na. my sangs, like holy water still. Gin gude they do na, why, they do nae ill: Then be my Muse in hameowre to rehearse My ain experiences an' thochts in verse, For thro' the warl' I 've gane wi' open e'en, An' focht its fecht, an' felt the tender scene. An' cow'red beneath the poetry o' want, Whase burnin' epics scarce me life did grant.

Noo wi' some infant pow'r that lang was hid I pour the ootcome as my Muses bid. They're no immortal, sae are sure to dee. But what o' that, 'tis then unkent to me. Unless what sages say is unco true. That spirits live an' watch what men ave do. Sae as a spirit yet I'll aiblins ken The value o' my sangs 'mang future men : Whate'er their fate, to me, I count them treasures, An' neist to Jean, the source o' warldly pleasures; Content I'll be to hae my humble name Chalked on the doorstep o' the ha's o' Fame. That laurelled giants may on ent'rin' in Note that a pigmy glaumed at bein' within, Whase only merit was to pass the time O' fireside 'oors, in makin' Scotch words chime. His Jean! weans! hame! his real Castalian drink, That made them skelpin' come an' clatt'rin' clink: His hame Pegasus, held wi' straw-raip reins, Aye jogged aricht an' kept his name frae stains,

An' ne'er wad swerve frae life's straucht moral roads,

To gie the rider life's uneasy loads;
Thus on he gaed without a spur or whip,
An' grasped at Natur' wi' a steady grip,
His ae ambition, based on manhood's claim,—
To thrum the chords that mak a happy hame.

BUSINESS PHILOSOPHY

TO A YOUNG MAN ON GOING INTO BUSINESS

IF you should err in business, 'tis that you
Too honest are, for rogues, suave, sly, untrue,
Whase life-stamped aim is to increase their pelf,
An' goad Ambition wi' the spur o' Self;
Whase angled looks an' mystic smiles are snares
To fête the dupe, or flout the wight wha dares
To say them Na! you a' their schemes oppose
An' ever life's most noble path propose.
Mind, deem your honest little truly great,
An' live content on its attendant state,
Nor seek to rise by cheatin' kindred man,
Aye scorn your limpid conscience to trepan,

Be yours to live, aye, die, bereft o' freens, Than earn a penny by unmanly means. Forget na, wealth frae honesty's pure stream, Maks sweat-drops doubly dear, an' man supreme: You honest are! God grant you'll aye be so. Wealth charms a' charmless are whane'er you bow To thank a business pirate, wha wi' smiles Wad hang your conscience in his glitt'rin' toils, Syne chuckle o'er your shivered honesty, An' mourn your loss wi' public travesty;— They are the men (frae wham spring business ills), Wha scant o' cash live aff renewin' bills. Avoid their arts, an' o' this fact be sure. . Wha want renewals are maist insecure: Owretradin' is accommodation's mither. Accommodation is bankruptcy's brither. Oh puir is he indeed wha wad betray His manhood's laurelled trust, an' wha wad play The game o' principle, 'gainst heavier purse, The stake, -mair gowd! wi' its untauld remorse, -

Against a glorious count'nance, which foretells
The glorious peace, that a' internal dwells:—
Wha wad be prood to earn a rogue's acclaim,
Or hae his wind-praise clingin' to his name?
Deceived is he wham cheats delight to use,
Tho' gowd-washed Freenship spreads his worth
profuse;

The dear-bought worth, the bauble o' the hour,
Your honour sold, to prop their transient power,
A hollow power, that a' too sure decays,
Whase fated doonfa' awfu' truths portrays.
Then comes exposure's unexpeckit train,
In unmasked batch o' rogues, whase thirst o'
gain

E'en in the wreck maks capital o' woes,
An' spurns their victims wham they noo expose:—
Be yours to live proof 'gainst a' gildit baits;
Unsullied honour, business best creates;
Heed nae ane's ridicule, or envy's sneers,
An' mak nae freenships whaur deceit appears.

Ne'er stoop to those whase duplex life betrays, A graspin' honesty wi' sordid base; Their gains ill-gotten, scraped wi' fause pretence. Gie ootward show at inward peace expense. Deal na wi' sic, but treat them wi' contempt, They, mankind's barnacles, o' soul exempt, Their froth opprobium, you'll find ne'er serves To stem success, whan rectitude unswerves. Most precious be to you, the glorious facts, That you hae spurned a' grov'llin' tricksters' acts: That ne'er, in business, you lent ready ear, Wi' yuckie palm, to store unearnéd gear:— The guid opinion o' the honest few Is worthier far, than a' sham men can do. Wi' this be weel content, seek ye nae mair, Then happiness is your's, uncloudit, fair; Life-battlin' will show you, that men can be Dissemblers vile, whan blin' to honesty; You'll find it true, as mankind's acts you scan, A business'rogue ne'er met an honest man.

THE BROON BAWBEE

- THE sicht is unco sair, I ween, as some fouk truly know,
- Hoo inward poverty is aft akin to ootward show;
- I've aften marked some gentle-fouk enrobed in siller blaze,
- Whase actions antithetical contempt an' scorn wad raise.
- 'Mid micht o' dress, an' gaudy show, an' flunkiedbustle strife,
- An' a' the ostentation o' a siller-daubit life,
- It seems to touch their only chord gin siller they should gie,
- An' jewelled fingers aft grip weel to the Broon Bawbee.

- Gin Charity should loodly speak, it's strange hoo they are deaf,
- An' messengers o' mercy aft frae them get sma' relief;
- They tremblin' wait her ladyship, an' beggin' pains endure,
- An' wi' a blushin' face syne leave wi'—naething for the puir.
- But should it be for dresses, balls, or revels o' a nicht,
- You see their gowd-chairged purses then nae mair are lockit ticht;
- That they are lib'ral-heartit then, their satellites agree,
- But little ken they that for gude they'll spen'—a
 Broon Bawbee.
- I've seen them drivin' to the kirk wi' footman or wi' page,
- Reclinin' in their blazoned robes wi' pouthered faces sage,

- While bashfu' elders at the door obsequious homage gae,
- Syne handit to their cushioned seats thae Christians o' a day.
- The sermon dune, the plate gaed roon' to get the lab'rer's hire,
- Whan big-wamed purses locked wi' hearts, made only to admire,
- Were slowly drawn frae pocket neuks wi' movement ocht but free,
- Then white-gloved tap'rin' fingers drapt—just a Broon Bawbee.
- They say that faith and kindred warks should ever be combined,
- Sae faith without the wark maun be the fause-face o' mankind;
- The spurious-heartit actin', that insures their doom at death,

- Then ken they, whan it is owre late, they wrocht na for their faith.
- Awa' wi' a' thae glitt'rin' shams, an' shell-displays o' pride,
- Their pouch may stan' the test, but oh, their hearts

 it wadna bide;
- The rich—blin' denizens o' earth, are puirest whan they dee—
- Their maximum o' soul is seen in the Broon Bawbee
- Be blin', ye heavenly powers abune! to that hellearnin' feats,
- Proclaim thro' your celestial hame that noo the deevil greets
- To see his favoured weans insult their faither's kingly worth,
- Wi' actions laigh that wad disgrace the meanest o' the earth.

- Sae tell it na, for true it is, that those wha hae the maist
- O' ootward fuss an' Fortune's smiles aye aften gie the least
- To help a noble cause, that they micht future gainers be;
- Their worthless life, sel'-valued, is just a Broon Bawbee.

THE MODERN STAGE

IN TWA ACTS

ACT I

AE nicht, no lang sin' syne, my wife began
A philosophic lecture upon man
(I mean the married anes), an' what they should
Be doin' to keep wives in cheerfu' mood;
An', waefu'-like, she hit me wi' the contrast
O' ither wives wha ne'er were keepit hoose-fast,
Like what she was, and said (as wives maintain)
She'd ne'er a meenit she could ca' her ain.
I just cam in at nicht, and sat me doon,
An' never speired gin she'd gang to the toon,

To hear this concert, or that "famous" play, That some enjoyment micht her toil repay. "Indeed," says she, "You're no like ither men, But happy only wi' your pipe an' pen!" Whan I heard that, the whiskin' thocht revolved Quick thro' my scaup; an' sae I sat, resolved That I wad tak her to the Theatre-Royal To lat her see I lovin' was an' loyal. It was a happy thocht, gey sune fulfilled, For ilka street neuk was just then weel billed, Informin' a' that, straucht frae Lunnon, comin' Some actors were, led by a wee bit woman, Whase lithographic face ilk bill adorned— Weel-faured on them, an' naeways to be scorned. They were to play some comedies and dramas That on the Continent are reckoned "famous" (At least the posters had this word in letters Lang, large, an' red, like links o' felon fetters): This was the thing; an' noo the wife wad see Like ither married men her man could be.

Aweel, ae nicht, keen for the theatre ploy, I hame, determined actin' to enjoy. An' sma' persuasion did it need frae me To gar her don her oot-gaun toggery: Sae aff we set, an' hurried doon the street-For be-in-time aft gets the roomy seat. 'Twas sae wi' us; an', ere the play began, The ither comers I had time to scan. Aboon, the Gallery—an' sic a sicht! Wee lads and lassies sat in great delicht: Below, the Pit—a mass o' eager faces Securely sat in a' their deal-board places. Here was a mither wi' her ten-month bairn— The wee thing's bedtime she had yet to learn: Here servan' lasses, wi' their smirkin' joes, Sat makin' love until the curtain rose; An' grey-haired carles sat fidgin', unco fain, As gin mair smeddum they wad noo regain. While in the Boxes sat a fashioned throng: The leddies bare-powed were, baith auld an' young, Wi' large bane-kaims an' trinkets on their heids,
An' ower their shouthers variegated plaids;
White-gloved, an', daintily, in nervous han',
Some held, in strings, a sma' contractit fan.
There sat some dames, gey wizzened-like wi'
age,

Whaur paint an' Nature did a conflict wage;
Some younger anes, gey weel-faured, hafflin' lassies,

Were squintin' at the chiels thro' opera glasses.

An' becked an' bowed their pyramidal heids,

Kittlin' their fancies wi' prospective deeds;

While the gudemen (like me, under sweet force)

Just watched their movements as a thing of course,

An' seemed as stoics, wi' a vacant look—
Puir nose-led coofs whan woman baits the hook.
Noo cam the band (oh, shade of real music!
Nae mair gae me a dose of theatre physic).

Their puir attempt, opposed to music laws, Received frae Gall'ry critics lood applause. They plugged their win', an' drew their elbucks in; For noo the "Famous Play" was to begin.

End of Act I.

ACT II-THE PLAY

Shades of Macready, Siddons, Kemble, Kean, Rejoice, for none like laurels e'er shall gain.

THE paint-daubed curtain slowly rose; an' then Cam in a lassie an' twa plain-dressed men. In speldin' words an' jerky gestures they Began a tale aboot their mistress gay, Wha owned the hoose, an' wha was deep in love Wi' some scamp-gambler, as they a' could prove. Syne cam that necessary personage (That plays maun hae afore they suit the stage)—

The uncle. Young was he, tho' shammin' auld. An' wore a grey weeg, wi' the croon ower bald-A stoit'rin', bletherin' bodie, wha began His empty pairt about the ways o' man. An' hoo that he was naebody ava', But just the fun-post o' them, ane an' a'. To tell ye a' they said wad be a crime— A doonricht insult to my pen an' time; Sae, philanthropic-like, I'll cut it short, Gey sure that ither fouk will thank me for't. This "famous" play, in four-act sub-division, ·Micht weel hae been condensed, wi' just excision, Into ae sentence—for it had nae base Whaur ordinar' intellects some plot wad raise. I needna dwall on a' the sma'-beer acts, But just confine mysel' to glarin' facts. That this play "famous" was, for nonsense pure, An' miserable, trashy words obscure, Was truth indeed—for, fegs, in its best feature, It equalled a' that is repelled by Nature.

Before us twa-three chiels, gey busy fuddlin', Were either roarin', or wi' lassies cuddlin'; Their leery sentences were poured to prove That drink an' women were the things to love. In cam the Gambler stoit'rin', bleth'rin', ravin' That he himsel' some day wad be behavin': While the bit lass (the leading spirit mind) Looked to the roof, an' vowed she was resigned To him alane—he stood the only ane To mak her life a scene o' joy or pain; Wi' this he kneeled, an' swore her love eternal. Syne hugged her close, an' kisses passed supernal. But the slee rogue, weel up to ev'ry move. Some trinkets prigged frae her he cam to love. An' aff the proceeds sune gat greetin' fou'-Cam back, sham drunk, an' poured his love anew: She, wi' mock madness risin' in her breast, Spurned frae her noo the chiel she had caressed. An' stamped an' raged, wi' e'eballs wildly rollin'. Like some auld fishwife whan her creel is stolenAnger oot-angered noo, to croon her ire,
She struck a spunk, an' set her hoose on fire
(Fegs! mony women, to avenge their wrongs,
Set up a blaze wi' sulphur o' their tongues).
Noo, this was ca'd the "terrible denouement,"
As thrillin' stuffin' was the risin' lowe meant;
The chinky doors seemed locked; she stormed,
he roared;

An' troth, wi' smeek, I thocht they'd baith been smored.

Noo cam the climax to this trashy farce—
In scene nonsensical, an' groupin' worse—
He, wi' a shout, rushed, bare-powed, through the flames

(At this the gods clapped han's an' yelled acclaims);

While she, puir bodie, fu' o' sham alarms, Was gaun tae fa', but waitit for some arms To come an' kep her. Sae, in at a door The uncle cam, an' laid her on the floor—

A classic doon-put, crooned wi' Gall'ry yell; But pleasure breathed whan doon the curtain fell. The scene renewed, tho' efter twa-three years: Her face chalk-whitened, see, she noo appears; Faint-like, she was supportit tae a chair, Tho' real health wad aft itsel' declare. The bleth'rin' uncle an' a servan' woman Were routin' ave that noo the cheenge was comin': But there she sat, in sham forgetfulness, A Great Unreal (unless it was her dress). Flat lichtnin's flashed in streaky hues absurd, While tin-like thunner-rattlin's, tae, were heard (Wha made the thunner ocht to be weel lashed— It shiv'rin' pealed afore the lichtnin's flashed); To heighten this effect, the fiddlers' twirl The high-note catgut wi' a wavy dirl, That on an audience double duty serves To kittle up their unexcited nerves. But noo a noise is heard, an', wi' a bound, The gambler lover aince again is found,

Wha rushes in, an', wi' contrition's storm,

Doon on his knees afore the deein' form

He gangs, an' fierce his tale o' love is poured—

An', in a twinklin', she is sune restored.

Thus, thus the haill thing ends, but nae until

The uncle shows that she has by some will

Been left broad lan's, in guid for a' her life;

Sae Fancy's paddin' maks them man an' wife.

They ceased; an' then the curtain slowly falls,

While high arose the gods' an' goddess' bawls.

This was the "Famous Play" we gaed to see;

But, 'deed, the wife an' I did weel agree

That better far we wad hae been at hame

Than list'nin' to sic weel-skinned nonsense tame.

Nonsense! 'Twas waur, an' to young minds infective—

Positions dubious, an' wi' phase reflective. The actors strut in ord'nar' symmetry, Wi' speech bereft o' common poetry,

An' aften show, in sentences unceevil. Their intimate connection wi' the deevil. The theme a miserable mass o' words. Whase gross impurity ower weel accords, An' shows masked immorality's thin edge Dune up in gilt to please a sensuous age. Extreme depictin' o' the strongest passion Seems noo-a-days to be the actin' fashion; An' actors stilt their fumy hours away By panderin' to youthfu' minds' decay, An' sowin' seeds that a' ower sure produce A generation famed for morals loose. Sae lads an' lassies noo think it nae shame To emulate what theatres proclaim; Can-cans, sensation deaths—a great variety— Are but the batt'rin'-rams o' guid society. The michty weel-dressed, an' the scant o' claith. Will fill the hoose to see bare legs or death: E'en them wha should a guid example set Are sae effeminated that they whet

Their morbid tastes, an' gang in glitt'rin' hordes To gloat on semi-nude, whase form affords The acme o' delight to auld an' young. Wha, kittled, shriek applause wi' rabid tongue. Ay, ay! this is ae way that young fouk gain A knowledge that their years can ill maintain— An' siccan knowledge, the Upas o' the soul, That, poisoned, sune decays a' self-control, Until unblushingly its victim basks Beneath the shade o' its most damnéd masks— A shivered wreck, a loathsome human toad, An ootcast branded by an irate God. Awa' wi' thae foul, fiendish, gilt nurseries, An' a' their tinsel-blazoned mummeries: Their smooth temptations, an' their hideous scenes. Are to a nation's ruin but the means— A fœtid tide, wi' dark, sin-crestit waves, That sweep a nation's youth to early graves. Oh! 'tis a scandal to oor Christian isle That sic should be, an' be but to defile.

Say what ye choose, the stage's glory's gane— Its true ennoblin' is upon the wane.

Whence is the cause? Ye needna shake your heads,

'Tis—Modern Plays are spun wi' carnal threads!

Appealin' thus to what is weak in man,

They only live whan Virtue they trepan.

Sic plays are "Famous" truly—quite sensational—

An', shade o' Shakespeare! hae become quite national.

TRUTH IS PAINFU'

Wha dreads Truth's clear an' limpid waves, Is chief o' mankind's moral slaves.

'Tis strange that Truth, exposed, is painfu',
An' to vile human natur' banefu';
Thae wha aneath Deception's ban
Immure the noblest pairt o' man,
An' squeak when fa's the cataclysm
O' honest Truth-clad criticism,
Or shake, when flies the polished dart,
That, weel-aimed, gangs straucht to the heart,
An' quiverin' brings the deadly hue,
Which proves the messenger was true—
Are but the ghouls o' humankind,
Wha shut the winnocks o' the mind,

An', sel'-contentit', think they 're richt, While a' within is reft o' licht. Oot on thae coofs wha writhe an' swear To see their dubious acts laid bare! The nine-tail whip o' Truth's a lash That gies their fause-hung hearts a gash, An' gars them writhe, an' pour their yells, Which gang to show hoo ilk thud tells. Poltroons! ye merit a' derision, Wha actin', fear keen Truth's incision. Weel may ye croak wi' angry lips Whane'er the shoe your fause fit nips. Say, what is Truth, ye purblind minions? Say, is it found in hell's dominions? Na, na, nae Truth is found therein, Nor yet in hearts enwrapt in sin; (Per contra, chiels wha dread it's lustre Will roun their Maister ae day muster.) Why dread ye Truth an' its disclosures, An' prate whan come some fair exposures? Ah, man, your puny lambkin bleat Betrays the quakin' hypocrite; An' sae your sickly pen rins aff-The moanin's o' some kindred cauff. Ye're ane wha'd say that He did wrang, Whan the blin' Pharisees amang. Whan in their lugs that true words dashed— "Ye are but sepulchres, white-washed!" Man, had ye lived then, fegs ye would Hae been chief o' the yellin' crood, Wha hatin' Truth, divine, eternal, Demandit's bluid wi' cry infernal; Had a' mankind possessed your een, I kenna what this earth had been; I doot your symbols are gey true, An' that ye are some Jealous Jew-Supporter o' some rotten cause. Yet fattenin', thrivin' aff the Fause. Yea, what are a' oor preachin' brithers, But critics o' the acts o' ithers?

Are they, whan drivin' Truth's shot hame, To merit their puir targets' blame? To your sins maun they close an e'e, An' smooth doon a' the fauts they see? An' ca' you guid, an' stroke your back, While weel they ken you truly lack What constitutes the primal base O' sorrow for your sax-day ways; Awa', my frien', gin sic there be, He's no the man for you or me; Altho', in Truth, there's far owre mony Wha duplex play, to pouch the penny. I fear amang this category Ye weel can claim the upper story. What stan's oor country's glorious fame, Anent which kingly powers are tame? What tyrants dread, what cowards fear, What noble statesmen aye revere: What honest men claim as their ain, What shines as Freedom's chief key-stane?

What is mankind's gran' elevator, An' raiser o' the human creatur'? What looms oor nation's mighty mirror. An' to a' hypocrites a terror? Ay! what is this? Why, naething less Than oor free, uncorrupted Press. Whence is its power? Whence is its might? Comes it from keepin' Truth in night? Na! na! the gorgeous aphorism Lies in its honest criticism! Its dauntless front, its fearless words, Its thunderbolts o' Truth, are swords That bare the puir man's sorrow-woes, Yet follies o' the rich expose, An' wither a' their fell devices, An' stem the poison o' a' vices. Sae wi' their trumpet-tongues alood, Press-criticisms father good: But you, wha feel the truthfu' nip, Bellow an' yell beneath the whip,

An', like some sma' truth-stricken cur,
Turn roun' an' gie a mournfu' burr,
Whase piteous soun' owre plainly shows
Ye canna thole Truth's sair expose;
An' e'en in this enlightened age
Wad try to muzzle ilka page.
'But ye are ane whase sense is such
That still it wears its baby-mutch.

Shine on! O Truth, thy bricht rays roll,
Be thou the day-star o' my soul;
To wretches fause, oh, ne'er succumb,
Scorch! scorch them weel, that guid may come!

Samuel 1995.

THE WRECK

I stood upon a headland lone.

WHEN lashed by tempest was the ocean's breast,
And white with anger heaved each dark wave's
crest

That seething hissed hoarse epics far and loud,
And quivering mocked the lightning-riven cloud,
Whose streams in maddened, wild, convulsive leaps,
Illumed the rolling, stagg'ring, furrowed steeps
With tongues of fire, that down the wat'ry vales
Shot uncontrolled, and whose long, lurid trails
Licked the black gaps that bathed, in hues of gold,
One moment shone, till o'er the billow rolled;
While Heaven's artillery now near, now far,
Belched its dread thunders 'mid the mighty war,

And on thro' space in sounding echoes rose

Far startling other spheres from their repose,—

Marked I, with nervous eye and compressed lip,

The looming outlines of a gallant ship

Daring the fight (and like some warrior bold

Who shuns not contest), canvass-stripped, barepoled,

To meet the foe, or scud with circling blast.

For yon snug bay, until his wrath had passed.

Onward she came, now high upborn, now down,

Encompassed all with lapping billows' frown,

She spurns their false embrace; on still she strives

The bay her goal, her trust the sailors' lives.

Be hushed, ye blasts! one moment cease to blow!

Behold that ship, see breakers round her bow!

List to that cry, "Hard over with the helm!"

O winds! O waves! why should ye men o'erwhelm?

Too late! she comes! ah! how that lightning flashed,

And reeling helpless on those rocks she dashed;

And but an instant some dark specks were seen, With arms upraised, the greedy waves between. Another flash! one last wild gleam of light To eves fast closing in death's endless night. And o'er the tempest's laugh, one wailing cry Rung in my ears, and pierced the gloomy sky. Another flash! that brighter all illumes.— 'Tis Heaven's dread seal upon their wat'ry tombs. Stream on, ye lightnings! ye deep thunders roll! Sound ye your pæans to my stricken soul, O gorgeous darkness, that enshrouds a world; Out from your cloudy womb, ye oft have hurled Immortal emblems of immortal might, In your sublimity ye take delight. I bow unto your powers, ye me enthrall, I sink in wonder at your deep'ning pall, And own, as I those symbols humbly scan, That He all-powerful is, and nought is man.

GLOR Y

What is glory?—saith the statesman,
"Steering right the nation's helm
Thro' the shoals of party conflicts
That for power would Right o'erwhelm;
In the great arena soaring,
Wielding millions' destiny,
Justice' eloquence outpouring:
Glory such as this for me."

What is glory?—saith the soldier,
"'Tis to gain undying name,
'Mid the muster-roll of heroes
Blazoned on the scroll of fame;

176 GLORY

Roars of battle, vanquished flying,
Ringing shouts of victory,
Fair fields strewn with dead and dying:
Glory such as this for me."

What is glory?—saith the poet,

"Warbling wild-notes fired with love,
Earthly worth in words impassioned
Graven in the realms above:

Virtue's beauties, deeds of daring,
Sung in strains that long will be
Garlands meet for nation's wearing:

Glory such as this for me."

What is glory?—saith the painter,
"Breathing life in magic hues,
Nature stamped by wizard touchings,
Animation's rays diffuse;

Great conceptions ever growing,
Tinged with immortality,
Genius' honour, all bestowing:
Glory such as this for me."

What is glory?—saith the toiler,

"Striving comforts best to gain,
Labour-wearied, horny-handed,
Wife and children to maintain;
Days of sunshine, work in plenty,
Cottage lit with children's glee,
Food and raiment never scanty:
Glory such as this for me."

What is all this earthly glory?

'Tis Ambition's wakeful eye,

Mocking shadow, gilded story,

That avails not when we die;

Flaunt it, seek it not, 'tis passing, Banish far its blinding sway, Live to gain the unsurpassing Heavenly Glory, lasting aye.

TO KEEP A MEMORY GREEN

- THERE'S mony livin' in this warl' wha live an' never think,
- Wha live to toil that they may aye be kept in meat an' drink,
- They're here the day, awa the morn, as they had never been,
- An' seldom leave a mark ahint to keep their mem'ry green;
- They ken they live an' that they move at will upon the earth,
- They ken that death awaits them frae the moment o' their birth,

- 'Tis an anomaly the way they spend the *dread* between,
- They do nae guid that aiblins micht hae kept their mem'ry green.
- They think na that the puirest can, e'en in their humble suit.
- Do little acts to raise themsel' aboon the common brute.
- To show a neebor that they bear a soul whase glorious sheen
- Impermeates their ev'ry breath, an' keeps their mem'ry green;
- They aft ootrage the thing ca'd love, an' wi' its spurious cast,
- They marry, an' their bairnies grow as victims to its blast;
- Parental feelin's are unkent, an' whan they leave this scene,

- Unmourned, unmissed, they naething leave to keep their mem'ry green.
- It's waesome aye to gaze upon an unwept coffin borne,
- 'Deed could we read the mourners' hearts, rank joy doth them adorn,
- Their faces may seem unco lang, an' mock tears in their een,
- They feel the inmate has dune nocht to keep his mem'ry green;
- Their hoose is only toom awee, an' hearts gey sune are glad,
- Heart-feelin' is in smilin' mou's whar thocht should mak them sad,
- E'en should their name be dwalt upon, nae comfort can they glean,
- Frae ony guid that bloomin' aye wad keep a mem'ry green.

- He's unco puir wha isna missed gin he the richt pursue,
- An' deeds whan gilt wi' kindness pure are seldom lost to view,
- Gin mankind's acts to brither man wad aye to virtue lean,
- The blessin's o'a heart relieved wad keep a mem'ry green.
- What tho' the siller-god is a' wi' chields wha live for wealth,
- Their micht-hae-dune is never felt until in wanin' health;
- Then, then the stricken conscience pants for favour wi' that freen'
- Whase fiat tells them that on earth their mem'ry isna green.
- A sculptured stane weel chiselled owre may mark the restin' spot,

- 'Tis but a fadin' sham aboon the banes o' him forgot;
- Worth carved on stanes is worthless as a monument I ween,
- But worth engraved on hearts will keep a hallowed mem'ry green;
- Oh wad mankind but think upon the guid that each could do,
- An' live like men endowed wi' souls an' selfishness subdue,
- Then rich an' puir wad strike ae chord, and feel the pleasure keen,
- That in this life they did some guid to keep their mem'ries green.

THE WOODEN M.P.

- 'MANG a' the soulless coofs that e'er upon this earth was born,
- 'Mang a' the men that feed contempt and merit mankind's scorn,
- The chiefest is the vapid chiel' wha, wi' ambition slee,
- Is by the power o' gowd transformed to a local M.P.
- He'll scrape, he'll howk, he'll gather gowd to climb the social scale,
- An' stan' upon wealth's dignity whan brains should maist prevail;
- Yet a' unsatisfied he'll aim at higher still to be,
- An' rest na till he shows himsel' a gushin' M.P.

- Surroundit wi' some cash-bought chiel's that toons aye weel can spare,
- Whase duty is to him belaud or else his speech prepare,
- He's floatit locally as ane whase wisdom bears the gree,
- Whase powerful mind will constitute a wondrous M.P.
- It's strange hoo sune he masters a' the nation's sairest wants,
- He's chairman here, and spoutin' there 'mang Methodists and saunts;
- His name will head subscription lists, an' handsomely will gie,
- To loom aye in the public's een as a comin' M.P.

The grand summation o' his life is hoo to gain a vote, An' gin' he e'er had principles they soon are set at nought;

- An' wi' platform philanthropy the wrongs o' men he'll pree,
- An' shout aye wi' majorities like the honest M.P.
- The "Workin' Classes" is the theme that gies him pleasure maist,
- To show they should be highest paid wha strike to work the least;
- He'll spout that sweat enriches fools, an' masters tyrants be,
- An' wi' sic horrid pills he shines, the patriot M.P.
- He vows that he'll support or mak' the siller-savin' bills,
- To rid the stricken nation o' taxation's grievous ills;
- The cobwebs o' a thousand years clean brush awa' will he,
- Gin he to Parliament is sent as their honoured M.P.

State patronage he ne'er will grant to Mammonseekin' kirks,

He'll clip the salaries o' a' the pulpit preachin' stirks; That a' should be alike he'll show his hearers to a T, Halcyon days will dawn when he is made our M.P.

He has a certain gift o' gab that serves his sly intent,

To "Yes" wi' a' is but the game for which his skill is bent,

Sae he's returned; lo! in the House a votin' cypher he,

The vows an' tongue are nowhere noo o' the hopefu' M.P.

To show his constituency that he their weal desires, He leaves ahint some busy chiels to pull the local wires,

Wha keep his votin' wisdom aye as motes in ilka e'e, An' puff the wise decisions o' the luminous M.P. They kenna that within the House red-tape plant wildly grows,

Or that their plastic promiser is noo led by the nose By crafty chiels wha represent their views wi' unctuous glee,

In lang orations meant to hook the judgmentless M.P.

'Tis thus that power in han's o' few is aye a thing secure,

'Tis thus true legislation hings until it turneth sour,
'Tis thus our vaunted nation is the hindmost guid
to see,

For a brainless chiel' wi' siller mak's a wooden M.P.

LIVING MEMORIES

- WE a' hae some loved spot on earth where mem'ry ling'rin' dwells,
- We a'hae some memento left that sorrow's dawnin' tells,
- We a' hae thochts that afttimes hing on them frae us awa,
- Oh few there be wha haena felt tears o' remembrance fa';
- Oh say na that your thochts ne'er turn to some lone grassy spot,
- Oh say na that some little mound can ever be forgot:

- The present may gi'e life its joys, but something brings ye pain,
- The mem'ries o' the lovin' forms that ne'er will come again.
- The wee bit bairnie toddlin' roun' an' prattlin' fu' o' glee,
- The cantrips fu' o' innocence, the lauchin', trustin' e'e Strike oor affection's deepest chords, that ever
 - soundin' on,
- Reverberate thro' life, an' fill oor calm reflection's throne;
- Tho' years gang owre the void is felt, in fancy still you hear
- Some merry lauch that cheered your heart, then fa's your silent tear;
- Ye handle not some tiny toys without a sorrow's train,
- As ye reca' some little han's that ne'er will come again.

- The days o' love sae fu' o' bliss, ah! little thocht we then
- That tender scenes sae unalloyed could ever ha'e an' en';
- That hearts sae much in unison wi' nae encirclin' care
- Wad pairtit be for ever, oh! sic thochts we couldna bear;
- But noo some little lock o' hair that graced some bonnie broo
- Is treasured in some hidden nook as love's sweet symbol noo,
- It whispers tales o' lang ago o' ane we thocht oor ain,
- What wad you gi'e to kiss the lips, or hear the voice again!
- Tho' love be well cemented owre wi' mony a happy year,
- Tho' twa auld hearts maist ilka day the mair as ane appear:

- Go see some lone ane gazin' on the vacant fireside chair,
- As mem'ry fills its emptiness wi' ane wha aft sat there;
- Earth joys fill not affection's gap, tho' oft'tis seemin' healed,
- Tho' smiles o' pleasure deck the face the heart is not revealed;
- There, there the fires o' gnawin' thocht will never frae us wane,
- Till underneath some grassy spot nae mair to come again.

side

sa!

n

;

DINNA GREET

WITHIN a lane cottage, as midnicht was nearin',
A mither was stoopin' atour a laigh bed,
In sorrow's despair she was watchin' an' fearin',
For hope frae her heart maist for ever had fled;
Sair, sair did she greet, for death ower him was drawin',

The love o' her youth, the breidwinner an' stay,
Wha kentna or sawna the tears that were fa'in',
Or heard her heart brak in his passin' away.

A laddie, half greetin', close to her was clingin',
His wee trustin' hand did her fondly enfauld,
Ae hand o' his faither, that gripless was hingin',
He touched, stared, an' wondered what made it
sae cauld;

N

He gazed on his faither till maist in a swither,

An' on his changed look he wad cowrin'ly stare,

Syne whispered, wi' tearfu' een fixed on his mither.

"What's wrang? Mither, mither, oh, dinna greet mair."

The licht o' a crusie was flick'rin'ly burnin',

An' threw a weird hue owre the faces o' a';

The auld clock the edge o' the midnicht was turnin',

An' rang the first chime o' the day gaun awa';

The last note was struck, an' was ling'rin'ly shakin',

The crusie burst oot wi' a strange gleamin' flare.

As Death stole within an' his spirit was takin',

Whase last lovin' look breathed, "Oh, dinna greet mair."

Ae lang wail o' anguish arose in the dwellin';

He's gane! an' she clasped a' that boun' her to

life,

An' madness o' love wi' its wildness was swellin' In fury o' sorrow's tempestuous strife;

"He's gane—oh, he's gane! Ah, see, he is smilin',"

Awa, cruel Fancy, in pity her spare,

The auld look o' love was in death e'en beguilin',

An' seemed wi' mair beauty to linger still there.

The laddie, dementit, was greetin' an' pu'in'

His mither frae aff his cauld, cauld faither's form,

She rase, an' he clasped noo a grief's haggard

ruin,

Maist wrecked 'neath the blast o' the pitiless storm;

He kissed her, he hugged her, an' faintly was sayin',

Wi' frenzy o' fear, twa-three words o' his prayer,

That flew whaur his faither's loved spirit was stayin',

An' angels far sung his—"Oh, dinna greet mair."

The licht o' the crusie sank doon an' was deein',
An' wrapt in the gloom sat the mither an' wean,
She startin', shrieked oot, "What is that I am
seein'?

See, see! 'tis his angel sent doon to sustain—
It's touchin' my heart noo, an' yet I am greetin',
The comfort it's pourin' is calmin' despair;
My laddie, your prayer 'tis saftly repeatin',
Wheesht, He is thy faither, oh, dinna greet
mair."

TO A DEW-DRAP

SWEET tear o' nicht! frae angels e'en!
Celestial gem in radiant sheen,
The with'rin' rose-leaves snug atween,
Thou glintest pure,
Can'st thou ae joy frae beauty glean
That's faded sure?

Nae mair this rose, like maiden fair,
Shall thee in virgin bosom wear,
An' tinged wi' deeper blushes bear
Thee as its pride,
Syne flaunt its glory, fadeless, rare,
O'er a' beside.

Thy burnished settin' noo is gane,

Nae cuddlin's sweet for thee remain;

E'en yet thou'rt here without a stain,

Unwelcomed a',

'Mid leaves that ne'er will smile again,

But shrivelled fa'.

Hoo kind thy ray o' licht to spread,
O'er what was ance love's lowin' bed,
Thy gleam is as the jewels shed
O'er monarch's broo,
Whan he, low, numbered wi' the dead,
Lies a' to view.

Hoo silently thou seem'st to scorn
The miserable wreck forlorn,
Whase vestiges o' grandeur shorn,
Nae mair will bloom,
Thy ray,—a tear o' sorrow born,—
Maist mocks their doom.

Prince, peasant, a', puir rose like thee,
In life's gay beauty flaunt wi' glee,
The earthly passin' baubles wee,
That deck their name,
They, like this dew-drap, mock the e'e
Whan ordered hame.

ODE TO THE ROBIN

SAY, Herald of lone dreary days
(Tho' ever welcome guest),
What prompts the chirping that betrays
The joy within thy breast?

No verdant foliage tempts thy flight,
No grassy sward thy bed;
E'en yet thou com'st to give delight
When all is cold and dead,

No more on upward joyous wing

Thy brethren seek the clouds;

No more they pour, or wanton sing,

Their carols in the woods.

No dew-clad peeping flow'rets greet
Thy early morning song;
No sighing, sun-lit zephyrs sweet,
Afar thy notes prolong.

Unwelcomed, friendless, and alone,
How fearlessly to come,
And o'er earth's cheerless, wintry zone,
To seek a cheerless home.

Hath Heaven for thee some cosy bield,
Amid this stern decay?
Can Nature's death thee comfort yield,
Or make thee blythe and gay?

Ah! 'mid the universal gloom

That sleeps on Nature's brow,

Thou light'st the darkness of its tomb,

Sweet bird of hope art thou.

Wee bird! precursor but of storms,
Oh could I feel like thee
When life's dread winter's chilly arms
My soul immortal free!

Then would I brave that stormy hour,
And like thee sweetly sing;
Secure, protected by the Power
Who hath for souls a Spring.

BUSINESS PIRATES

- SOME men will constitute themselves the pirates of mankind,
- And under colours false will spread their canvas to the wind;
- Externally they seem as craft on honest voyage bound,
- While all within their holds the bales of roguery are found.
- They cruise along o'er sea of life with vulture-like survey,
- And leap with exultation when they mark a craft as prey:

- Their battling is the coward's part, deception is their wealth—
- They claim their neighbour's cargo by unpunished right of stealth!
- They decorate their heartless frames with ostentatious show.
- But nought unstamps their figure-heads, cadaverous and low;
- The wake they leave behind is marked with desolation's tear,
- Yet heedless of the orphan's cry, they boldly on career.
- They gloss with bastard honesty their colours of deceit,
- And with an air of innocence will mingle with the fleet;
- Their restless eyes are swift to mark some victim to ensnare,
- And with unerring certainty his cargo off will bear.

- They oft show signals of distress, and captivate with grief—
- The unsuspecting fellow-craft bear down to give relief;
- Till, once within their demon toils, what do such pirates reck,
- The would-be friend is plundered, robbed, and left the dismal wreck!
- When launched, a friend from nameless halls bestowed on them his charts,
- And, with paternal love, he took their diabolic hearts
- To unctuate Ambition's hull, that it should swifter glide,
- And bear along the wrecking rogues in whom no souls abide.

INGRATITUDE

- WHAUR is the man that canna show the sting o' freenship's wound?
- Or whaur the man that hasna felt its never deein' stound?
- That's gi'en to freens by freens whan they throw oot the venomed dart,
- That a' unseen was lurkin' sheathed within a hollow heart.
- Oot on the men that freenship serves whan in a sudden strait,
- Wha as some fawnin' creatures then your acts appreciate.

- But aince relieved, will barely own the freen wha did the guid,
- An' fling him back for kindnesses their base ingratitude.
- Whaur is the man that hasna seen some freen o' siller scant?
- Or whaur the man, whate'er he be, wad see a brither want?
- The donor's smiles as sunshine seem to those wha in them bask,
- Until their selfish ends are gained, then fa's the hideous mask:
- Then think they your philanthropy was but a duty's act,
- Your interests are valueless, gin theirs remain intact
- They murder freenship, nay, will stoop to drink its gowden bluid,
- Syne gloryin' raise their han's that reek wi' base ingratitude.

- The ear, acute to freenship's voice, wi' soul to gi'e it heed,
- Aft unsolicited will do a heart-relievin' deed.
- Wha daur ignore sic heavenly acts, because they hae an end,
- Can never be a man 'mong men, much less a common friend,
- Like him that wounded lies upon some lurid battle plain,
- Neglectit a', wi' nane to help, or wanin' strength sustain,
- Until a benefactor comes wi' balm frae mercy's source,
- Wha 'neath a smile o' hope is stabbed by him he stoops to nurse.

THE MAN

- You cannot feel a joy in a' ye do 'neath garb o' richt,
- You maun hae stangs o' conscience sharp that pierce wi' burnin' micht,
- An' doom your thinkin' chords to hours o' hell's great moral pain,
- That bring repentin' vow-resolves nae mair to hurt again.
- The angry words o' party strife and fierce inhuman glow'r,
- Whan gi'en to fellow-mortals, show the tyrant deevil-pow'r
- That but insults the majesty an' stamp o' kindly Heav'n,
- Yea blasts the little worth that is to ev'ry mortal giv'n.

- A' soulless brutes rejoice in hate, an' wild their snarlin's be,
- Theane devours theitherwi'their species yell o'glee,
- 'Tis strange, indeed, that man descends frae tow'r o' self-control,
- To indicate he is the brute wha hates his glorious soul;
- Do such indeed possess a soul? Ah! yes, their outline tells,
- That 'neath expression's various moods the Great-Illumer dwells,
- Man's latent Sun! that aye should shine, without ae cloudy mark,
- To gar its flimsy tenement gang gropin' in the dark:—
- What mak's its rays age mair intense? What mak's it brighter shine?
- What gars the man appear to be approachin' the Divine?

- What mak's him stand a real king—the monarch far above?
- Why naething else than ha'en his soul refulgent aye wi' love;
- Gang, then, an' steep your garb o' richt for ever in its sheen,
- Until your richt, in thocht an' deed, as richt to a' is seen,
- Until it spotless doth appear, to every human scan,
- Then, thus enrobed, you'll stan' supreme the acme o' a Man.

GATHER, MEN! GATHER!

GATHER, men! gather! the pibroch is sounding,
Hark! how its notes thrill afar thro' the vale;
Gather, men! gather! the foemen are bounding—
List! 'tis their war-cry that sounds on the gale.
Come from the cottage, and come from the bower;
Come with the claymore, the targe, and the spear;

Leave maidens' bosoms to love's binding power,
Gather, men! gather! the foemen are near,
Come, as when tempest shocks
Shiver our mountain rocks;
Come, as when lightnings sweep
Far through the forests deep,
Come, as the roll of a mist from the waves.

Come, as when torrents rush
Over each bending bush;
Come, as when gloomy death
Strikes with exulting breath—
Come! 'tis the pibroch! Come, gather, ye braves.

Gather, men! gather! undaunted as ever,
Round our brave chieftain stand—stand as of old;
Gather, men! gather! while yet the notes quiver—
Swift! let the brackens your tartans enfold.
'Tis by our fathers who sleep 'neath the heather—
'Tis by the deeds of the names we revere,
And by their spirits still trooping together,
Gather we! gather! when foemen are near.

Come, as the clouds of night
Girding the gloomy height;
Come, as a thousand rills
Rushing from native hills—
Come, as the billows that dash on our shore;

Come, as the mighty men,

Nursed in a Highland glen,

Come, as the tartan'd ones,

Ever the mountains' sons—

Come! 'tis the pibroch! Come! come as of yore.

Gather, men! gather! the old bards are singing

The rush of the onset, the deeds of the brave;

Gather, men! gather! their music is bringing

The fire of the past, never felt by the slave.

Our homesteads shall never be sacked by a foeman

While lingers the valour of ancestors here;

Wildly our slogan shall stream as an omen

Of death to the boldest of foes drawing near.

Come, as when giant strides
Shake the lone mountain sides;
Come, as when Vict'ry's car
Sweeps the dread field of war—
Come, for our deeds shall for ever be sung.

Come, for the eye of Heav'n

Smiles when our foes are riv'n;

Come as one! Come ye all!

Come! to our sacred call.

Come! 'tis the pibroch! On! warriors young.

POVERTY'S HAME

ALANE by a toom fire a mither is sittin',

Low croonin' a bairnie she rocks on her knee,
An' owre her wan face painfu' shadows are flittin',

While, sighin' an' sabbin', tears fa' frae her e'e—
Bedewin' twa headies that crouchin' lay on her,

Wi' upliftit faces o' owre bonnie hue,

Soun' sleepin' the strange sleep o' poverty's hunger,
An' dreamin' the strange dreams to want ever

true!

O God! crooned the mither, send help unto me!

Oh send me some angel wha comfort can gi'e! A toom hoose, an' fireless, without ony breid, Brings death to my bairnies whase faither is deid. The win' thro' the lozenless winnock was blawin'

A poverty's dirge for the spectres within,

An' far owre the floor the white snaw-flakes were fa'in',

The windin' sheet emblem to hap the puir in;

Upon their pinched faces cauld moonbeams were dartin'

Wi' dim ling'rin' halos o' pallor a' set,

An' aft 'mid their dreamin's the laddies were startin',

An' whisperin', "O mither! is faither come yet?"

Come yet! He is deid! He'll nae mair come again—

He hears na your cry, an' he sees na my pain;

His spirit is near us wi' sorrow o'erborne;

Fa' owre, my puir laddie—Sleep! sleep! till the morn.

- Her love-warmth was lowin', tho' scanty her happin', An' slow sped the 'oors as she watched them at rest;
- A cry! 'Twas the lammie she fondly was clappin',
 An' closer she drew the cauld wean to her
 breast.
- Hoo laigh noo! Oh stretch na! What is't ye are seein'?
 - Cauld, cauld are your feetie, your hans', and your breath:
- Waes me! shrieked the mither, my last pledge is deein',
 - An' madly she gazed on its smilin' in death.
 - Hoo still! an' hoo cauld! It's owre true, it's owre true;
 - Heart-broken an' starvin' I am,-my wee doo.
 - Oh waukna, my laddies, there's nae help to get;
 - Sae crouchin' they whispered—"Is he no come yet?"

Slow dawned the daylicht on poverty's groupin',
An' keen was the blast o' the cauld mornin' air,
An' owre her deid bairnie the mither was stoopin',
An' mutt'rin' the ootcome o' waur than despair.
Owre late cam' the freens, she was past a' relievin',
Love's lamp was expirin', unnourished sae lang,

An' sighin', she breathed oot—"My laddies, I'm leavin',

But bairnie an' I to your faither maun gang.

I'm gaun to the land whaur true freenship excels,

I'm gaun to the hame whaur nae poverty dwells;

My blessin' is wi' ye, but never forget That faither an' mither may welcome ye yet."

THE GUID THIEF

THE gates o' heaven were left ajee,
An' Love crept oot wi' stealthy flicht:
Straucht to the warl' he quick did flee,
An' socht a nook whaur to alicht.

Afore he left his faither's ha',

The cunnin' loon, wi' slee design,

Some jewels stole, syne cam' awa'

To set them whaur they'd brichter shine.

Fu' mony a weary flicht he made,
An' ettled aft to rest his wings;
He jinked 'mang hearts, but nane displayed
Meet warmth for a' his wanderings.

Tired and forlorn, maist in despair,
A cosie spot at last he spied,
Whaur he could dwall for evermair
An' revel in wi' hamely pride.

To mak' this nook his ain abode

He set the gems o' heavenly sheen,

Syne tentily he it bestowed

Within the breist o' my ain Jean.

EXTRACTS FROM "THE WAND'RIN' SCOT"

[Note.—The MS., of which the following poem is but a fractional part, was found secreted in a most unusual place, viz., within the covers of an old Family Bible. Being written in a very peculiar caligraphy, and intensely Scottish, I have, by dint of great exertion, been enabled to decipher and put together the following portions, leaving the remainder to appear on some future occasion, that is to say, provided the work of deciphering is not absolutely insuperable. The opening portion of the poem in the MS. being so much soiled, has prevented its appearance here. However, from stray passages of homely beauty, I can learn that the author must have been a truly nomadic Scot, one of those historical beings who will be found sitting on the North Pole when it is discovered, turning a Newcastle grindstone, and singing cheerily, "My mither ment my auld breeks," &c.]

HIS BIRTH AND YOUTH

Wi' conscious pride the tale I'll tell Scots perseverance can excel.

"UPON ae dark November's morn, Like a'thing else, I, too, was born, In an auld toon o' guid repute, Kent owre the warl' for spinnin' jute !--Nocht marked my advent 'boon the common, Frae ony son o' ordinar' woman; Nae banners waved, nae bells were rung, Nae bulletin the guid news flung, But like an unkent wean o' naught. I o' this life took my first draught, An' ope'd my een an' gazed aroun', An' gae the ever-welcome soun', Wi' voice that made the howdie stare. An' tell't nae siller spoon was there, She, heraldin' wi' rapt'rous joy. This life-start o' mysel'—a boy,— An' broke to the expectant daddie, 'That a' was richt, a thumpin' laddie, A blue-e'ed, roarin', kickin' fellow, Wha yet would live his cares to mellow. Was born to him, an' that he should Like ither faithers be gey prood!'-

That was the time whan a' was canty. Whan the auld nest was lined wi' plenty, Whan Fortune to us was conneckit, Whan 'mang great fouk we were respeckit, Whan weans hame-comin' brocht nae tears. Nor raised the auld fouks' doots an' fears. Whan sons an' dochters ne'er felt want, Nor were o' life's guid things e'er scant. But whan I cam, aweel, 'twas strange, Things in the auld hoose took a change. Fortune, affrichted at my face, In anger scowled, an' took a pace Backward, an' slow, an' syne anither, Till lowsed her grip maist a' thegither, An' girnin' like a withered hag, Her smile was hate, syne she her drag, Wi' mockin' leers, began to screw, Till cursed compression rose to view, Till auld an' young her vengeance tastit, Till what was fair was bleak an' blastit',

Till whaur reigned comfort an' hame-pleasure Was fu' o' sorrow's heapit measure; Till what was licht, was gloomy, dark, Till nocht remained her love to mark: Till parents' tears frae sorrow's well. Bedewed a hame changed to a hell:— O Fortune! ye were unco fickle, Ye steeped my birth in your saut pickle: Tho' hatin' me whan but a wean. Ye micht hae left auld fouk alane, An' no hae boun' their comin' years Wi' frowns that brocht their bitter tears: Far better that they ne'er had kent The feelin' o' your gracious sklent: Far better that they'd ne'er been born, Than feel your back-gaun glance o' scorn :-Wha, wha can paint parental grievin', Whan they the auld hame were a-leavin'? What tongue can tell their sighs an' granes, Atour their strippit, hameless weans,

Whan they frae Fortune's slidd'ry height Were dashed, ance mair the warl' to fight. An' a' unkent by former freens, They, beggared, left their former scenes? An evidence, that rascals can. Bring ruin to an honest man, An' like fierce vultures, tear an rive His toil-hained a', that they micht thrive :--They bankrupts turned, an' gloryin' felt, That ither's fortunes sune wad melt, An' into their paper whirlpools Engulf their owre confidin' fools. Wha saw, whan late, that they were done, That roguery had its triumph won:-Av! av! some rascals weel I ken. Wha pass as business gentlemen, Still smother conscience, tho' their wealth Is based on gross unpunished stealth— A stealth—that wad e'en Sawtan shame! A stealth—that drave us frae a hame!

A stealth—that garred a mither greet! A stealth—that made life's wreck complete! — O for ae brand frae Sawtan's den, To scaud thae heartless, vampire men. What joy wad fill thae een o' mine (I'd deem the pleasure maist divine), To see Auld Nick thae wreckers spit, Whan they frae earth inglorious flit, An' swing them roun' an' roun' his heid, Syne fling them whaur 'tis het indeed-Whaur nane daur ettle them to save, Whaur they wad get waur than they gave: Then wad my voice ring thro' the gloom, Ecstatic owre their weel-earned doom. I'd shout, an' nocht my tongue wad hold, "You're frizzin' noo, 'mang molten gold."

The auld fouk struggled, trachled, focht, On poortith's edge—they us upbrocht,

Be mine, for Time, this truth to tell, To feed their weans they'd want themsel': It ave ga'e joy unto my mither To mend an' haud oor duds thegither: Wi' toom-pouch tears she aft wad greet To see her bairnies' hackit feet: An' whan in winter's nicht oor hame Was cheered wi' nae heart-warmin' flame. We a' aroun' her close wad draw, While she wad soothe oor pains awa:-O could I croon thy agéd brow, My mither! for maist worthy thou To bear earth's fairest diadem. Whaur ev'ry jewel, ev'ry gem, Dazzlin' an' bricht, pours forth a stream O' licht, whase far-extendin' gleam Bears a' immortal in ilk ray These glorious words, bricht as the day-"Behold she is a real mither." This, could I do, I'd joy for ever .--

· Thus on for years I wildly grew A rough plant fed by poortith's dew; Upon my heid a braid Scots bannet, Wi' ae red toorie centred on it; Upon my back a ticht wee jacket, That at the elbucks aye was nicket, An' on the richt cuff bore a splairge— The napkin for my nostril's verge, While roun' ae shouther gaed ae string, Frae whase looped ends my breeks did hing, That wafflin', roomy, to ilk breeze, Aye kept me cool frae wame to knees; Ahint, my signal o' distress, In strippit sark-tail—hoots! juist guess;— An' on my feet for days thegither I wore auld Natur's primal leather Whase soles an' uppers bore a' hackin', Whaur water did for Warren's blackin', Feent haet I cared tho' rinnin' duddie. I stood in a' a real Scotch laddie!

Aweel, they sent me to the schule, To keep me frae bein' stamped a snool. An' get eneuch o' education To fit me for some ord'nar' station: Sae I, to guard them frae a loss, Maist learned a' thing I cam across. To learn ne'er ga'e me much distress. To mind it ga'e a hantle less. An' tho' o' books I had nae store, I mastered maist oor Scottish lore-The mighty deeds o' warrior men, The onslaughts o' oor Hielanmen, The victories that Wallace gained, Whan Freedom's lamp expirin' waned, Whan Bruce triumphant o'er his foes, Freed Scotland frae a.tyrant's woes; The bluid-stained fields at hame, afar, That Scotsmen swept in Vict'ry's car, Wi' rugged, doure determination, That marks the smeddum o' oor nation:— An' a' the great deeds Scotsmen's dune In ilka clime beneath the sun: Auld Scotland's history I nursed, An' deem mysel' in it weel versed:-Auld languages I was na great in, Tho' fegs, I pu'd the fringe o' Latin; Wi' superficial, scrimpit measure, I gat the length o' conqu'rin' Cæsar, Whan mumblin' words like, "Roman legions," "Gallia," an' "Aquitanic regions," Passed current as a classic knowledge To grace an entry into college; 'Tis noo that I wi' pain regret That I sae soon to wark was set, For then the licht was juist beginnin' To show the weeds that wantit thinnin':-My sinews braced wi' guid meal brose Gae youth a base that firmly rose Into a chiel', strong-baned an' braid, An' fit to master ony trade."

AS A TRAMP

"Wi' mony qualms o' inward strife,
Wi' great desire o' seein' life;
Wi' poignant dreams that I'd be nocht
Gin I remained at hame an' wrocht;
Wi' ae fixed aim, wi' ae desire,
That I wad fa' or rise the higher;
To a' parental words disloyal,
I was resolved to gie't a trial;
Sae, wi' my bundle a' in order,
I cut my stick an' owre the Border.
O' siller I had ocht but plenty,
An' trade was dull an' jobs were scanty,
An' sae to mony a toon I gaed,
Until Hope's licht began to fade,

Until my mind was on the rack, Until I thocht on crawlin' back, Until Reflection's bitter load Made ae mile twa on ilka road. I needna tell the various toons I staid in, on job-seekin' roun's; I'll tell ye o' some honest deeds I've dune, to meet my common needs, Altho' there's some I daurna name, The thinkin' on them gi'es me shame; What could I do, I had nae freens, The end sae justified the means; Whan scant o' cash, an' poochie bare, My bed has aften been a stair, The bundle o' my dirty claes Did double duties that days;-I've slept wi' sodgers, boosed wi' sinners, An' wi' gleg thieves I 've ha'en free dinners; I've sung sometimes upon the street, An' thankfu' raised what brocht me meat.

Whan Scotch I thrummed, 'twas liket best. The bawbees then wad come gey fast !-The joys o' preachin' I hae tastit. It paid me best as lang's it lastit. [Tho' reg'lar parsons are a class Wha seldom siller e'er amass. 'Deed Christians think they are weel paid Whan scant o' cash an' claes they 're made;— Some duffers are big sal'ries reapin', An' fatt'nin' aff an ill-earned steepen', Dull, chanter-dronin', sing-sang nowte Wha poopit soporifics rowte An' prig their sermons frae the ithers Wha shine as ill-paid, better brithers. 'Deed those wi' mediocre brains. Aft get a thoosan' for their pains, While Merit's power, an' worth, an' soul, Maun tak a sair-screwed pauper's dole; Men wha adorn their mater college, An' are profound in scriptur' knowledge,

An' wha possess the talent rare O' gi'en to hearin' fouk a share; An' wha are fu' o' eloquence, Are valued by their quarter's pence !-O Scotland, blush wi' shame, for shure Ye keep your brichtest pillars puir; Your guards frae Popery's seduction, Ye surely think maun live on suction. Wi' you, proved merit ne'er commands The siller-justice it demands. For shame! ye soulless congregations, To gie guid preachers sic donations. Ye'll tell their fauts, ye'll gie them blame, But salary ye'll never name, Your Sunday face will gape an' gant, But ne'er ve'll think they 're siller-scant. Your fossil elders tae wad stare Gin ane proposed a hunder mair, An' quote wi' sneer-upturnin' lip, 'They maunna hae a purse or scrip,

Plain meat (nae drink), ae suit a year, Is a' he needs! he needna fear Starvation for his weans an' wife, Twa hunder is eneuch for life! Certes! 'twad lead him to the deevil For siller is the root o' evil!'— Preachers may preach, they'll ne'er be wiser, Sic flinty hearts wad shame a miser. Hark! ministers! whan ye read this Deem na my wee remarks amiss, Ere ye can get your status righted, Ye maun indeed be a' united. Or better still, noo gin ye like, Join for ae month, an' try a strike! Fegs, whan I get on this profession, I'm sure to mak a thrawn digression.] Aft in the centre o' a crood, I hae held forth on a' that 's guid, A gushin' prayer I could run aff, An', O! as weel as ony cauff,

Whane'er I saw occasion meet. I, by volition, aft wad greet, An' to the weight o' truth succumb, An' hearers show I was owrecome: Ay, mony a ane I hae convertit, An' Sawtan's neck-grip deftly thwartit. I 've wrocht upon the sin case-hardened, Until they felt themsel's sin-pardoned, Until they prayed, an' prayin' sang That they nae mair wad do ocht wrang;-Thae were the times o' payin' charms, Whan auld wives took me in their arms, An' vowed I was an earthly saunt, Endowed wi' powers to saften flint; Ilk door was open to receive me, Excess o' kindness maist did grieve me, Their douce guidmen wi' them were naething I was their darlin' preachin' plaything:-O happy days! whan I a stranger, Lived without toil at heck-an-manger:

Sic didna suit my disposition, I was a prev to heart-contrition. Sae took my leave, an' aff I set. But ne'er can thae dear fouk forget: O' this I'm sure, I did some guid, As witnessed by their gratitude:-Thus minglin' wi' earth's puirest creatur's. I closely watched their human natures, I marked the chords that reached their hearts. I marked their vulnerable parts, I marked their sorrows an' their joys, What decks their virtue, what destroys; I 've marked their tales o' want an' hunger, An' seen their justly risin' anger; I 've marked their views an' queer opinions Aboot gowd-scrapin' master minions; This treasure-knowledge, that I gained Whan' mang the puir I ne'er disdained To live, by force o' circumstances, An' save mysel' frae trades' mischances;—

Noo mony a weary mile I tramped Wi' courage that was aften damped, Dry bread an' water aft my fare. That sweet content are mellowed mair; A bit an' sup I aften got, Tho' ootna o' my ain kail pot; 'Neath mony a hedge I 've lain at nicht, An' watched the pale moon's dreamy licht Steal owre the hill-taps an' the fields, Till they shone a', like siller shields, While a' the subject stars appeared An' louped wi' joy as she careered ;-Then wad the nicht-win's gentle sighin' An' a' nicht's eerie shadows flyin'. Gar future prospects supervene, Until the tears cam' tae my een: Aft wad I think, an' unco sair, That my puir sel' was blastit bare, That I was destined to be nocht, An' that my life wad be sair focht,

Then wad wild Fancy upward wing. Then wad my ears upbraidin' ring, Then, then as conscience wad upbraid, I thocht, I thocht my mither prayed, For her stravaigin', errant son, Wha that nicht lay upon the grun'. Syne a' owrecome I soundly slept, While moon an' stars their vigils kept;-Ae morn I rose frae grass-bed nap Just as the sun cuist his nicht cap, My freen, the moon, drew on her mutch, And cuist her auld hide on her couch, Syne drew her sma'-licht train ahint her, While her guidman did peepin' sklent her Wi' looks o' love frae his bricht een. That followed fast whaur she had been :-I up, an' aff my cauld, damp broo, I wiped the beads o' heavenly dew, An' louped, an' shook mysel' thegither, Determined noo, I'd nae mair swither,

But at the neist toon fegs I wad, Gin wark ava was to be had, Jog on an' save as much as be My passage-siller owre the sea."

AS AN EMIGRANT

"'TWAS as an Emigrant I gaed,
An' three pounds fifteen doon I paid
For transit owre the wat'ry deep,
Inclusive o' my, bunk an' keep;—
Keep, did I say? 'twas grumphies' food,By some commiss'ner chiels allowed,
Whase itchin' loofs the palm-oil greased,
An' justice' chidin's a' appeased;
They ply their wark 'neath red-tape screen,
Haud oot ae han' an' shut their een:—
Here pork in rottenness excelled,
That e'en themsel's wad hae repelled,

Sae green, sae stringy, flobby, fatty, Made in some place ca'd Cincinnati; Here beef, mahogany-like an' hard, Wad hae disgraced a tanner's yard, The great antithesis to tender, A teeger couldna pu't asunder, Had it been sawn in pieces braid, A new veneer it wad hae made-I've seen on side-board doors far worse Than samples hacked frae oor saut horse;— Here clammy biscuits fu' o' weevils. Wad scunnert e'en earth's puirest deevils,— Whane'er ye broke ane, sure ye saw Decay's threads held the pieces a';-Here flour, that brings ane dumplin' charms, Was fu' o' mites an' wrigglin' worms, An' felt like movin' sand to grip. An' acrid tastit on the lip;— An' here aitmeal, my voyage trust, Was little else than gran'ry dust,

Unfit to mak me brose or dramach An' wad hae turned an ostrich stamach;-Shade o' Scots aits! that aince was corn. I gazed upon thy ghost, forlorn; Doon fell my mou', the saut tear startit, An' thro' my stamach swiftly dartit A feelin' that its lawfu' use. Wi' this stuff in 't, wad gripes produce, An' that its functions wad be shocked Gin I its services sae mocked:-My auld bane spoon! Fareweel, fareweel, Nae bastard parritch shall ve feel. I'll ne'er disgrace your bonnie sel', For bygane memories excel. I'll put ye bye, wi' muckle pain, Till parritch days shall come again. This was the food we gat aboard By soulless chiels approvin' word; This was the Emigration Scale, To haud the emigrants a' hale,

Unshipped on some far distant strand, A scurvy-lookin,' hungered band!"

HIS FELLOW-PASSENGERS

"THE passengers four hunder strong,
O' male an' female, auld an' young,
Cam' frae some lan' ca'd Tipperary,
An' swore eternally by Mary;
Their unkent language was revealin'
The Gaelic, Ach! observed in Hielan';
Their garb was coats o' furzy frieze,
An' fashioned maist for room an' ease,
Or haudin' kinsmen by the thoosan',
Wha openly were sweetly dozin,'
Or marchin', mountin', snigglin', seekin'
A hotch, gey sair in want o' smeekin';
An' sae I thocht as a' gaed hitchin',
That they were cursed wi' plague Egyptian,

(Nae wunner that hard Pharaoh's sodgers Rebelled, whan they saw siccan lodgers). The men were haggard, fierce, an' wild, Betok'nin' that on bluid they smiled, A discontented Fenian lot, Wha hint the hedge aft landlords shot, Far kent as Boys, but boys o' Hades Were they untamed an' savage Paddies: An' wha, ere we were weel at sea, Owre aften showed that they were free, Gey prone to mak' or pick a faut, ' That they micht gie some scaup a claut, Wi' their bit sticks ca'd rale shillelaghs, Maist borne by thae wud towsie fellows;-I here declare this foul ship bore O' Scotland's sons nae mair than four— Twa Hielan'men, MacGillivrays, Strong, burly chiels, oor hills can raise; A Border Hogg, in Selkirk bred, Wha seemed a rovin' slater blade.

We (clannish like) a' bunked thegither,
An' fed an' felt for ane anither,
An' a' resolved to show oor mettle
Should ony Paddy ever ettle
A Scots scaup treach'rously to claw;
Oor motto was, 'Touch ane, touch a'.'
Fu' weel we saw Pat mischief meant,
For whan in groups they 'd on us sklent
A hideous, demon-lookin' scowl,
Or gae a hyaenaic growl.

• The owrecome o' oor great misdeeds, Was that we didna fumble beads, Or mutter saunts' names by the score, Or ca' on Mary whan we swore;— Religious enmity was brewin', An' bent on oor sma' pleasure's ruin:— Aft whan we gaed into the galley, They'd on oor puir grub mak' a sally, They stole oor pans whan boilin' beef, Oor pork an' pease wad come to grief;

They stole oor washy mornin' tea, An' wi' oor biscuits made owre free: An' tho' we aft wad glegly watch. The thievin' hounds we couldna catch: They'd gather roun' us an' declare That nane o' them 'wad stale a hair!' Had we sic honest chiels insultit. I'm sure that murder wad resultit: For three weeks, to oor muckle grievin', They prigged the feck o' oor puir leevin', An' yet, in midst o' this distress, The Captain gae us nae redress (A doon-east, snivellin', shell-back skipper, Was chief o' this infernal clipper) ;— But cam the mornin' that we dreadit, Whan Scots bluid roused, Scots valour needit!"

MIKE

"AMANG thae Paddies was a chiel,
Wha seemed to be their movin' deil;
Nocht else we kent him by than Mike,
A murd'rous lookin', growlin' tyke.
Lang had we marked his ev'ry action,
As leader o' the thievin' faction;
Lang had we heard his eggin' word,
That to foul tricks the ithers stirred.

An' sae we stamped him as the chief
O' them wha wrocht us a' the grief;—
An auld hat on his heid was placed,
That aince some tattie field had graced;
Beneath it, hair o' reddish hue,
Frae een to nape luxuriant grew;
Frae 'neath its rim ae guid e'e glared,
Its neebor micht hae weel been spared,
Sichtless it peered, or lowin' shone,
Maist like a polished cairngorm stone;

It glittered wild whan anger reamed, An' wi' demoniac fierceness gleamed :-His nose, that Natur' weel had hained, A parabolic curve maintained, An' frae its skyward pointin' tip, 'Twas inches twa to joint o' lip; Twa lips, gey thin an' aye compressed, Whase ends his ears wi' love caressed ;-A three-inch chin, square-baned an' braid, Wi' stubble red hair a' arrayed, Protrudit'neath his cavern mou', Whase gape was terrible to view. E'en as I write, I truly think That he was Darwin's "missin' link." This was the chiel wha stood their leader. An' o' a' din the soul an' breeder!"

CASUS BELLI

"AE Friday mornin' (fatal day) I to the galley took my way. A borrowed saucepan, made o' tin, My pork an' split pease held within. Lang was it to the dinner oor, But yet I thocht, I wad mak sure, An' hae it cooked amang the first, For Paddy that day had his burst, An' wadna fyle his mou' wi' beef, Sae parritch food was that day chief;— A hauf o' dizzen clubbed their meal. Syne in some double-dutied pail, They mixed the lot, an' to the galley, In famished hordes wad mak' a sally; Then pails o' parritch covered a' The red-het tap plate, in a raw. . Paddy was then a steerin' fellow, An' parritch clung to each shillelagh,

Steerin', sweatin', roarin', bustlin', Ilk wi' parritch rinnin', jostlin': Thus were they a' gey hard at work, As I crapt in to boil my pork. I took a hurried timid scan. An' marked a neuk for my bit pan, Then pushed ae pail, an' in it squeezed, But Mike was there, an' wasna pleased, Sae wi' an unknown aith he swore. An' banged my saucepan on the floor. I took it up again, gey quiet, For fear o' ha'en an Irish riot; Aince mair I placed it on to boil, But Mike resolved my pork to spoil; Then wi' an aith and fiendish look, My saucepan in his han' he took, Doon on the floor it dirlin' flew, Aff gaed the lid, an' there to view My sav'ry mess o' pork and pease, That set Mike's Friday thochts a-bleeze:-

'Hooroo, boys! luik! a Froiday dog! Owhoo! ah! hoult! the dirty hog! Out wid him! Houly Mary, look! He wants on Froiday mate to cook! Get out wid ye, ye spalpeen voile! An' don't our parridge pails befoyle. Out wid ye now! yer mate is curs't, Yer betthers must be sarvéd furst!' The lave a' howled, my pork they spurned, Mike's guid e'e glared, the ither burned; Syne slowly liftin' up my pan, I grippt it firmer in my han', An' looked at Mike, but spak nae word, My birse was up, my deevil stirred, Roun' in the air my saucepan flashed, An' full in Mike's vile chafts it crashed: Gey straucht my lump o' pork did flee, An' struck his Polyphemic e'e, To hat an' hair the pea bree clung, An' to his frieze coat clammy hung;

The split pease, thick as herrin' scales, Stuck to his breist like brazen nails. Thus blindit wi' the porcine bree, He vainly made a grab at me; Owre nimble I oot at the door, Then high arose tumultuous roar!"

THE FIGHT

It was a dreadful day.

"ALONG the deck I swiftly sped,
While sticks an' spuds flew roun' my head,
Ae glance I owre my shouther cast,
An' saw blin' Mike was comin' fast,
An' efter him a yellin' crood,
O' irate Paddies keen for blood:—
Roun' whaur the second cabin endit,
An' whaur the main-hatch stair descendit,

Whaur decks were broad, whaur a' could see. Determined I to fecht or dee:-'Tween decks it wadna dune to quarrel, Sae I cow'red doon ahint a barrel. An' jist as Mike cam rinnin' roun'. I gae'm a kick that brocht him doon:-His henchman's nose my left han' met Wi' impact that he'll ne'er forget; Stood I noo by the rules o' sparrin', Then, then began this dreadfu' warrin';-Aroun', ahint, shillelaghs flew, I dodged, syne struck, an' baulder grew. As Paddy dauntless ventured near, His visit cost him unco dear: Like lichtnin' flew my fist o' iron. He reels, he draps, some sense to learn. They gathered fast, an' louder bawled Whan they saw kinsmen sairly mauled. They rushed, they pushed, wi' mony a vell, Like fizzin' fiends new frae hell.

Ae blow that wad hae drapt a bull, An ugly dent made in my skull, I staggered, reeled, yet struck gey hard, Anither doon, did me reward. Hope in my breist was fa'in', sinkin', My een grew wat'ry like, an' blinkin', Whan maist owrecome, wi' this melee. O joy! here bounds oor ither three :-Hope lived again, an' roosed my heart, My steadyin' blows did steadier dart : Thro' Irish foes they cleared their way. Quick by my side, keen for the fray, They stood, an' wi' a real Hurra'! We focht the startled foemen a'.— Wi' back to back an' feet secure. An' room for han's to gie a clour, A square o' four we Scots presentit, An a' their wild attacks resentit; We clenched oor fists an deftly hit. An' sure a foeman timmer bit,

Then flew straucht-frae-the-shouther raps, An Paddies fell like thistle taps, Wi' gleg een fixed upon oor foes, We dealt oor Scottish-tellin' blows. That aft some countenances spoiled, Till Paddy stagg'rin', back recoiled. Here optic wark was sune begun, An' dentists' jobs were quickly done, Artistic paintin' here was seen, Cerulean hues adornin' een: Here chafts were twistit, lips were slit Wi' mony a dreadfu' hammer-hit; E'en tongues were halved wi' fa'in' jaws, As blows collapsed their yieldin' wa's; Scots nieves in anger left a token, In bridges o' some noses broken. Ten Paddies on the deck lay moanin', While ithers in the rear were groanin'; Some had a kink gi'en to their necks, Some spat their teeth upon the decks,

Some held their een an' some their mou's. An' some were feelin' for their bruise:-Then Mike, still keen to try the strife, Tho' on his knees, drew forth a knife. We saw the glitt'rin', shinin' blade. An sae my boot ae blow essayed; It missed his arm, but touched his jaw, An' doon he drapt nae mair to craw; Vengeance he vowed frae ae e'e looks, Speechless, his mou' was like a fluke's ;-Their "jin'ral" doon, the lave retreated, An' snooled awa, owrecome, defeated. Shillelaghs canna vict'ry claim Whan Scottish valour is aflame! Sing not o' deeds afore auld Troy, This far excelled the Trojan ploy-Whaur horse-tail plumed an' valiant Greeks Focht wi' their faes in brazen breeks. An' took ten years wi' mickle power To capture Priam's wee bit tower,

Nae bigger than a border keep, That reivers built to haud their sheep;— An' a' for what? Because a dame Thocht fit to mak a change o' hame. The haill affair is maistly myth, An' shows blin' Homer's peerless pith, An' gowden-micht o' epic-skill That nane has matched, nor ever will ;— Wi' us, a ship on Western Ocean, An' on its decks a fierce commotion, Wild Irishmen in vellin' hordes, Wi' blackthorn sticks in lieu o' swords. An' fired wi' hate, o' hate the warst Wi' which humanity is curst, Religious hate, that awns nae reins, An' gi'es to earth its foulest stains! Their shouts, by sea-breeze borne afar, · Proclaimed a timmer-fochten war! Against them four o', Scotland's thistles ·Wha nieve-armed, pricked Hibernian gristles, An' wha ancestral valour bore,
Reca'in' bluidy days o' yore.
Stood they, like their ain mountain rocks,
An' conqu'rin' baffled Paddies' shocks!—
Come, muses! come! be mine to sing
The victory Scots nieves did bring;
Far as the win' blaws, be it known,
That Scotsmen aye can haud their own;
Sae true it is sic scenes hae proved
That Scotsmen are revered, an' loved;
At hame, abroad, e'en on the sea,
Oor native valour bears the gree!"

Here the MS. becomes difficult to decipher.

A DRUNKARD'S SATURDAY NIGHT

Their drinking habits mock their useful toil,

Destroy life's joys, and wretchedness secure;

The devil laughs with his sardonic smile,

And glories in the annals of such poor.

STERN Labour's sax-day course was run again,
An' a' its grimy mansions silent lay;
Nae steam-made epics roared their lood refrain,
Nae murky toilers hameward took their way;
The sweet cessation stilled their weekly fray:
Sae noo, clean-washed an' snod, they seek the
toon—

Wi' something in their pouch cribbed aff their pay,
That they may toil wi' social pleasure croon,
Or wi' their cronies stan' the drinkin'-freenship
roun'.

In varied, kindred groups they smilin' meet,
An' tell the weekly ferlies o' their trade;
Till, tired paradin' up the lichtit street,
They seek the howff that they their ain hae made,
An' whaur their greatnesses they've aft displayed
In free discussions on a' public themes;
Ilk argument, washed doon wi' whisky's aid,
Becomes convincin', as ilk speaker deems
Himsel' to be endowed wi' best perception's gleams.

An' aft they'll dwall upon their fancied wrangs—
Syne droon their anger in anither glass,
An' wi' denunciation's fiercest stangs
They'll rail against the graspin' master class,
Whase only aim is aye to mak' the brass,
Unheedfu' o' oorsels, wha are the bane
An' sinew o' the fortins they amass;
Oor wives an' weans we unco ill maintain,
For oor puir nebs are kept screwed doon to life's grunstane.

Wi' sic like cracks, swift fly the boosin' hours,

Until their siller noo is maistly dune—

Until their moral worth, 'neath whisky's

powers,

To rodomontine stage has clean begun;
For keen antagonism's het, gabbin' fun,
That looder, wilder, higher yet ascends,
Noo fills the biggin' wi' its deaf'nin' stun,
An' maks them social fools, wha erst were
friends,

Whase Saturday nicht spleen the flimsy freenship rends.

The landlord, big-wamed, irate, erubose,
Noo enters, pourin' forth ejection's threat;
He kens their siller safely doth repose
Within his till: nae mair has he to get.
They scarce could raise anither roun' to whet
The fiery dryness o' their thirsty drouth,

Or gie their swellin' tongues ae ither wet;
Sae Boniface, wi' etiquette uncouth,
Shows them his damnèd door, while chucklin' o'er
their ruth

Ilk stagg'rin' seeks his devious, hameward way,

Thro' the shop-closed an' gas-lamp lichtit street;

Ilk clock's chime ushers in the sacred day—

The dark policeman strides his silent beat,

An' marks the vile Corinthians' retreat,

As he their yawnin', hell-mouth alley nears,

That hides the loathsome denizens whose feet

Seek their foul hames, whase upas-blightin' rears

Oor leprous, blackened stain, that a' unchecked careers.

Mark we noo ane, late o' the social throng,

Whase maudlin' state maks him to ocht a prey;

The blue-shot drink fires up his passions strong—

That 'neath lewd blandishment's o'erpourin' sway

Burst their weak bands an' seek Destruction's way.

See! who is she that grasps his helpless arm,

An' whispers in his ear? What! Fiends say!

With glarin' een she marks yon watchman's form,

An' coaxin' drags the sot, a' powerless, 'neath her charm!

Doon, doon the fætid alley, see she leads

Her reelin' victim, Husband! Faither! Man!

Cimmerian darkness hides her blackest deeds,

An' unashamed she weaves her brutal ban';

Syne gloatin', glories in her skill that can

Entrap a helpless drunkard, bent on hame,

Whase sweat-stamped cash she ettles to trepan,

A' heedless o' the wants that ithers claim—

A bairnie's shoeless feet, or mither's burnin' shame.

Let Fancy fly unto a waitin' wife—
Behold her sittin' owre the fire alone;

The hoose is still. Ah! she is fu' o' strife;

Her eldest dochter Meggie, "woman grown,"

Is no hame yet—ae Sabbath 'oor has flown;

The faither tae is oot. Whaur are they baith?

Her bonnie Meg to evil wasna prone;

To dread the contrar' the lane mither's laith—

Ay! gin she kent the truth, 'twad be her blow o' death.

Meg was a sonsy lass, an' middlin' fair,
An' aye had been the mither's, faither's joy,
Tho' he his bad examples didna spare,
Unthinkin' that they wad his bairn destroy,
An' be to her, her ruin's sure decoy;
At antrin times Meg lateish oot wad bide,
An' kent to nane the time she wad employ
Within a music-hall, a wheen beside
Wha had nae sense o' shame, or love for virtue's
pride.

The seeds o' ruin lay within her breast—
Her virtue fell before the temptin' bait;
An' timid Meggie grew as bauld's the rest—
For love o' geegaws did desire create,
That she the ithers weel micht emulate.
Ah! little wist her mither Meggie's fa';
Her bonnie Meg, gaun doon to lowest state,
Stood brandit as an equal amang a'
Wha ply a trade o' sin that is oor country's ga'.

As the insidious hoar-frost nips the flow'r
An' dims its peerless beauty in a night,
Sae Meggie, tarnished 'neath sin's with'rin' pow'r,
Bore the strange impress o' the fell heart-blight,
Fast spreadin' o'er her soul wi' deadly might—
Steelin' her conscience to the cheep o' doom.
Surely she sought in ilk returnin' night
The fleetin' pleasures o' the sweets o' gloom
That slowly lured her on to an untimely tomb.

The ither younger weans are a' in bed—
The sabbin' mither haps them a' wi' care;
The hamely food is on the table spread—
She, list'nin', waits in anguish o' despair;
For husband, dochter, breathes a silent prayer.
Nae footfa' yet she hears upon the street;
Aft tae the door she'll gang, an' wildly stare,
Unkennin' what to do, her ain to meet,
She'll turn wi' sinkin' heart, an' sair her sorrows
greet.

Whaur is the faither? whaur the primal source
O' a' this grief—this death o' happiness?
Behold! he follows her, wi' muttered curse,
Up you decayin' stair o' filthiness,
'Mid vilest gloom o' sin-wrapt gloominess.
Wi' unrelaxin' grip she holds him tight,
For flickrin' gleams o' dawnin' consciousness
Shoot thro' his soul wi' their sad, chidin' light,
An'whisper, "Faither, turn! forget na hame to-night."

A door is ope'd! half-dragged into a den, Whaur caunels twa a sickly licht diffuse,

He sees fierce women an' drink-sodden men, In a' that devilry-on-earth pursues.

They welcome him wi' fiendish jests profuse:—

See! he repels his captor's foul embrace.

That voice! He starts! an' there, in madness, views

A form. 'Tis she! O God! his Meggie's face, Wha wi' ae lang wild shriek flies frae the cursed place.

The grief-struck, drink-dazed faither follows fast,

Owrecome wi' frenzied agonies o' hate
O' his puir sel', noo broken 'neath the blast
O' sorrow, for his darlin' Meggie's fate—
Streetward he runs, but a' too late, too late!
Nae lassie's there fu' o' contrition's tears:

Nae pleadin' een his sair upbraidin's wait.

Whaur has she gane? Nae Meggie noo appears,
An' hame he tremblin' seeks, owrecome wi' guilty
fears.

Silent, alane, the broodin' mither sits

Startin', she kens his footfa' on the street—

While owre her face a bodin' shadow flits;

She ope's the door, wi' couthie welcome meet,

For weel she sees drink's in his wisdom seat;

He sinks intae a chair, an' rubs his broo,

An' groans, "Gudewife, oor misery's complete;

Has Meg come hame? No! Whaur's my bonnie doo?

O Meggie, Meggie! Come! this nicht I'd dee for you!"

Wi' blanchèd cheek, the startled mither wrung

Her frigid hands, in frenzy's sudden mood—

While grief unnerved her fear-contractin' tongue,

An' motionless, she gaspin', starin', stood,

Till wi' some mighty impulse, unsubdued,

Her love maternal burst, in shriekin' yell—

"Gudeman! what's wrang?" "Wrang! Wife,

Meg's tint to good."

"Meggie, my bairn! Meggie I've lo'ed sae well," An' wailin' "Meggie's gane," doon on the floor she fell.

Ay, whaur was Meg? Go ask yon river, there—
The faither's sin o'ercame her guilty soul,
An' blacker seemed than e'en her own despair,
Which maddened, reason's rudder swiftly stole,
An' lured her to Oblivion's happy goal.
Wi' maniac feet, puir Meggie sought relief—
Ae cry, ae loup—see hoo the wavelets roll
Wi' kindly cuddlin's, for a life too brief
Has left its scene o' sin, wi' its attendant grief.

"From scenes like these" oor social evils spring, An' mak oor paupered hames, oor tales o' woe; E'en gie to cash (that else wad comforts bring)

The influence that stems fair virtue's flow,

An' keeps the drinkin' toiler, starvin', low;

Aye fill the Puir's Hoose wi' the storied crood,

Oor streets wi' those ootcasts wha live to blow

Their baneful Siroc o'er the bloom o' good,

Which fadin' 'neath the blast appeals to Heaven

alood:—

O Heaven! if e'er Thy justice-metein' rod,
Or thunderbolts o' wrath are launchèd forth
(In the deep anger o' an outraged God)
Upon a sin-blind, hardened son o' earth,
Do Thou, to those devoid o' Nature's worth,
An' wha parental sanctity forsake,
An' rear in sin-example frae their birth
Their tender weans (wha follow in their wake),
Show that Thy vengeance will them terribly o'er-

take.

•

SONGS.

BAIRNIE IS NAE MAIR

OH, say na that my bairnie's dead—
It canna, canna be;
Oh, say na that the licht is fled
Frae oot his bonnie e'e.

A beam frae heaven, a love-born ray,
To lichten ilka care,
Was he to me, sae dinna say
My bairnie is nae mair.

I watched him nichts, I watched him days,A' sleep my een had left;Fell sorrow noo my heart doonweighs—O' hope amaist I'm reft.

Say na the best aye soonest dee,
Sic words I weel can spare;
Haud aff! nae comfort can ye gi'e
Gin bairnie is nae mair.

Awa'! awa'! he's sleepin' yet—
The smile is on his mou';
Sleep on, my dautie, lammie pet—
I kiss again your broo.
Hoo cauld! hoo cauld!—he is na weel,
Nae warmth his feetie bear;
A', a' is cauld—O God! I feel
My bairnie is nae mair!

He winna wake! he'll no come back,

He winna greet again;

Oh, hoo could Death the love-links brak',

That boun' me to my wean?

Love-gems like thee, my angel sweet,
Kind Heaven ill can spare;
I'll live to dee, that I may meet
My bairnie yet ance mair.

Wheesht! wheesht! speak laigh! I think I hear
The voice that charmed my heart;
Wheesht! wheesht! it's fause, it's nocht—I fear
'Tis Fancy's bitter pairt;
The win' the nicht is fu' o' pain,
An' soughin' unco sair,
To be whaur bairnie is I'm fain,
Unpairtit evermair.

JEAN AN' THE WEANS

My Jean an' the weans are the licht o' my hame, Her smile an' their daffin is a'—o' a';

The fechtin' in life for a gowd-seekin' fame,
Is naething anent them ava—ah na.

Their cuddlin's o' love, an' their rompin's o' joy,

Their bricht lauchin' een fu' o' glee,—sae slee, Gi'e life's licht a glint that a deil wad enjoy,

An' think he 's in heaven a wee,-like me.

I envy na wealth, nor its soul-blightin' stains.

I'm glamoured wi' nae mammon craze, or daze.

Just gi'e me my Jean, an' my love-lowin' weans,

An' I'll be content a' my days,—a'ways.

Pride mounts in my breist on affection's soft wing,

An' licht beats my heart 'neath its care,—tho' sair,

As they roun' their mither sae couthielie cling,— Bricht jewels o' love, unco rare,—to wear.

Life's wark may be dreich, but I feel it is blest:

Hets! wha wadna toil wi' delicht,—an' micht?

When doos like my ain flutter roun' oor hame nest.

An' mak the bit ingle sae bricht,—at nicht.

I envy na wealth, nor its soul-blightin' stains, &c.

The coof wha believes angels' visits are few,

Is nocht but a tapetless loon,—I'd droon:

His wee smilin' weanies are angels, I troo,

To mellow life's fecht, frae aboon,—sent doon.

Tho' clouds o' misfortune should darken my skies,
Tho' poverty's winter should fa',—an' blaw,
Wi' Jean an' the weans, up my soul wad arise,
An' feel it had riches 'boon a',—for a'.

Sae gie me my Jean an' the life-deckin' weans,

Whase smilin's like sunbeams aye shine,—benign.

Then tak' ye the wealth that my heart e'en disdains,

I triumph, for bliss aye is mine,—divine.

'TWAS JEAN'S CURLY POW AN' BLACK E'E

It 's strange hoo a sma' thing is aft
The makin' or marrin' o' man,
E'en a look whan tender an' saft
Will life's current deftly trepan.
We a' look wi' pleasure or pain
To moments that cheenged us awee;
We a' ha'e some dates that remain,
Seared deeply in thocht's quiv'rin' e'e.
Sae I, like the lave, ha'e a date,
A date I'll min' weel till I dee,
'Twas whan I saw—fegs but I'm blate—
My Jean's curly pow an' black e'e.

Weel, weel dae I min' their first glint,
Nae what is ca'd flashin's o' fire—
Whase piercin's sune lose the heart tint,
Syne cauldness is left to admire.
'Twas faith throned in deep-seatit calm,
That ripens an' strengthens wi' age,
'Twas sympathy's heart-sweetened balm,
That can ilka sorrow ass uage.
Sae I, like the lave, ha'e a date, &c.

My heart ga'e a fouth o' dreich swirls,
An' something kept whisp'rin' to me—
"Man, Will! there's a head 'neath the curls
To keep life frae waggin' ajee."
My cheeks bore a heart-wishin' tinge,
My tongue felt her innocent micht,
She thocht na that she was the hinge
On which I was turnin' that nicht.
Sae I, like the lave, ha'e a date, &c.

Aweel, I felt laith to betray

The shog to my heart she had gi'en,

Ye'll think I'm a coof whan I say

My owrecome cam oot at my een.

I awn I was deftly dung owre,

I awn I felt a' oot o' joint,


I awn it was some kindly pow'r

That brocht me this gleg turnin' point.

Sae I, like the lave, ha'e a date, &c.

I ne'er ha'e ha'en cause to regret
(The lassie noo aft says the same)
The moment in life whan I met
The bliss-bringin' licht o' my hame.
Ye'll see noo hoo aften sma' things
Can destinies build or destroy,
The thocht o' their shapin' upbrings
The date o' your sorrow or joy.
Sae I, like the lave, ha'e a date, &c.

BE KIND TO THE AULD FOLK



- Be kind to auld fouk for the years that are o'er them, Ne'er lat cruel feelin' time's winter increase,
- Youth glorious seems whan wi' rev'rence afore them They couthielie gi'e to them moments o' peace.
- Oh, wha wad forget them tho' life is fast wanin'?
 Oh, wha wad be dour wi' a white shakin' pow?
- Oh, wha wadna gie them the balm o' sustainin',

 In kindness that lichtens a time-furrowed brow?
- Be kind to the auld fouk tho' time-worn an' hoary, Tho' freshness o' beauty maist frae them has passed,
- Still gran' in their fadin', tho' reft o' youth's glory, Oh, honour wi' kindness thae links o' the past.
- The back may be bowed, and the limbs may be shakin',
 - The voice aince sae cheery may noo be fu' shrill;
- Sair, sair are the tears o' auld age when forsaken, Sae tentily guard them frae ilka bit ill.

Be kind to the auld fouk, they 'll no be lang wi' ye,
Maist blest o' a' blessin's will aye ye attend;
The cheerin' thought efter will never mair lea' ye—
That love's gowden duty was done to the end.
Far-searching the prayers o' an auld heart uplifted,
An' ne'er yet unheedit by Him wha' a' saves;
An' whan frae this warl' we oor ainsel's are drifted,
The blessin's o' auld fouk will hallow oor graves.

I COULDNA LOE ANITHER, JEAN

I COULDNA lo'e anither, Jean,
For fate has made us ané thegither;
Gin severed, ah! fareweel this scene—
For love, in darkness, sune maun wither.
Far distant be that waesome day
Whan gloom o' soul begins its reignin';
Far distant be the nicht o' wae
That ushers in the dawn o' wanin'.

I couldna lo'e anither, Jean,
Thou art the fount o' love-fraught showers;
Alane, my Sun, whase mellow sheen
Keeps ever fair life's sweetest flowers.

I couldna lo'e anither, Jean,

Thy smiles are but the dews o' heaven;

A desert life mine wad ha'e been

Gin ne'er to me thy joys were given.

Sae should o' joy I be bereft,

An' ta'en frae me my only treasure;

Could weans! could hame! could ocht that 's left

E'er bring me back one gleam o' pleasure?

I couldna lo'e anither, Jean, &c.

I couldna lo'e anither, Jean,
Oor hallowed past wad croon my grievin',
An' sorrow's feast, to a' unseen,
My riven heart wad ne'er be leavin'.
But we will feast on love while yet
We baith! we baith! are here thegither;
We'll live, an', pairtin', ne'er forget
'Tis ours to meet and feast for ever.
I couldna lo'e anither, Jean, &c.

FEGS! LOVE IS A DREICH THING

It was na her sweet angel face,
Na, na, nor the darts o' her e'e—
It was na her heart-charmin' grace
That made a prood captive o' me.
It was na her sylph-trippin' air,
Na, na, nor the curve o' her mou'—
It was na her raven-plumed hair
That made me wi' love reelin' fu'.

Fegs! Love is a dreich thing to bear, An' waur whan its owrecome is pure;

Whan Natur' designs the richt pair, Why, Heav'n mak's their sowther secure. It was na her calm modest ways,

Na, na, nor the blush on her cheek—

It was na the charm o' her claes

That made me this lassie aye seek.

It was na for gowd or for gear,

Na, na, for o' that she had nane—

It was na her sangs ringin' clear

That made me sae cauldrife an' lane.

Fegs! Love is a dreich thing to bear.

It was na wi' cleekin's o' art,

Na, na, nor the hooks o' deceit—
Stan' oot! 'twas her unsullied heart

That shone as simplicity's seat.

A something encircled her a'—

A something I canna weel tell;

The power that maks ane oot o' twa

Will mak a sage wise for himsel'.

Tho' Love is a dreich thing to bear,

He wise is that owns its control;

A lane chield's a sicht unco sair,

The coof is a man minus soul.

MEET ME, LOVE



Meet me, love, whan the ev'nin' star

Loups wi' delicht at the vow-bringin' kiss;

Meet me, love, whan the breeze afar

Bears oor seals o' love to the hames o' bliss.

O for the dell whaur the lintie sings!

O for the dell whaur the wild-rose clings!

There a' alane shall we sweetly rove,

O, peace shall be mine whan ye meet me, love!

Meet me, love, whan the cloudless sky
Sleeps a' engirt wi' the jewels o' heav'n;
Meet me, love, whan the shadows fly
Saftly enclothed in the garments o' ev'n.
Doon in yon dell whaur love's echoes fa'!
Doon in yon dell just oor ain sel's twa!
Garlands o' hope we ha'e aften wove,
Shall croon us again whan ye meet me, love.

I'LL SHIELD HER! AYE GUARD HER MYSEL'

- O, GIE me the licht o' a saul-dwellin' e'e,
 Whase rays mount the gems roun' the broo;
- O, gie me the heart frae a' vanity free, Whase clink gies the smile to the mou';
- I hae in my lassie a purity's gem,
 Whaur love-dazzlin' beams ever dwell.
- A love flow'ret bloomin' on innocence' stem, Whase shade gi'es love's licht to mysel'.

A blossom sae tender is mine aye to woo,

Tho' wint'ry win's rave roun' us snell;

I'll hap her wi' love frae a lowin' heart fu',

I'll shield her! aye guard her mysel'.

'Tis summer to life whaur her fragrance is spread,
'Tis Time boun' wi' Hope's soarin' wing;

Awa! 'tis her smiles that for ever will shed

Life-joys that aroun' me noo cling.

Gin a' ha'e their angels aye hov'rin' aroun',

As lore-howkin' sages will tell,

My certes! there's ane less in heaven aboon,

Whase shade gi'es love's licht to mysel'!

An angel o' gudeness is mine aye to woo,

Whase glance is a heart-charmin' spell:

I'll hap her wi' love frae a lowin' heart fu',

I'll shield her! aye guard her mysel'.

Fu' proodly I wear the saft gyves she has made,
Content aye to kneel at my shrine;
Enraptured I boast that life's dawn was pourtrayed,
Whan saftly she whispered, "I'm thine;"
Sae fondly I'll cherish this time-deckin' sun,
Whase rays no earth-cloud can dispel;

Whan endit this life an' a new ane begun, Her shade will gi'e licht to mysel'.

A bless-bringin' angel is mine aye to woo,
As we thro' Eternity dwell;
I'll hap her wi' love frae a lowin' heart fu',
I'll shield her! aye guard her mysel'.

I LEAVE THEE, LOVE! BUT LOVE THEE MAIR

(Written on seeing a young sailor taking leave of his young wife at the South Dock head.)

I LEAVE thee, love! but love thee mair;
By sternest Fate I'm doomed to part,
Sae a' in sorrow I maun tear
The only sunshine frae my heart;
Yet, reft o' thee, I'll fondly cling
To sweet remembrances o' days
That gave my soul love's verdant spring,
Which blooms alane beneath thy rays.

An' whan afar frae thee, my love, In weary calm or ragin' storm, I 'll fondly trace in skies above
Thy cheerin', guidin', angel form;
Yea, in my dreams, love, thou shalt reign,
For thee Hope's beacon aye will burn,
Whose gleams o' joy will me sustain,
Until aince mair I shall return,

But should I ne'er see thee again,
Time's pall can ne'er thy love efface,
Love's mem'ries with thee will remain,
An' will reca' this last embrace;
Sae weep not, love, tears maunna flow,
They mak' my burstin' anguish swell;
The boat awaits, I go! I go!
One kiss, my love! farewell! farewell!

DARKNESS AROUN' ME IS STEALIN'

LICHT o' my saul! dearest maiden,
Fondly I'm waitin' on thee;
Slowly the twilight is fadin';
Come in thy beauty to me!
Love's sun enclouded is shinin',
Dimmed be the rays ever fair;
O, but, my darling, 'tis pinin';
Never can twilight be there.
Darkness aroun' me is stealin',
Vet is my Jean not in sight:

Yet is my Jean not in sicht;
Ragin' is love's frenzied feelin';
Come, radiant sun o' my nicht!

Nature serenely reposin',

Birdies sing gude-nicht to day;

Flow'rets their petals are closin',

Breezes asleep saftly play.

Happiness roun' me is reignin',

Decked wi' the owrecome o' peace;

I a' alane am complainin',

Love's tempests wildly increase.

Darkness aroun' me is stealin',

See! comes my Jean as o' yorc;

Twilight but brighter revealin'

A' my fond heart can adore.

Wider nicht's mantle is shakin',
Birds pour a melody strain,
Wee sleepin' flow'rets are wakin',
Surely 'tis dawn once again.
Purity's halo is comin',
Nature's deceived wi' the sheen;

Blushin' the fa' o' the gloamin',

Licht marks the shadow o' Jean!

* Why is my heart beatin', burnin'?

Stilled be its dowie alarms;

Darkness an' a' strangely spurnin',

Life, peace, an' licht 's in my arms.

DARK, DARK GROWS THE NICHT; OR, FEANIE'S AWA'

DARK, dark grows the nicht, an' the low win' is croonin',

As lane by the fireside I gloomily sit,

An' weird thochts that feedin' my soul's lane communin',

Are a' sorrow-tinged as they eerily flit:

- O why is the win' noo sae sair in its wheepin'?

 Why loomin' sae strangely thae shadows that

 fa'?
- O why is the darkness sae painfully sleepin'? Waes me! they are tellin' me Jeanie's awa.

I tremblin'ly glow'r at the dark clouds a' rowin',

My tearfu' een fixed on ae wee shinin' star,

That on me in pity wi' pale ray is throwin'

A message o' love frae some dwellin' afar;

Atour yon cloud edge noo a gray ghaist is fleein',

It beckons! I'm hearin' some strange soundin'

ca',

Wheesht! Wheesht! 'tis the win' in its agony deein', An' sighin' its owrecome in Jeanie's awa'.

Upon her toom chair noo I daurna be gazin',
I'm feart, for thocht's tempest is ragin' gey
sair,

An' fancy in sorrow afore me is raisin',

A pale smilin' ootline wha aften sat there;

Some grip a' unkent is me to her close drawin',

I try to resist, but ha'e nae pow'r ava'.

L class her! 'Tis naething! Ah me I ar

.I clasp her! 'Tis naething! Ah me, I am fa'in',

An' hear a low sough whisp'rin' Jeanie's awa'.

O hoo can I ever mair pleasure be gainin'?

Oh whaur can I gang to get back my soul-peace?

Can ocht fill the lamp that within me is wanin'?

For frae her life darkness seems but to increase;

In slumbers sae fitfu' I dream she is near me,

I ance mair embrace her, but fin' the cauld wa',

I wake an' I speak, but there's nane noo to hear

me,

An' sair is the feelin' that Jeanie's awa'.

I'm dowie an' sad, an' I'm a' discontentit,

Nae comfort I get frae the fouk we ca' freens,
I'm best a' alane for I'm maist half dementit,

Aye pond'rin' in sorrow on love's former scenes;
I canna do ocht but I see her afore me,

An angel o' gude, she aye haunts me in a',
Tho' pairtit I ken she is aye hov'rin' o'er me,

An' greetin' to see me sing Jeanie's awa'.

FAITHER O' LOVE! GUIDE THE BOAT

WILD, wild soughs the win' roun' my lanely bit shielin',

An' deep lies the snaw ower the lea,

Dark clouds are fast drivin', the moon scarce revealin',

An' eerie the soun' o' the sea.

Far, far is oor faither 'mang wintry waves swellin', My heart is maist wrung wi' despair;

That dangers surroun' him the win' is a-tellin'-

O Saviour aboon, hear my prayer!

Faither o' love, guide his boatie the nicht,

Deep frae my heart dae I ca' on Thy

name;

Gie to my darkness ae ray o' Thy licht, Guard weel! an' bring ye the fisherman hame. Shine oot, guidin' moon, throw your rays ower the ocean,

An' licht ye his wave-furrowed path;

Blaw calm, ye snell win's, ye are chairged wi' devotion—

In pity, oh, spare him your wrath.

Awa'! far awa', whaur the breakers are foamin', The boatie is tossin', I see;

Wheesht! wheesht! my wee bairnies, your faither is comin'—

Hame, hame he'll sune be unto me.

Faither o' love! guide his boatie the nicht, &c.

Noo up on the tap o' the dark waves careerin'!

Noo doon in the lap o' the deep!

Tho' cauld, cauld an' weet, there's a watchfu' ane steerin',

Wha kens weel her head hoo to keep.

Flee on, my wee boatie; oh, be true to your helm; Bring hame the loved burden ye bear,

The win's canna wrang ye, or the waves ye o'erwhelm,

For Faither has answered my prayer.

Faither o' love! guide his boatie the nicht, &c.

See, oot comes the moon noo, the snaw-cloods a-spurnin'

An' lichtens the wave taps afar;

O, live noo, my heart, fling awa' your dreich burnin',

His boatie is safe ower the bar;

Sleep, sleep noo, my bairnies, your mither is gladdened,

Joy dwells in her bosom ance mair;

An' mind 'mid life's tempests, gin darkened or saddened,

Seek licht frae your Faither in prayer.

Faither o' love! ye hae saved him the nicht,

Deep frae my heart I gie thanks to Thy

name;

Darkness is gane, an' I feel noo the licht O' mair than my joy as he's welcomed hame.

"GUESS WHAT HE SAID"

I TRYSTIT to meet winsome Willie ae nicht,
An' oot at the back-door I slippit sae slee,
Awa doon the loanin' I trippit fu' licht,
For doon in the dell he was waitin' for me.
My heart faster beat an' made swifter my feet,
An' forrit I flew—deed, I couldna hae stayed;
The auld kiss o' welcome, wi' love unco sweet,
Was gi'en—but, my freens, noo just guess what
he said.

Hoo happy we were as we sat side by side,

Wha daur or what could noo twa hearts like

oors pairt?

He tell't me he lo'ed me, he ca'd me his pride, Ilk word that he spak howkit deep in my heart. He spak o' a future o' unclouded bliss,

A hame boun' wi' love he sae deftly portrayed;

He paintit a picture o' pure happiness,

Then whisp'rin'—but noo, freens, just guess what

he said.

Maist doitit an' rackit wi' love's doubtin' torments,
Dumfoonert I sat gazin' up on the sky,
I wasna mysel' in thae prood, painfu' moments
That strangely entwined me, I canna tell why.
My hand in his ain he fu' saftly caressed,
An' up to his mou' he it sleely conveyed,
I felt that ae kiss on't he warmly impressed,
Syne waesome—but noo, freens, just guess what
he said.

Hoo lang this had lastit I winna tell noo,

My owrecome o' feelin' I canna weel name,

A lifetime o' thocht frae my swith'rin' heart flew,

Yet bauldly I tell't him 'twas time to gae hame.

"Na, na, Jeanie lass, hame was never like this, You're no gaun awa';" sae I blindly obeyed. This nicht ends my coortin' an' a' fancied bliss, Sae lauch noo, my freens—"Will you marry?" he said.

Hoo could I refuse him, for lang he had wooed?

My heart wadna let me throw true love awa';
I kent he was guid, and mysel' he weel lo'ed,
I blushed oot ae word, but it wasna a Na.

Tho' years hae gane owre yet I mind weel that nicht

Whan oot in the gloamin' a promise I made;
As Willie has aye been to me life's delicht,
I never regret the wee word that I said.

THE SAILOR'S FAREWELL



'Tis ours to roam o'er the stormy deep,
'Tis ours to fight the waves,
'Tis ours to steer, or the cold watch keep,
When fierce the tempest raves.
See! gathering fast night's gloomy clouds,
See! ocean's rising swell;
Hark! whistling shrill thro' the spray-washed shrouds,

The wind echoes "Farewell!"

Farewell, Farewell!

And the seething wave with dread enclouds
The hearts that breathed "Farewell!"

Reef, reef the sail, while in triumph rides

The Storm King o'er our path,

In our hearts and hands the bark confides

To brave his mighty wrath;

In our wake the petrel cleaves the air,

His scream is oft our knell,

Yet in thunders deep or lightning's glare,
We hear some soft "Farewell!"

Farewell, Farewell!

'Tis the echo of a loved one's prayer

That God should guard us well.

THE HAMESPUN FOR EVER GIE ME

Awa' wi' your purple-clad dames,
Wha revel in skin-gildit show;
Awa' wi' your lang-soundin' names,
Whase worth is their pedigree's flow;
Awa' wi' your gowd-deckit ha's,
Whaur knee-bendin' slaves ever be;
Awa' wi' the hollow an' fause—
The hamespun for ever gie me.

See yon rosy dame hoo she smiles, Fu' young, an' the pictur' o' health, Gem-spangled she saft chiels beguiles Wi' sic a display o' her wealth. They beck an' they boo at her ca',
An' loup 'neath the glint o' her e'e;
The coofs are but gowks efter a'—
The hamespun for ever gie me.

They deem her an angel misplaced,
An' worship her mountain-rose tint;
Noo ken ye it's Natur' defaced?
Speak laigh! it's but poother and paint.
There's naething but pride in her heart,
O' graces her bosom is free,
A dazzlin' bit patchwork o' art—
The hamespun for ever gie me.

Hoo lofty she carries her heid,

Bedeckit wi' mair than its ain;

Fa' back! she 's my leddy indeed,

Gin judged by the length o' her train.

Come mornin', hoo wersh-like her plicht,
Sae pookit, sae common is she,
She's no like the beauty o' nicht—
The hamespun for ever gie me.

Her life is a gowd-washed deceit,

Till wed by some show-glamoured fool;
Owre late! he sune loses conceit,

An' rues he e'er took sic a snool.

Baith lazy, an' feckless, an' fause,

'Mang ithers she never can 'gree:

Aye grumblin' withoot ony cause—

The hamespun for ever gie me.

Awa' wi' the lassies wha think
On naething but dressin' an' show,
Till blindly they rin owre the brink
O' wizzened auld maidenly woe.

Gi'e me the plain lassie wi' sense,
Wha lets Natur's tracin's abee,
Whase life is ne'er daubed wi' pretence—
The hamespun for ever gie me.

Far, far sic a heart aye ootvies

The gems o' a tinsel-clad dame;

Sae peerless, she proodly defies

A' ithers to match wi' her hame.

Here love, like a sun-sparklin' fount,

Aye wells frae its centre divine;

An' pure as the stream frae the mount,

The hamespun, untarnished, will shine.

HAME FOYS

"There's no place like home."

I've nocht but the cares I may mak;

Na, fegs, but I live to be glad;

Deil hae me! gin pleasure I lack.

I've aye fand a comfort in life,

I've made a' adversities gains,

I've fand my best freen in the wife,

I've fand my best joys in the weans.

The chield wha gangs mopin' an' whinin',

Lang-faced, discontentit, and dour,

Faut-findin', an' sighin' an' pinin',

Finds life's sweets aye wersh-like an' sour.

Last nicht a wee bairnie cam hame,
A lammikin lassock I troo,
A weanie that angels micht claim,
An' blush na when preein' her mou';
A blossom o' love frae the skies,
Culled oot o' the garden o' bliss,
Sent doon to mak stronger love's ties,
An' bring me mair hame-happiness.
Sae I'll ne'er gang mopin' an' whinin',
Lang-faced, discontentit, an' sour,
Whan roun' me weans' smiles are entwinin'
Hame-joys that nae wealth can procure.

Go see on a love-lowin' breast
A love-gem reposing serene,
Sae nestlin', sae cosie, sae prest,
Sae sleeplessly guardit, I ween.
Nae paint-daubit groupin' is there,
Nae e'e takin' grace o' slee art;

Awa'! Heaven looms in the pair,

Else hoo comes sic grips to the heart?

Sae wha wad gang mopin' an' whinin',

Whan pictur's like thae are designed,

To mak earth a paradise shinin',

An' be the real joys o' mankind?

Wi' comforts like thae, noo, wha can
Ca' life a dreich harvest o' care?

A puir crap toom-hingin' an' wan,
An' mawn wi' the scythe o' despair,

Sma' cause hae I therefore to fret,
Whan blessin's sae mony I pree;

Thou 'rt welcome, my wee lassie pet,
A joyfu' earth-welcome to thee.
Awa', then, despondency's feelin';
Awa', then, a' soul-cloudin' stains;

Be mine, 'neath life's sunshine revealin'
Hame-joys in the wife an' the weans.

HAME ISNA HAME

ALANE, a' alane, hoo I wearily languish,
I sigh an' I pine for ae joy o' my ain,
My heart is enwrapt in a wild swellin' anguish,
That burnin' engulfs me in sorrow's sad train.
O, what wad I gie noo to hear in my dwellin'
The shout o' ae bairnie wi' feent ony care,
The hush o' this silence is painfully tellin',
My hame isna hame when nae bairnies are there.

My wifie an' I kindly lo'e ane anither
(Wi' mou' love that bears na the genuine clink),
I sit at ae ingle neuk, she at the ither,
An' tho' we say little we constantly think.

She 'tends to my needin's an' keeps hersel' wiselike,

An' I mak the siller she kens hoo to wair.

For a', there's a something about us no lifelike,

Oor hame isna hame, for nae pledges are
there.

I try to appear aye as happy as ithers, I smother my feelin's, tho' aften I fret,

At hearin' laigh whispers, gaun roun' 'mang the mithers,

"Puir chiel! what a pity! he's no a dad yet."

Whan in a freen's hoose, strange, I feel an upgrowin',

A heart-reezin' lichtness, a love-beamin' air,

Some cheery contentment oor hoose ne'er is showin',

A sma' heav'n on earth, for some angels are there.

The dad on his knee a bit laddie is jumpin',

The mither, sae couthie, has ane at the breast,
The ithers wi' glee are a' lauchin' an' rompin',

Like young doos a-cooin' aroun' the auld nest.
Oh, what wad I gie just to hae sic a blessin'—

The hauf o' my siller—an ither hauf mair;
I feel that I'm naething, an' real joy am missin';

My hame isna hame, for nae weanies are there.

An' whan I gang hame, there's a cauldness aye burnin',

The hoose tells the tale that it 's no richt ava; We ootwardly love, yet are inwardly spurnin'

The pitifu' lot o' us pitifu' twa.

Say what is oor life gin nae happiness preein'?
'Tis mis'ry aye reamin' wi' blackest despair;

A hoose may be braw—hech! it's no worth the seein',

It maks a puir hame whan nae blossoms are there.

I canna taste joy in the lot that is sent me
I needna be toilin' some siller to save,
'Tis hard, hard to ken that I 'll lea' nane ahint me,
To drap filial tears owre the sods o' my grave.
Sae thus a' unblest, an' alane we are leevin',
Enjoyin' a love o' its kind unco sair,
Ilk mornin' an' e'enin' tells me in my grievin'
That hame isna hame whan nae bairnies are there.

HAMELESS IS HAME

WE a' hae oor ills as we journey thro' life,
We a' hae some burden o' warldly care—
An' licht tho' they be, they increase aye the strife
That poorest humanity aften maun bear.
Still, aft 'mid oor crosses we shelter can find,
An' mid darkest moments aft licht is descried—
Maist cheerless an' sad, an' the warst e'er designed,
Is the life o' a chield to a feckless wife tied.
For hameless is hame 'neath a senseless wife's

An cauld is the glow o'her brichtest fireside.

Nae welcomes o' love meet the henpeckit fule

Wha blindly has been to a feckless wife tied.

rule,

What tho' we lose loves, or what tho' we lose freens?

What tho' a' oor siller should aft frae us flee?

'Tis pleasure to ken we hae ane wha mainteens
A heart-liftin' smile, an' wha comfort can gie.

Awa' wi' the tawpie wha gowls an' wha girns—

The hoose that she hauds is by nane e'er envied;

Aye shunned by her neebors, their loathin' she earns—

Sae pity the chield to a feckless wife tied.

For hameless is hame 'neath a feckless wife's rule, &c.

Untauld are the pleasures the guid wife can mak;

Unkent are the joys that her winnin' ways bring;

The feck o' oor cares she can tentily tak

Awa frae the heart whan they heavily cling.

The wersh-heartit dame to mankind is a curse,

Her worth is sae sma' that her sex is belied;

Her dour, grumblin' ways mak a' rackin' cares

worse—

Sae pity the chield to a feckless wife tied.

For hameless is hame 'neath a feckless wife's rule, &c.

Nae wunner that comfort is socht for elsewhere,

Nae wunner that hearts frae sic hames are
estranged;

A tapetless wife maks a life o' despair,

An' marriage aft shows that oor angels hae changed.

I'd banish a' women whase thocht is themsel',
For sure, to the deil they are closely allied;
Their region domestic is—what I'll no' tell—
Just speir at the chield to a feckless wife tied.
For hameless is hame neath a feckless wife's
rule, &c.

SOMEBODY'S WAITIN' FOR JEAN

ILK morn brings me toilin', but e'enin's bring pain, Whan ended the fecht o' the day;

Fu' dowie an' doon, in oor toom hame alane, I sit, to mind-rackin' a prey.

I hae maist the pleasures o' life in my grip, Yet naething can comfort mainteen;

I haena the saft look or smile on the lip— I miss, noo, the welcome o' Jean.

Come back! as the sunrise to nicht-droopin' flowers,

Come back! as when hope's dawnin' rays bosoms fill, [hours,

Come back! as the sun to the gloom-tippit
Come back! winsome Jean, to your timefettered Will.

Licht, licht flee the moments whan winged wi' thy smilin',

An' licht lie the warst o' my cares;

Life's battlin' is nocht for a love sae beguilin'; Victorious the standard she bears.

Gie gossamer pleasures to shade huntin' chiels, Lat gowd be their vain flimsy screen;

Gie them the fause joys that a fause life reveals, But gie me, oh, gie me my Jean. Come back! as the sunrise, &c.

- I watch the sun settin' in gowden-cloud splendour, An' ush'rin' the nicht's gentle fa';
- I watch the stars peepin' sae mockin'ly tender, An' twinklin' guid e'enin' to a'.
- Tho' calm be the gloamin', tho' nicht-breezes rise, Nae mair I'm enrapt wi' the scene;
- I haena the time-charmin' queen o' my joys, I miss noo life's beauty wi' Jean.

Come back! as the sunrise, &c.

I woo ye, nicht darkness, wi' saul a' in keepin';
Love gloom ower my heart ye entwine;
You're a' to a lowin' heart, wauken or sleepin';
Whan pairtit, you're sae unto mine.
But reft o' the lassie wha love's licht can gie,
An' reft o' her void-fillin' een,
There's naething can gar noo the heavy hours flee;
I live, but 'tis only in Jean.
Come back! as the sunrise, &c.

Sail awa', dreamy moon, ower your star-path above,

I crave na the pity ye gie;

Blaw, blaw, whisp'rin' breezes, waft ye on to my love A longin' heart-message frae me.

Break not her sweet slumbers as roun' her ye sigh, Disturb not her dream-smiles serene;

Tell, tell to the angels aye hov'rin' fu' nigh That "Somebody's waitin' for Jean." Then come, as the sunrise, &c.

TRUE TO LOVE

- WHAT care I for the freezin' win's? what reck I for the snaw?
- I mind na wintry tempests that aroun' my pathway blaw,
- I vowed to meet my love the nicht, an' to her I maun hie,
- Sae a' the surly blasts that sweep I heedlessly defy.
- Blaw, blaw ye on, ye piercin' win's, an' fa' ye driftin' snaws,
- She sanna feel the bitter thocht that I hae vowed her fause,

- It's no the ragin' torrent hoarse, nor winter's eerie micht,
- Nor rage o' a' the elements shall daunt my heart the nicht.
- Love's een shall be my guide, an' I will owre the murky moor,
- An' doon the glen wi' lichtsome heart to her wee cottage door,
- I'll lichtly tap the winnock, an' she joyously shall rin,
- To tak me ben an' gie me peace an' happiness within.
- Amaist I see her smilin' noo, amaist I feel her charms,
- Amaist I feel aroun' me noo the saft fa' o' her arms.
- 'Tis but the fancies o' my love that flash their gowden gleams,
- Sae I'll awa' an' sune will clasp the source o' a' my dreams.

- Syne cosie by the ingle, wi' my lassie by my side, I'll bless the 'oor that I the win's an' driftin' snaws defied.
- I'll kiss her an' I'll whisper that she is my joy o' life, An' O, this nicht I'll pledge her that she sune shall be my wife.
- "O mither! 'tis a dowie nicht, the win' is soughin' sair,
- An' moanin' doon the chimla wi' a stoun' o' wae's despair,
- It brings a dwam atour my heart I canna tell ava, I dree my Jamie's on the moor an' fechtin' wi' the snaw.
- Aft up the dreary glen I've gazed, an' nocht I heard or saw,
- But howlin' o' the maddened win', an' roarin' river's fa'.

- The crusie's in the winnock, yet I daurna think he'll be.
- O, wae betide my Jamie gin he comes the nicht to me.
- It's gettin' late noo, mither, an' the midnicht's drawin' near,
- O, tell me, mither! mither! do ye think we've ocht to fear?
- Wheesht! do ye hear that moanin, O, it canna be the win',
- It seems a speerit wailin' sair frae oot the foamin' linn."
- The wintry sun in sorrow rose, an' cuist its blushin' rays,
- Dim lichtin' ilka snawy fauld o' Natur's mournin' claes.
- An' cheerin' na ae anxious heart that wand'rin' owre the lea,
- Bore love's fell wintry blast that brocht the het tears to her e'e.

Ae wail o' anguish rose afar upon the mornin' air,

Owre Jamie's footprints i' the snaw, but Jamie wasna

there.

Love's madness bore her onwards till she tint them in a wreath,

Whaur 'neath a windin'-sheet o' snaw her Jamie lay in death.

SUNRISE

WEE flow'r, awake frae thy sleepin'!
Raise thou thy dew-shrouded head,
Wake! see the sun is a-peepin',
Up! for the night-clouds are fled;
Open thy saft-virgin bosie,
Welcome the love-beamin' ray,
Clingin' aroun' thee sae rosy,
Whisp'rin' the message o' day.
Wake frae thy cauldrife reposin',
Shake off the wrappin's o' night,
Saftly thy eyes are disclosin'
Joy at the cuddlin's o' light.

Birdie! oh, where is thy cheepin'?

Still cling night's tears to thy breast,

Slowly thy lover is creepin',

Wake frae thy sward-covered nest;

Greet him with song in thy soarin',

Pour out thy warblin's o' love,

Up! up! on wings o' adorin',

Kiss, kiss the gowd cloud above.

See birdie, leaps he fu' sprightly

Over the vallies an' hills,

Rise! on love's wings quiv'rin' lightly

Waits he thy joy-ringin' trills.

FRIENDSHIP

LIFE is but a bark careering
O'er the sea of Time awhile,
Calms and storms betimes appearing
Serve the voyage to beguile;
When in shoals the bark is driven,
Reft of every guiding ray,
'Mid our danger, oft from heaven
Friendship's light will mark the way.

While around us waves are heaving,
And our hearts are wrapt in night,
Waning Hope finds true relieving
From a kindred sail in sight;

Fellow-voyager revealing,
Who doth duty's call obey,
Gives, with earnest frater-feeling,
Friendship's help to smooth the way.

Thus we all are driving onwards,
Distance less, as time doth roll,
Craft before us are the vanguards
That have reached the final goal;
E'en tho' by adverse gales opprest,
Steering right, the frailest may
Gain that haven, where, best and blest,
Heavenly friendship guides the way.

KEEP A STOUT HEART TO A STEY BRAE

THERE'S fouk in this warl' wha gang pechin' an leanin'

On ithers a' trachlin' ower life's rugged road;

They crawl without smeddum, a' hirplin' and granin',

An' mak' their sma' burdens a doon-sinkin' load.

They envy their neebors a' battlin' an' doin',

An', like bairnie men, they aye beg an' they pray

To gie them a lift, just to save them frae ruin,

They tyne their saft heart when they meet a stey brae.

They grovel and graip for their puir life's subsistence,

That oft is obtained frae the han's o' a freen';
Ahint in the rear they drag oot an existence
That lea's nocht to tell that they ever had been.
They 're living exponents o' freaks o' auld Natur',
Wha made a mistak' whan she life to sic gae;

An', blushin', she looks wi' disgust on the creatur'
Wha tynes his sma' heart whan he meets a stey
brae.

Their life-path is lichtened wi' nocht but cauld moonshine,

That aye roun' life-cowards encirclin' prevails;
They aim na to wear the strong armour o' sunshine,
O' him wha the ramparts o' Fortune assails.
Sae, aye maist contentit life's crumbs to be pickin',
They snoovle an' stoiter life's charter away:
Like gossamer shadows, 'tis theirs to be stickin'
To bauld pioneers wha owrecome a stey brae.

Deserve to be dabbed wi' contempt's greenish pallor,

To stan' as a beacon for fellows to shun.

Puir, puir is the chield wha retreats in life-fechtin' Or clings to a neebor for help on his way;

Wha ne'er stan's, the man, fu' o' glorious delightin' An' risin' o' soul whan he meets a stey brae.



FILL UP! FILL UP! THE SOCIAL CUP



We own the might of verbal band,
We shun no brother's need,
'Tis ours to give a helping hand,
'Tis ours his wants to heed,
'Tis ours to smooth life's thorny cares,
'Tis ours to still the cry;
'Tis ours to give to him, who bears
Our cherished mystic tie.
Fill up! fill up! the social cup,
Come banish worldly care,
Fraternally we sign, we sup,
And every action square.

We own Our Architect's great skill, Since first the world began, His high behest our bosoms fill,— The brotherhood of man; By compass, plumb, and rule, and square,
We live and happy die,
And thro' eternity will bear
Hope's passport in our tie.
Fill up! fill up! our social cup, &c.

FECHT YOUR AIN FECHT.

Is there a chield wha manhood claims,
Wha daur on ithers hing?

Is there a chield wi' manhood's aims,
Wad to a coat-tail cling?

Oot on thae barnacles o' men,
Wha to society's shell,

Stick wi' a grip that 's no their ain,
An' canna stan' themsel'.

Is there a chield wi' plastic soul,
Self-darkened tho' it be,
Wha gets nae glint o' self-control
To show he is na free;

Wha grovels 'neath the shadow vile
O' some gowd scrapin' knave,
An' revels in the soulless smile,
That maks the booin' slave?

Wha daur ootrage auld Natur's plan
Deserves his fellows' hate,
Wha conscienceless wad "droon the man"
Maun be effeminate;
Nae gowd can furnish manly worth
In hearts whaur nane can dwell,
Nae virtues e'er frae them cam forth
Wha fecht na for themsel'.

Nae honest chield wi' spunk o' heart Wad be a parasite; To fecht life's fecht wi' dauntless art To him is life's delight. Stan' oot! the men wha never shun
To face a thorny path,
They shine 'boon a', wi' vict'ry won,
The gems the warl' hath.

"HARK! HARK! LOUD THE SOUND OF THE BUGLE IS HEARD."

- 'TIS night, and no longer our banners are streaming,
 - And dark clouds of omen have shrouded the sky;
- Around on the heath the red watch-fires are gleaming,
 - While hushed is the camp where our warriors lie.
- List! list! what is that? 'tis the night breeze careering.
 - No! no! 'tis some torrent, low rumbling, afar.

Vain thought! 'tis the foe on the night-march appearing,

A torrent of death on the red wings of war.

Hark! hark! loud the sound of the bugle is heard.

Up! To Arms! Up! To Arms! is the cry, Sleep no more, come, arouse! let valour be stirred,

We must conquer the foe, or we die.

Fall in! 'tis the guns of the foeman advancing,

And bold hearts beat high at the fate-breathing

boom.

The dim light of morning saw bayonets glancing, A war-meteor flash that illumines the gloom.

Steady, close! steady, close! Old England for ever!

Fire! fire! right to left! and our serried line pours

- The fire-streams of death. See! our stricken foes quiver.
 - 'Charge! charge! Steady, close! and the vict'ry is ours.
 - Hark! hark! loud the sound of the bugle is heard.
 - Charge with arms! Charge with arms levelled low.
 - Charge forward! Advance! British valour is stirred,
 - Ours the wave that can vanquish each foe.
- See! away o'er the heath the baffled foe flying,

 Now loud roars of battle and ringing cheers
 fade,
- Stern foes of a moment in peace now are lying, While Victory weeps o'er her glorious dead.
- What tho' the wild onset be hideous and gory!

 What tho' vivid blasts from war's bugles are

 blown!

The deeds of the brave live for ever in story,

And England, Old England, claims them as her

own.

Mourn, mourn not the brave who in freedom's cause fell,

Let fame be their guerdon for ever,

With pride in our hearts ev'ry Briton can tell Our laurels for heroes ne'er wither.

THE AULD YEAR-1873

OH, the Auld Year! the Auld Year!
Wi' snawy, wrinkled brow,
Pours oot his deein', cauld tear,
An' shaks his hoary pow—
He sighs for them he sees nae mair,
Wha welcomed him whan born;
He gies a sough o' Time's despair
For them wha livin' mourn.

Oh, the toom house! the toom house!

He circles fondly yet,

Whaur young hearts sae blithe an' crouse

Aroun' its ingle met;

Their shouts nae mair in gladness ring,

For ane, or maybe twa,

Whase voices cheered his youthfu' spring,

For ever are awa.

Oh, yon auld chair! yon auld chair!

He casts a halo roun',

The auld hearts aince cosy there,

Noo, noo, are sleepin' soun'.

His tears drap doon in snawflakes white

Atour their lanely graves,

The snell win' tells his sorrow's might,

That moanin', loudly raves.

Oh, the death rime! the death rime! Comes owre his closing e'e; It seems a wail, his last chime, Frae oot Eternity; His last words ringin' sadly clear,
Should echoes mony find—
"Freens! happy be whan livin' here—
To fellow-mortals kind."

TRAMPIN' THE BLANKETS

BLITHE Meggie was trampin' the blankets ae mornin'

Afore the young sun had maist opened his een,
Her coaties were kiltit, fause modesty scornin',
Till twa tap'rin' limbies fu' temptin' were seen;—
Her lang raven hair owre her shouthers was hingin',

Her rosy face smiled, an' her bosie was bare, Her voice, like the burnie's, fu' lichtsome was ringin', An' chimed wi' the lav'rocks, wha gazed wi' despair.

Up trampin' the blankets, whan ithers are sleepin',

Maks cosie the hap o' a theekit cot bed;

Up trampin' the blankets, whan nae een are peepin',

Gars limbies loup licht, for nae blushes are spread.

She louped an' she sang like a Goddess o' Nature, A rural wood-nymph drest in innocence sheen; Simplicity's halo illumed ilka feature, An' gloried to own her its tenderest queen. Ilk birdie sang welcome, an' wee flow'rets wakin' Maist sighed as they saw a' their beauty ootvied; The saft mornin' breezes sae playfu' were shakin' Her sun-glintin' locks wi' a mitherly pride.

Weel, fegs, the laird's son was that mornin' afore her,

Up trampin' the blankets, &c.

An' cow'rin, slee rogue, like a thief 'hint the hedge, An' feastin' his een, while his soul did adore her, An' raisin' the tempest that Meg could assuage. Untauld he had lo'ed her, his young heart was Meggie's,

He hirsled, an' fidged, an' kept tearin' the grass;
His soul was aflame wi' her Venus-like leggies,
An', vowin', he swore he wad marry the lass.

Up trampin' the blankets, &c.

She tramped an' she sang till her washin' was endit, Syne bathed her wee feetie awee in the burn,

Ae cough! frae the hedge! wi' her liltin' was blendit.

An' blushin', puir Meggie was frichtened to turn.

A kent voice was heard that made Meggie's heart quiver,

An' swith cam the young laird atour to her side,
"I've lo'ed ye lang, Meggie! I'm yours noo for
ever,

Say, Meggie, my charmer, will ye be my bride?"

Up trampin' the blankets, &c.

"I've lo'ed ye lang, Meggie, noo, dinna be leavin',
I've a' thing o' earth to mak love never fade;
My heart, an' my a', lassie, ye'll be receivin',
For Virtue enamoured encircles thy head,
I carena for tochers, or toon-fashioned lassies
In gilt whigmaleeries, the thocht o' their life,—
The pure heart o' innocence a' hearts surpasses,
An' shines owre them a' in the sterlin' guidwife."

Up trampin' the blankets, blithe Meggie consentit,

Ae week,—thro' the clachan, lood joy-shouts were heard,

Up trampin' the blankets, Meg never repentit, For noo she's my leddy, an' laird o' the laird.

AINCE MAIR

AINCE mair, oh, aince mair, there is joy in the woods,

For love-singin' warblers are pourin' their strain, At gloamin' sae mellow, whan rose-tippit cloods Asleep in the blue lifts fu' radiantly reign.

Their wee hearts loup licht to see winter is gane, Their wee een wi' joy-tears adore the saft skies, Enraptured they stream oot their homage amain, An' fain wad my heart to their happiness rise.

Sing on, O wee birdies! the bricht days are nigh,

Sweet Heralds o' verdure, tho' budless the spray,

Your melody waukens my soul to descry, A pure kindred joy that can never decay.— The voice o' the streamlet aince mair noo is heard, 'Tis free! an' it loups noo in Liberty's micht; 'Neath Winter's cauld grippin' it daurna hae stirred, Sae silent it slept like a pris'ner o' nicht.

Noo reeds, gently quiv'rin', fu' joyously dip

To kiss the clear bosie that heaves to their glee;
An' licht as the fa' o' the bee they a' sip,

Syne rustle oot strophes o' joy as they pree.

Sing on, crystal burnie! the bricht days are nigh,

Whan flow'rets shall long to be mirrored in thee,

Whan ray-crestit wavelets like garlands shall lie,

An' bring, hoo melodious, soul loupin's to me.

The sigh o' the breezes is saft in its fa',
Their lang loveless wail noo for ever is gane,
An' ilka wee bud hears the love-mellowed ca'
That couthielie soun's like the voice o' a wean.

It cuddles them gently, it whispers, Come forth!
It tells them that beauty is dawnin' aince mair;
It tells them that birdies are waitin' their birth,
That streamlets are pinin' for bank-gems to wear.

Sing on, gentle breezes! the bricht days are migh;

Aince mair your chords gowden are breathin' love strains,

Proclaimin' to me in ilk low soundin' sigh That Life but in beauty an' melody reigns.

THE MOSSTROOPERS' SONG

By the licht o' the moon we'll mount, we'll go,'
Awa to the Borderland,
We heed na a Howard or Percy foe,
Tho' they muster fast to their balefires glow,
An' warily watch wi' the spear an' bow
For the brave mosstrooper band.

Lat "ready, aye ready" oor watchword be,
Bind! bind on your trusty blades;
Mount! Mount! to your saddles, this nicht maun
see,

That lang ere the dawnin' afar are we Whaur the fat kine feed on the grassy lea, Or doon in the bosky glades. The Esk is ahin', we're on foemen's ground,
Steadily, cheerily on;
Nae coward hearts beat wi' a hauberk bound,
An' nae cheeks are paled at the muircock's sound;
But the lads wi' the dauntless e'e are found
Awa owre the Border gone.

We'll plunder the steadin'! we'll sweep the glen!

We'll drive! we'll harry them a';

The nowte an' the sheep frae the byre an' pen

Shall deck the dales o' the mosstrooper men,

Or dance in the pat to the tune we ken

In the theekit cot an' ha'.

Oor joy is the prize, oor pride is the fray,

A brulzie we a' can stand,

For strong is the grasp whaur the keen blades play
Wi' a sough that gies to ilk fae dismay,

Wha rin frae the shout, wi' an unco fley,

O' a brave mosstrooper band.

LOVE'S FOREBODIN'; OR, THE WIN' BLAWS HIE

THE win' blaws hie the nicht, an' roarin' is the sea,
Dashin' on the rocks wi' an angry melodie;
The cloods are fauldin' a', an' black'nin' gather
fast,

An' unco low they lie to the sweepin', swirlin' blast;

I canna thole the soun', it maks me bodin' dree, For hame he suld hae been a week sin' syne to me; I canna close an e'e, I'm no amaist mysel', Love waukrife hears a voice in ilka risin' swell.

I gaze wi' longin' een frae out the cottage door, An' nocht I see, or hear, but Ocean's eerie roar, I see na in the bay his come-hame gleam o' licht, An' mither whispers, "Lass, he'll no mak land the nicht."

Oh, hoo I wish him hame safe frae the sea an' win', I never wished afore wi' sic a seein' min'.

It's no our weddin' thocht, it's no my fancied bliss, There's something in the win' that bodes my lad distress.

The crusie I'll put doon beside the winnock pane,
I'll tend it weel the nicht, for sleep I maun hae
nane;

Oh, suld he see its lowe as he the billows rides, 'Twill be love's guidin' star that owre his heart

'Twill be love's guidin' star that owre his heart presides.

The waves roar looder noo, an' brak their faemy croons,

The win' bears far the spray wi' melancholy souns'; "O mither! dinna sleep! I'm sure I saw ae flare, An' heard aboon the win' a strange cry in the air;



- A dwam comes owre my heart, I see! I see! a form,
- Peerin' thro' the winnock! an' pointin' to the storm!

 His een are fixt an' cauld! seaweed clings to his
 hair!
- ·His face is faemy white! Look, mither! he is there!
- Still cauld an hie the win', whan grey the mornin' brak,
- An' surgin' cam the waves, that kissed wi' joy a wrack,
- Cauld 'mang the downy faem her sailor laddie lay, Sae broken was her heart, an' weddit noo to wae.

ABOON A'

THO' disappointments cross oor path,
Tho' Fortune on us frown,
Oor hearts will rise aboon their wrath,
An' live the tempest down.
To fleetin' smiles we've ne'er been tied
Wi' hope's celestial knot;
They fly, but wi' exultin' pride
We'll glory in our lot.

Can happiness be measured wi'
The bank-book's credit side?
Maun mankind's greatness only be
Estates extended wide?

Hoots! what is wealth? the deevil's raip!
The gibbet o' the soul,
The trap-door whaur damnations gape
An' endless torments roll.

Sae we will ne'er amalgamate
Oor only worth wi' show;
My sang! we'll scale the crags o' Fate,
But lea' oor trash below.
Oor pairt immortal aye maun soar,
Untrammelled, unconfined,
Wi' ocht that dims its gowden core,
An' maks us unresigned.

We bear the something in the breast, The ony-tempest calm, Then poverty is doubly blest Whan soothed wi' siccan balm. Jean! tho' we're humble an' obscure, We'll work oot being's plan; It matters na' altho' we're puir, We'll ne'er disgrace the man.

GRANNIE'S ADVICE TO A SUMPH

- HOOTS awa', ye dowffie chiel, yer but a niddlin' bodie,
- Think na ye to win the lass wi' snoolin like a cuddie;
- Bauldly gang an' tell your tale, an' gin she rins, rin efter,
- Bauldness is the swaird o' love to mak' her heartie safter.
 - Hoots awa! toots awa! ye are but a naething,
 - Niddlin' aye! bleth'rin' aye! gapin' aye or mumblin';
 - Hoots awa! feigh awa! just a lassie's plaything!
 - Be a man! gin ye can! an' her pride be humblin'.

- What's the use o' gleein' aye, gin she is sic a charmer?
- Lasses like to mark the e'e that fears na' their bricht armour.
- Turnin' aye your bannet owre, an' hirslin' in a swither,
- Sic a coof I ne'er hae seen, I'd blush to be your

Hoots awa! feigh awa! ye are, &c.

- Dauner doon the lanely howm, whaur flow'rs wi' sweets are laden,
- Sit ye on some mossy bank whaur natur's loves are spreadin',
- Tell her that the burnies lilt, an' tell her that the flowers
- Own her noo as beauty's queen, an' bow beneath her powers.

Hoots awa! toots awa! ye are, &c.

- Lat your love licht up your e'e, an' lat your words be burnin',
- Tak the lassie in your arms, an', a' her blushin's spurnin',
- Swear she has a heart to tine, that ye will be the finder,
- Vow your true, an' pree her mou', 'twill mak her a' the kinder.
 - Hoots Awa! feigh awa! ye are just a naething, &c.
- Tell her that your only joy will be the joy o' toilin',
- A' to keep the hoosie hale, an' your bit wifie smilin',
- A' to keep her heartie licht wi' love's contentment gowden,
- Syne her years unmarked wi' tears nae sorrow will be cloudin'.
 - Hoots awa! toots awa! man, ye are just a naething, &c.

- True love never tells the lee, sae dinna ye deceive her,
- Glory in her innocence, an' dae na' ocht to grieve her,
- Lat her see ye are a man o' honour a' unvaried,
- Bliss divine will syne be yours, that's—efter ye are married.
 - Hoots awa! toots awa! sic a sumph as ye are! Lasses ken dumb-love men hae but turnip hearts, man.
 - Hoots awa! feigh awa! hech, fling away a' fear,
 - Wha ye lo'e, bauldly woo! an' feel love's sweetest darts, man.

EVICTED

Scene.—FACTOR.—"We can't let you have anither lease of your farm, the M——s has decided on amalgamating it with anither."

An' maun we lea' oor hame o' youth,
Whaur joys an' sorrows we hae felt,
An' maun we feel the bitter truth,
That wad a heart unfeelin' melt.
Here we hae seen four bairnies grow,
They've kent nae ither hame than this,
An' years hae made it sacred now,
To hearts wha saw their happiness.

Here Death has come wi' greedy loof,
An' seared oor joys wi' mickle pains,
Yea, triumphed 'neath the timmer roof,
His prize! his prize! three bonnie weans;—

This is the hame whaur mem'ries weave The gowden threads aroun' oor hearts; 'Tis cruel noo that we maun leave Its hallowed grun' that life imparts.

Doomed, doomed to shed the heart-wrung tear,
An' doomed love's ling'rin' looks to cast;
Twa hearts reft frae a hame sae dear,
Can barely thole the deadly blast;—
For far awa, whate'er oor lot,
We aye will fondly, fondly turn,
Wi' sair remembrance to the spot
We lea' behind, an' leavin' mourn.

'Tis your puir titled laird's behest,
An' ruthlessly ye maun obey,
Nae sympathy is in his breast,
Whan siller's glamour points the way:—

Nae human heart has he to wound, Anither's griefs he ne'er could bear; Love's kindred feelin' gi'es nae stound, For real love is withered there.

SONNET

CHILDREN of Slav'ry! pour your melodies,
Like the pained wind that deep in sorrow moans
Thro' the dark pines in fitful threnodies,
Or o'er the dismal swamps low, wailing groans.
Pour out your chants in Nature's kindred tones!
Ye oft have heard those unseen voices speak,
And oft to Heaven have raised your longing eyes
(While heart-wrung tears bedewed each ebon cheek),

And poured your bursting soul-song to the skies,
That streaming upward was by angels sung,
Till roused the vengeful ire of God on high,
Who rent the chains that round you clanking
hung,

And bade your sorrows cease, your mis'ries fly, And clothed you in the robes of Liberty.

SONNET

O THOU above who dost me thus preserve,
And who thro' life hast truly been my Friend,
Blessing me more than e'er I did deserve,
Still, still to me Thy gracious favours send:—
Again to toil with footsteps light I wend
My smiling way, gold-paved with sunrise gleams;
The carols of yon lark doth sweetly chime
With my soul-ecstasy that upward streams,
Yea, soaring bounds far to Thy realms sublime,
And fringes labour with the cheerfulness
That gives my soul some soft, sad, mystic light,
And sweeps away all worldly gloominess,
So that strong-nerved, I move before Thy sight
A giant toiler, glorying in his might.

WE A' HAE FOYS

WE a' hae joys that gild some 'oors, We a' hae gleams o' bliss,
We a' hae felt the liftin' pow'rs
O' social happiness.
There surely hasna lived on earth
A chiel' wha never felt
The care-destroying 'oor o' mirth,
That made his troubles melt.

Sae we're a social happy lot, And fling oor cares awa', An 'oor o' bliss is ne'er forgot. De'il tak' us! we'se hae twa. Vile is the wretch, wha inly feels
His life to be a road
Unmarked wi' joy's blithe-rinnin' wheels,
That bear ilk sinkin' load.
Gin sic there be, he's but a coof,
O' manhood's soul exempt;
Sae ne'er gie him the frien'ly loof,
But spurn him wi' contempt.

For he's a chiel wham a' deride, Whase cares aye gnaw his soul,— That through a needle's e'e wad glide, An' stickna in the hole.

They tell us life is but a fecht,
The vict'ry maun be joys,
Sae wi' triumphant sodger's micht
We owre a' foemen rise;—
Lat misers o' their siller boast,
An' sages disagree,

We a' as ane will drink the toast, "Life-joy is Liberty."

For we're a social, happy batch Wha taste life's real joys. My sang! we're unco ill to match In spurnin' life's alloys.

Wha in this life true pleasures want,
Or court the morbid state,
Will in the next o' peace be scant,
Syne woe betide their fate.
Oor Here but shadows forth oor There,
Whase meed o' pain or bliss
Depends upon the length we wear
Earth's robe o' happiness.

Sae we are bitter foes to care, A' boun' wi' social ties, We'll yet as sparklin' angels bear Oor glow to kindred skies.

LOCH LOMOND'S LAMENT

"And the best of Loch Lomond lie dead on her side."-Scott.

OCHONE! ochone! our Chieftain is gone,
Ross-dhu and Glen Luss weep your woe,

Ochone! ochone! the castle is lone,

Our red tears of sorrow now flow;

Over each glen and heath, Low lies the pall of death;

Mists on the mountain rocks

Weep for his silv'ry locks:-

Streams wildly dashing, pour sorrow's refrain.

Bowed are the clansmen brave

Over his hallowed grave,

Far wails the coronach's heart-melting strain.

Ochone! ochone! the death-cloud has come,
And banished our joy-bringing ray;
Ochone! ochone! the clansmen succumb
'Neath sorrow's cold, dark-dawning day;—
Borne on the sweeping blast
Swiftly the grey wraith passed,—
Over Loch Lomond's breast
Far trailed its fatal crest,
Shrieking, and bearing him down to his doom,
Wailing above the storm,
Woe for his stately form,
Woe for the coronach's soul-circling gloom.

Ochone! ochone! the long hazels* droop,
And woe-requiems sadly moan,
Ochone! ochone! the pine forests stoop,—
The soul of the Chieftain hath flown,

^{*} The badge of the Colqubouns.

On to the lighted lands,
'Mid the immortal bands,
Ancestors welcome him
With their far-sounding hymn.

Lo! bards of eternity sing with acclaim
Pæans of joy anew,
Pæans for brave Ross-dhu;

And heroes' souls leap, for his earth-cherished name.

AWAY! TO OUR MOUNTAIN LAND

AWAY! to our mountain land away!

Whaur waves the heather bell,

Whaur beetlin' rocks kiss the cold mist grey,

Whaur fountains dash with a gowden spray,

Thro' mony a ferny dell.

Away! to the land o' castles old,
Whose ruins, ivy-crowned,
Heard shouts of oor must'rin' warriors bold,
Whose doughty deeds oor memories hold,
An' glorious still resound.

Come! come whaur the eagle swoops on high, An' woos the sunbeam's glare, An' scorns to shut his unerrin' eye, But sails a king thro' the cloudless sky, An' owns no equal there.

Away! whaur the dark pines moanin' sigh
To the eerie midnight blast,
Whaur mountains shake to the tempest's cry,
Whaur thunders roll, an' keen lightnin's fly,
Till Nature's dream is past.

Come! to the land wi' the sylvan nooks
An' dowie fairy dens,
Whaur mellow sangs frae the gleesome brooks
Are heard afar in their lichtsome jouks,
In a' oor lanely glens,

We'll leave the toon an' its siller din, We'll fling awa' a' care, An' gang whaur the glintin' burnies rin, An' loup wi' delight the broomy linn, To gather health aince mair.

Then come, my love, to our mountains grand,
Whaur beauty has her throne;
Enwrapt in awe, oh, we'll proudly stand
'Mid rugged cliffs o' oor native land,
An' claim them as oor own.

I SIGH FOR THEE, SCOTLAND

I SIGH for thee, Scotland, frae mornin' to e'enin',
I seem as an exile on some foreign shore:
The heart-love o' youth, oh, I canna be weanin',
An' nocht noo but mem'ries remain to adore.
I think on the joy-days whase shadow still lingers,
An' ilka hame-scene aft I fondly reca',
Till truth's painfu' ootline an' cauld chidin' fingers
Arouse me to feel that frae hame I'm awa'.

I wearily long that loved haunts to be treadin',
An' on my Dundee to again feast my eyes;
An' thrills o' emotion thro' ilka vein spreadin'
Gar tempests o' hope in my bosom arise.

Aft Fancy will paint me ilk spot o' youth's glory,
The saft silver Tay and the verdant Sea Braes,
An' whisp'rin' to mem'ry, 'twill tell me some story
That bears me in sorrow to young daffin' days.

- I see the twa faces that fondly I doat on, Aroun' the auld ingle gang hirplin' alane;
- An' love's e'e brings visions that ever I gloat on— Then, then thro' my soul ring their kind words again.
- I hear in my dreams the auld bell weirdly tollin', Deep-soundin' like some spirit-voice o' the past;
- I wauken, an' something soughs, "Time has been rollin',"

Sae aince mair my heart is by grief-clouds o'ercast.

The fecht efter wealth gies a soul puir sustainin',
An' a' its allurements to naethingness melt;
Its glamour is fause to a heart gowd disdainin';
'Tis nocht but a pain whaur the hame isna felt.

I sigh for thee, Scotland! the hame o' my kin;
I sigh for a glint o' the calm, sweeping Tay;
Awa' owre the border my day-dreamin's rin:
Nae heart-peace is mine, for this hame gies me wae,

TUNSTAL GLOAMIN'

- Hoo sweet in the gloamin' by Tunstal to rove, Whan nicht's blushin' shades creepin' tim'rously fa,'
- Whan guid-nicht frae warblers is heard frae ilk grove,

And skies' gowden beauty is fading awa';

Soft murmurs o' rest fill the sough o' the breeze,

Ilk wee closin' flow'ret is soothed an' caressed,

Slow dreamy-like noddin's an' sighs frae the trees

Rock ilka wee birdie to sleep in its nest.

Tho' nae balmy zephyrs frae rose-deckit bow'rs

Blaw saftly their burdens o' fragrant perfume,

Yet dearer by far are oor sweet gloamin' hours

An' purer the love that is nursed 'mang oor broom.

Braw lasses an' lads among Tunstal's green knowes Are pourin' fu' sleely the tales o' their bliss, An' blushin' an' sighin' oot gloamin'-made vows, Their owrecome is seen in the love-burning kiss.

An' slumb'rin' sae calm lies the ocean serene,

Its breathin's o' peace gently fa' on the ear,

Frae spreadin' night shadows o' deep darklin' sheen

The wee waukrife wavelets wi' nightcaps appear.

Owre its wide bosom wee boaties are glidin'

Awa to their net-shootin' toilin's o' nicht—

Hame! love! an' weans! owre their lane oors

presidin'

Gie wave-rockit fishermen gloamin's delight.

Gae brag o' your hames o' orient splendour, Whaur Nature lives only in beauty's excess, In glowin' profusion that never can render Sic feelin's as modesty's innocent dress. Gie fetter-boun' minions their beauties to roam in, Their gowd-glitt'rin' scenes, an' their spicescented vales,

But gie me our ain native northern gloamin,'
Whaur true love an' freedom untarnished prevails.

Wi' deep admiration in bosom arisin,'
What prospect o' Nature is equal to this?
There ocean far-stretchin' roun' eastward horizon;
Here plough-furrowed fields clad in green happiness;

Here wealth unconstrained rears its emblems o' micht;

Here toilers reap peace an' contentment in store, Here gloamin' but ushers the mair peacefu' nicht, This, this is the hame we can proodly adore!

THE AULD HIELANMAN'S LAMENT

- NAE mair hae we clansmen to summon thegither, Nae mair will oor slogans be echoed again;
- Nae mair tartaned warriors will bound o'er the heather,

Nae mair soun's the pibroch a soul-stirrin' strain.

Gane, gane are the days whan oor glens an' oor mountains

Saw stalwart sons mustered for foray or raid;

Nae voices o' maidens blend noo wi' oor fountains,

Nae Hielan' cheer noo! for my Hielan's are

The shout o' the stranger, oor red deer pursuin',

Is heard 'mid the gloom o' my fore-faithers' hame;

Desertit an lonely—waes me! a' is ruin—
My Hielan's to me are but Hielan's in
name.

Nae mair dauntless chieftains, like torrents prevailin',

Shall wi' the claymore fiercely rush on the foe;

Nae mair shall the coronach's notes stream in wailin',

Nae mair shall oor matrons chant dirges o' woe;

Nae mair greyhaired bards shall sing bold deeds o' onslaught,

Nae mair shall oor youths long in sires' path to tread;

Nae mair shall their shouts, strikin' terror, be death-fraught,

Their Hielan's are here! but, alack! they are dead.

The shout o' the stranger, oor red deer pursuin', &c.

From thee, Caledonia, thy bravest were riven,

An' tarnished the plumes on thy time-gildit

crest;

From glen an' from mountain thy laurels were driven.

An' far ower the ocean thy brightest fand rest.

Nae mair, 'neath the heather-clad shielin', ye'll nourish

The race aye triumphant whaur Liberty led;

Nae mair, 'neath your cauld mists, the bold Gael shall flourish,

For widowed the Hielan's since clanship was dead.

The shout o' the stranger, oor red deer pursuin', &c.

Nae hame I hae here whaur my kinsmen are sleepin';

I'll back to the land whaur as exiles we dwell;

Ae sod, frae their graves, o' loved heather, I'm keepin'

To bloom ower my ain whan they bury mysel'.

Fareweel, Caledonia! deep, deep is my sorrow;

Fareweel! your loved beauty for ever is fled;

Enshrouded in nicht, wi' nae hope-dawnin' morrow,

Fareweel, my lone Hielan's! waes me, a' is dead!

The voice o' the stranger, oor red deer pursuin', &c.

THE FIERY CROSS

YES! 'tis the fiery cross blazin', blazin',
Over the mountain, an' down by the vale,
Our chieftain the clansmen raisin,' raisin.'
List! 'tis our slogan streams far on the gale,
'Come frae the hamlet! come frae the shielin,'
Come frae the heath whaur the red deer career.
Gather ye! gather ye! pealin', pealin,'
Muster, men! muster wi' claymore an' spear.

Up! 'tis the fiery cross glarin', glarin', Lea' wives an' maidens, lea' love to its tears, Chieftain wi' clansmen o' darin', darin', Welcome the foe when the tarie * appears.

^{*} Gaelic for fiery cross.

2 C

Swift as the mountain roe boundin', boundin',
Speeds the red omen thro' dim shades of night.
Over the mountain peaks soundin', soundin',
Peals the war echo—our summons for fight.
See! how the tartans are streamin', streamin',
Far thro' the forest, the glen an' the glade,
Bold hearts an' true blades are gleamin', gleamin',
Gatherin' fast to repel the night raid.

Up! 'tis the fiery cross glarin,' &c.

Come! for our chieftain is leadin', leadin',
Come! for his valour shall vanquish the foe;
Hark! 'tis the foeman fast speedin', speedin',
Wild be our onset, and sure be each blow.
Grasp now your broadswords all tightly, tightly,
Fling back the plaid! bring the shield to the fore,
Over the heather all lightly, lightly,
The slogan give out! then on! as of yore.
On, 'tis the fiery cross glarin', glarin', &c.

Grandly the claymores are flashin', flashin',
On! in your might, like a tempest of death,
On! like our torrent-steeps dashin', dashin',
Give we the foemen their bed on the heath.
Strike! see their bravest are flyin', flyin',
Dimmed be the sheen of each blade in their
gore,

Heed not the shouts of the dyin', dyin',
On in the night raid they glory no more—
On, 'tis the fiery cross glarin', glarin', &c.

Far frae our glen are the foemen, foemen,
Matrons an' maidens gie welcome again,
Proudly our chieftain is comin', comin',
Hark! 'tis the tread of his warrior train!
Sing ye their deeds in the foray, foray,
Tell to your sons of old heroes of worth,
Echo, ye mountains, their story, story,
Sing how the fiery cross gathered them forth!

What though no fiery cross glarin', glarin', Musters our braves when foe dangers are near, Still can their valour an' darin', darin', Tear victory's laurels frae a' that appear.

MY AIN HIELAN' HAME! MY AIN HEATHER LAND!

OCHON! but my life-wish has noo its fulfillin', I'm back to the auld Hielan' clachan again, Ilk kent spot o' youth is loved mem'ries instillin',

- An' bringin' sair thochts to my heart in their train:—
- Ye welcome me, mountains o' heather-clad grandeur,
- Your blasts sigh a welcome as roun' me they blaw;
- Ye welcome me, glens, whaur in youth I did wander,
- Your lone gloomy silence breathes welcome an' a'.

O my ain Hielan' hame, O my ain heather land.

I feel your wild win's fannin' life's dying fires, Howlin' frae oot the past, echoes sublime an' grand,

An moanin' loved dirges whaur sleepeth my sires.

There stan's the auld castle, bereft o' its glory,
Whaur warriors mustered for foray or raid,
Tho' roofless an' eerie, a' moss-grown an' hoary,
Their ghosts ling'rin' fondly still gloomily tread:
Owre their lone graves noo the hoolets are cryin',
Bright deeds o' the past they in sorrow reca',
An weird thro' the dark pines the nicht win' is
sighin',

For sorrow is wailin' its ootcome in a'.

O my ain Hielan' hame, O my ain heather land, &c.

The weel-hidden turf-covered bothy's in ruins,
Whaur aft wi' my cronies we baffled the law;
Whaur aft frae oor sma' still we run aff oor
brewin's,

An' bauldly wad smuggle oor real usqueba.

Still thro' the glen is the mountain stream singin'
Its siller sang, pure as its ain virgin sel',
An' still to its banks are the blue bells a-clingin',
An' cuddlin' in love wi' the broon heather bell.

O my ain Hielan' hame, O my ain heather land, &c.

But whaur are the saft han's that infancy nourished?
An' whaur is the cottage that infancy saw?
Whaur, whaur are the smiles that sae fondly I cherished?

Nae mair they 'll return to gie welcome an' a'. Unkent an' unwelcomed, I gaze in my weepin' On links o' the past in the moulderin' stanes. Hush! I hear a welcome frae clansmen a-sleepin'—
O joy! for their heather shall bloom owre my
banes.

O my ain Hielan' hame, O my ain heather land, &c.

ALANE, BY FRENCHLAN' TOWER

- ALANE, by Frenchlan' Tower, in the sun's departin' rays,
- Awa frae a' the din an' cares o' siller-makin' ways,
- I sit and scan the prospect wi' a rapt'rous soul an' e'e.
- An' gloryin' feel there's nocht on earth can greater pleasure gie.
- The lav'rock pours its ev'nin' sang, an' seeks its grassy nest,
- The tim'rous blue bell sighin' hings its sunsetlichtit crest,
- The weary hind returnin' sings wi' labour-endit glee,
- An' echoes o' the gloamin' hum a silv'ry strain to me.

- Ahint yon gath'rin' cloud o' nicht the monarch glides awa',
- An' streamin' frae its gowden edge his quiv'rin' arrows fa'
- That gleamin' licht the wavin' fields, an' owre the meadows flee,
- Syne deck the heather hills wi' hues that maist enchantit be;—
- E'en Nature's mellowed murmurs seem, in ilka playfu' breeze,
- Like music o' a simmer shower amang the leafy trees,

1 -

- Sae saft, sae soul-subduin'—oh! sae soughin' an' sae wee,
- Like dip o' angels' pinions timed to angel melody.
- Noo a' ye gowd-dementit coofs that, ever hoardin' wealth,
- Gloat on your piles wi' ecstasy, an' never heed your health,

- Awa! an' lea' your fated charm, an' life's true blessin's pree,
- Gang, gang whaur Nature revels in her virgin purity.
- What says the lav'rock in its lilt? what breathes the pale blue bell?
- What say the balmy win's that blaw? what doth ilk sunset tell?
- They a' sigh oot in unison this sweet love-burstin' tale—
- That Paradise on earth is found in Moffat's rural vale.

WE DAUR A'*

SHALL yon haughty, vauntin' foe
Tear one laurel from our brow?
Shall our pride be humbled low
At their tyrant ca'?
Never, lads, shall it be said
Scots frae foes in terror fled—
Scots, wha are by valour fed,
An' wha aye daur a'.

By our a' immortal sires!

By what Scotland's name requires!

By the love that strength inspires

We will stan' or fa'!

^{*} Colonel Cameron of the 79th or Cameron Highlanders, at the battle of Talavera, thus addressed his men—"Lads, we daur a'."

Hark! the death-presagin' gun,
'Tis the fight!—the fight begun—
Scots and victory noo are one,
Sae we shall daur a'.

Steady, lads! they come!—they come!

Hear their fate-defying drum—

Steady! for we'll ne'er succumb

To their movin' wa'!

Steady! pour your streams o' death,

Tempest-rushin' o'er the heath,


On! shout wi' triumphant breath,

"Tartans aye daur a'."

See! in cauld oblivion's night, Sunk forever in their might; Vict'ry, smilin' at the sight, Sings this glorious blaw: "Wha can stan' 'gainst Scots wha are Nursed within my sweepin' car, Weans in peace, but de'ils in war, Hoo they aye daur a'."

Wha e'er saw a Scotsman flee
Frae a foe to liberty?
Freedom's sons aye bear the gree,
Ower the taps o' a'.
Whan creation first began,
Thus our heavenly charter ran,
"Scotsmen! be in freedom's van,
Ever daurin' a'."

DINNA GANG TO SEA*



^{*} This song is inserted by kind permission of Messrs E. C. Boosey & Co., 2 Little Argyll Street, Regent Street, London, W.

I dreamt last nicht, when in my sleep,
A boat at sea upset;
I saw a face sink in the deep,
His look I'll ne'er forget.
Sae gang na on the stormy main,
The feelin' maks me dree
That I will ne'er see you again,
Gin ye should gang to sea.
For lood is blawin' noo the gale,
The white tap't waves I see,
Oh, lea' your boat, tak' doon the sail,
An' dinna gang to sea.

A doom'd ship's drivin' in the bay,
What should the pilots do?
Launch oot their boat, an' sail away,
An' try to save the crew;
I couldna live were I to ken
That lives were lost by me:

Think o' the wives o' helpless men, Sae I will gang to sea.

Tho' lood is blawin' noo the gale,
An white tap't waves ye see,
We'll launch the boat, an reef the sail,
For I must gang to sea.

Mind not your idle dream, my Kate,
My bairnies weel I lo'e;
Yon ship drives on to awful fate,
Oh! think, lass, on her crew;
Sae dry your tears, I must away,
Our boat will ride sae free;
When duty calls, I must obey,
An' I maun gang to sea.

Tho' lood is blawin' noo the gale,
An' white tap't waves ye see,
We'll launch the boat, an' reef the sail,
For I must gang to sea.

HAE WE NOT?

Why is Scotia sae renowned?

Why do bards her praises sound?

Why do hearts exultin' bound

An' honour aye her name?

Hae we not a glorious past?

Hae not oor traditions cast

Halos that will Time outlast

Ere we lose oor fame?

Hae we not 'neath despots mourned?

Hae we not oppression spurned?

Hae we not when valour burned,

Shivered a' wha came?

Hae we not a patriot host,
Freedom's nurslings, Freedom's boast.
Chiels wham tyrants dreaded most,
Aye, an' ne'er could tame?

Hae we not on vict'ry's heath,

Fought for right an' fell for faith,

Darin' a, e'en spurnin' death,

Ere we'd conscience shame?

Ever round oor Scotia's shore,

See! the billows ceaseless roar,

Freedom's pæans still they pour

In a wild acclaim.

Hae we not made Art our own?

Hae we not in Science shone?

Hae we not clasped Learnin's zone

Roun' ilk humble hame?

Hae we not sons still renowned,
Sons wi' deathless laurels crowned,
Sons, whase worth shall ever sound
Scotia's peerless name?

WHEN THE SUN GI'ES ITS LAST GLOW'R

When the sun gi'es its last glow'r,
An' the cloods are tinted owre
Wi' the hues o' gloamin' hour,
Then, then I gang to meet her:
Whaur the Wear melodious fa's,
Lavin' Hylton's hoary wa's,
Loupin' thro' the Hylton shaws;
O then nae hour is sweeter.

Birdies wi' nae wanton flicht,

Doucely sit an' sing guid-nicht,

Warblin' oot their heart's delicht

In notes o' love sae cheerie:

Flow'rets droopin' close their e'e, Saft win's croon their lullaby, Gloamin' shadows gently flee, Then, then I woo my dearie.

Nature's low, mysterious choir
Chants wi' sweet poetic fire,
Strophes, that my soul inspire
To a' that love can gi'e me;
Mutual love, ennoblin' man,
Is the great celestial plan.
Come, my lassie! thou maun fan
The love that ne'er shall lea' me.

Mellow gloamin's, e'enin' charms,
Bind me, like my lassie's arms,
Then my soul exultin' warms,
Wi' love's sweet anguish laden;

By yon gowd cloods in the west,-Radiant gates to heav'nly rest,-By the love that fills my breast, Thou'rt queen o' a', sweet maiden!

CONVALESCENT

THE days o' your pinin' are gane, love,
An' life's spring again broods anew;
Awa' are the shadows o' pain, love,
That wrinkled your bonnie bit broo.
The health-gleams are dawnin' aince mair, love,
An dancin' wi' joy in your e'e;
Their glints pale the darkness o' care, love,
For hope only triumphs in thee.

Wi' gowden hair lowse to the win', love,Wi' glee-shouts as clear as the dew;O, licht owre the fields ye shall rin, love,An' posies again ye shall pu'.

Or doon by the sands o' the sea, love,
You'll loup like a nymph o' itsel';
Your feetie the wee waves shall pree, love,
Syne blushin', the ithers will tell.

Your pale cheeks like roses shall bloom, love,
Your voice like the lintie's shall fa';
Your smiles shall the cottage illume, love,
An' pride shall be dwellin' in a'.
I'll gang noo to sea withoot dread, love,
An' licht owre the waves noo shall ride
The boatie that brings us oor bread, love,
An' something for braws tae beside.

You'll sit on the creepie, I ken, love,
An' watch me afar on the deep;
The creels an' the nets ye shall men', love,
Whan Minnie an' Grannie's asleep.

O'erjoyed, noo, to see you restored, love,
The tears maistly come to my e'en;
You, only, we fondly adored, love,
Reft o' ye, life sunless had been.

OOR PAST

YE ken o' the deeds o' oor ancestor's glorious,
Ye ken o' the deeds ever present wi' Time,
Whan Liberty rose owre a' foemen victorious,
And Scotland, illumed, stood alane maist sublime.
Oh say, hath that spirit fled frae us for ever?
Oh say, are her sons only great in their gold?
There surely maun linger some hearts wha can never

Dethrone oor loved Past frae their memory's hold.

Oor sires hath for freedom the scaffold aft mounted,

Their bluid aft has varnished oor Liberty's shrine,

- Their hames an' their lives aye fu' lichtly they counted,
- 'Twas Scotland! and Freedom! their guerdon divine!
- Thus Liberty, wrested frae despots an' tyrants,
- Should ever be sacred to those wha can claim
- To stand amang Scotsmen, the high-souled aspirants,
- An' prood, jealous guardians o' Scotland's loved name.

But noo we are a' in a gowd-sodden slumber,

Few see noo the shadow o' Liberty's hand,

Inscribin' that—guid to mankind's greatest number,

Maun yet be the beacons engirdin' oor land. The spirits o' heroes majestic, careerin', Behold wi' deep sorrow their prestige decay,

- They start as they see Freedom's foemen appearin',
- An' weep whan their sons the loved trust wad betray.
- Hae nae Scottish bosoms the auld fire still blazin'?
- Will nane raise their voice, or the thunder-tongued pen,
- To smite wi' Truth's torrents, the barriers debasin',
- That elevate not a' the humblest o' men?
- Say, is he a Scot, wha wad shame Freedom's charter?
- Say, is he a Scot, wha her laurels wad stain?
- Na, na, gin there's ane wha his conscience wad barter,
- There's thoosans wad fecht for their birthright again.

I LEA' THEE, AULD SCOTLAND

- I LEA' thee, Auld Scotland, in sorrow o' heart, I lea' a' the freens that are true,
- Fell grief-cloods are shadin' my undeein' pairt, As fast fade thy mountains frae view.
- Wild, wild in their snawy-clad grandeur they loom, Far-dartin their gowd-glintin' gleams,
- They mock wi' their beauty my fate-stricken gloom,
 - To live, O hoo sair, in my dreams.
 - Auld Scotland! I canna say Fareweel to thee,

Hope whispers that I maunna mourn,

The heart-tears I dash frae my lovestrainin' e'e,

As swiftly frae thee I am borne.

I gaze on the forest, the glen, an' the heath,

The foam-crestit, glee-loupin' burn,

An' cow'r 'neath the soul-burstin' feelin' o' death, To think I may never return.

I may gang awa, but my heart is aye there, Nae changes can alter its clink,

It beats but to cherish wi' fond childish care
The name, that is life's gowden link.

Auld Scotland! I canna say, &c.

I think on the smiles, an' the shake o' the han's,
Oor Scots-couthie, soul-reamin' grip,
That circles a welcome wi' love's siller ban's,
An' hallows the smile o' the lip.

I maist feel their impress still clingin' to mine,
'Tis Fancy but lowin' wi' Truth,
An' Mem'ry awakes 'neath the spell sae divine,
An' sighs for the hame o' its youth.
Auld Scotland! I canna say, &c.

I'll see thee in nicht-hauntin' visions that bring
Fause joy to my dream-mellowed soul;
I'll wauken, an' sorrow on anguish-spread wing
Triumphant defies a' control.
Sae, sae to sweet Hope noo, I fondly maun cling,
An' 'neath her saft, heart-cheerin' glee,
I'll woo the coy lassie, an' blithely I'll sing,
That back to her mither I'll be.
Auld Scotland! I canna say, &c.

AULD EFFIE; OR, OOR SCHULE-MISTRESS

An auld-farrant bodie was Effie, wha keepit
The schule for the weans, in the ben o' her ha';
We thocht her twascore, but her years lichtly sleepit,

Sae gossipin' tongues couldna age her ava.

She cam' to the toon whan they a' thocht her twenty,

A douce-lookin' kimmer, wi' feent ony braws,

For years passin' therty, perjinkit and tenty,

She gae the weans schulin' weel mixed wi' the
tawse.

They lang had thocht Effie a puir wafflin' cratur', Wha on a bit man never cuist a heart e'e, A fusionless carlin, without human natur',
An' ane wha the reals o' life daurna pree.
A cankered auld maid noo they said she was turnin',
For noo the schule weans werna learnin' sae fast;
What ance was her hobby, a' thocht she was spurnin',

As she the meridian o' womandom passed.

But won'rin' an' dootin' ne'er fand a fact's centre,
An' sae wi' their reas'nin's they were far a-gley,
Until Kirsty Tamson's wee Meg at a ventur',
Lat oot tae her mither the cat o' the ploy.
Oor minister, grey-haired, an' sauntly, an' single,
An' free frae the vices o' Christian cant,
Had lang for the warder o's sel' an' his ingle,
The foosty ootline o' an' auld maiden aunt.

Sae she, sour an' granein', thocht shame to live langer,

An' took hersel' aff frae this hoosekeepin' place

The neebors syne mootit, that Satan in anger,
Wad rin frae his yett whan he saw her thrawn face.
Be-craped, an' lamentin', an' owrecome wi' sorrow,
Oor minister daunert like some dizzy goose;
Until frae oor schule some joy-glints he wad
borrow,—

For Effie sune tied up the strings that were loose.

He cam unco aften to hear us oor lesson,
While Effie wad bustle an' blush as he spak;
An' fegs he wad say aft the skailin'-time blessin',
Syne gang but wi' Effie to hae a bit crack.
Ae nicht Meggie Tamson saw queer-like caressin'
As thro' the sma' winnock she peered unco slee,
The minister, Effie's thin lips was aye kissin',
While she, an' auld maid, Feigh! sat crouse on his knee.

Sic news, 'mang the mithers, was unco sune carried, An' nae ways decreased wi' their gossipin' yeast, A fortnicht o' wonder, syne Effie gat married,
An' a' the schule weans gat a cookie tea feast.
A' thocht Effie auld, an' a fusionless woman,
But fegs they were cheated as time gaed alang;
Queer words an' strange looks were exchanged at
the comin'

O' ae pledge that proved the toon gossips were wrang.

SLEEP ON! SLEEP ON!

SLEEP ON! sleep on! my bonnie doo,
O dinna dreamin' be,
Your mammy's heart wi' pain is fu',
An' tears are in her e'e.
Ye little ken what gars me greet,
Ye kenna o' my wae,
But I've in you my sorrow's sweet,
Thro' life's maist darksome day.

Sleep on! Sleep on! my bonnie lam',
O may ye never bear
A heart like mine, bereft o' calm,
An' fu' o' sinkin' care.

What gars ye sigh? what gars ye start?
What are your little dreams?
That sough sae sad comes frae your heart,
An' fu' o' pity seems.
See you your mammy's lanely state?
Feel you my dowie pain?
Na! Na! ye feel nae earthly fate,
My bonnie dreamin' wean.
Sleep on! Sleep on! my bonnie lam', &c.

The nicht draws on, the hoose is lane,

I weary, weary get;

O whaur! O whaur! is daddie gane?

I hear nae footfa' yet.

Strange shadows seem to hover roun',

Forebodin' fills my breast,

Love hears in ilka wee bit soun'

The whisp'rin' o' a ghaist.

Sleep on! Sleep on! my bonnie lam', &c.

Wheesht! Wheesht! I hear him comin' noo,
His stap o' joy is shorn;
Ah me! my wean! your daddie's fu',
An' I maun thole his scorn.
Bairnie, sleep on! in dreams rejoice,
O, could I feel as thee,
Oblivious to a drunkard's voice,
Whaur love is dead for me!
Sleep on! Sleep on! my bonnie lam', &c.

FEANIE! DINNA FASH ME

JEANIE! Jeanie! dinna fash me,
Spare me noo your witchin' smiles,
O, your joys divine will crush me,
Saints could ne'er resist your wiles.
Liberty is dear unto me,
O'er me may its banner wave,
Strange, your charms can aye o'erthrow me,
Then I stan' your fettered slave.

Jeanie! Jeanie! dinna fash me, Ye've a soul in ilka e'e, Dartin' flames o' love that crush me Wi' their scorchin' purity. Love celestial ever bloometh, Spreadin' wi' its virgin breath Incense that the soul consumeth, Wi' the bliss that sweetens death.

Jeanie! Jeanie! dinna love me,
Speak nae mair those words sae sweet
Seraph-whisp'rin's couldna move me,
Like your ain, love-dewy weet.
Gin in heav'n they speak sae couthie,
O, 'twill be a feastin' rare,
An' gin whaur they a' are drouthie,
Wretches then will thirst nae mair.

TEENIE-A FIRESIDE SKETCH

A wee bit archin' broo,
A nose that little cherubs bear,
An' twa big e'en deep blue.
A dimple on ilk rosy cheek,
Twa lips like Cupid's bow,
That lauch an' goo, but canna speak,
An' yet affection show.
For she is Teenie, oor lammie pet,
A gem, a jewel, in twa hearts set.

Twa chubby hands wi' fingers prone To pu' her mammy's curls, Wee scratin' nails ilk ane upon,

To gie her bosie tirls;

Twa leggies an' twa feetie wee

That kick wi' joy always,

First plaything o' the han's they be,

An' canna bide their claes.

For she is Teenie, oor wee bit pet,

A sma gem-lassie in twa hearts set.

She 's just a cuddlin' lump o' love,
She is an angel pet,
A pledge o' kindness frae above
Domestic bliss to whet.
Her smile sae sweet gangs to the heart,
We canna thole her e'en,
Their gaze, devoid o' human art,
Keeps oor affection green.
Noo she is Teenie, oor bonnie Teenie,
'Mang bairnies a', she'll stan' a queenie.

• SUNDERLAND: PRINTED BY W. H. HILLS.

1/





STANFORD UNIVERSITY LIBRARIES
CECIL H. GREEN LIBRARY
STANFORD, CALIFORNIA 94305-6004
(415) 723-1493

All books may be recalled after 7 days

DATE DUE



